

目錄

| | | |
|----|------------------------|----|
| 上篇 | 統治階級之民族及其升降····· | 一 |
| 中篇 | 政治革命及黨派分野····· | 三八 |
| 下篇 | 外族盛衰之連環性及外患與內政之關係····· | 九四 |

唐代政治史述論稿

上篇 統治階級之民族及其升降

朱子語類卷之陸歷代類卷云：

唐源流出於夷狄，故閨門失禮之事不以爲異。

朱子之語頗爲簡略，其意未能詳知。然卽此簡略之語句亦含有種族及文化二問題，而此二問題實李唐一代史事關鍵之所在，治唐史者不可忽視者也。茲請先論唐代三百年統治階級中心皇室之民族問題，然後再推及其他統治階級之種族及文化問題。

若以女系母統言之，唐代創業者及初期君主，如高祖之母爲獨孤氏，太宗之母爲竇氏，卽紇豆陵氏，高宗之母爲長孫氏，皆是胡種，而非漢族。故李唐皇室之女系母統雖有胡族血胤，世所共知，不待闡述，茲所論者專以男系父統之民族爲範圍也。

唐之皇室本有自撰之譜牒，原書今不可見。然如冊府元龜及兩唐書等唐皇室先世淵源之記載固出自李唐皇室自撰之譜牒，卽唐太宗御撰之晉書亦唐皇室自述其氏族淵源之要籍，故茲依據此類唐室自敘其家世之著述，復取其他史料互相參證，以討論此問題焉。

李唐世系之紀述其見於冊府元龜皇帝王部帝系門舊唐書查高祖紀新唐書查高祖紀北史查百序傳及晉書捌柒涼武昭王傳等書者，皆不及新唐書柒拾上宗室世系表所載之詳備，今卽依此表與其他史料討論之。表云：

（李）敬字士業，西涼後主。八子：勣，紹，重耳，弘之，崇明，崇產，崇肅，崇祐。重耳字景順，以國亡奔宋，爲汝南太守，後魏克襄陽，以地歸之，拜懷農太守，復爲宋將薛安都所陷，後魏安南將軍豫州刺史。

史。生獻祖宣皇帝諱熙，字孟良，後魏金門鎮將。（舊唐書高祖紀云：率豪傑鎮武川，因家焉。新唐書高祖紀同。）生懿祖光皇帝，諱天賜，字德真。三子：長曰起頭，長安侯。生遂寧，後周羽林監太字洗馬長安縣伯。次曰乞頭。次曰太祖（虎）。

此表所載必出唐室自述其宗系之舊文，茲就其所紀李重耳李熙父子事實，分析其內容，除去其爲西涼李嵩之正支後裔一事以外，尚有七事，條列於下：

- （一）北氏爲李。
- （二）父爲宋汝南太守。
- （三）後魏克豫州，父以地歸之。
- （四）父爲後魏恆農太守。
- （五）父爲宋將薛安都所陷，卽所擒。
- （六）父爲後魏安南將軍豫州刺史。
- （七）子爲後魏金門鎮將。

考宋書伍文帝紀云：

（元嘉）二十七年二月辛巳索虜寇汝南諸郡，陳南頓二郡太守鄭琨、汝陽潁川二郡太守郭道隱委守走。索虜攻懸瓠城，行汝南郡事陳憲拒之。

又同書梁武帝南平穆王鑠傳云：

索虜大帥拓拔肅南侵陳穎，遂圍懸瓠城，太守陳憲保城自固。

又同書梁柳元景傳略云：

（元嘉）二十七年八月（隨王）誕遣振威將軍尹顯祖出賀谷，奮威將軍魯方平建武將軍薛安都略陽太守胤法起入盧氏。（中略）。（閏）十月法起安都方平諸軍入盧氏。（中略）。法起諸軍進至方伯自，去弘農五

里。(中略)。諸軍造攻具，逼兵城下。僞弘農太守李初古拔嬰城自固，法起安都方平諸軍譴以墮城。(中略)。安都軍副譚金薛係孝率衆先登，生禽李初古拔父子二人。(中略)。殿中將軍鄧盛幢主劉驤亂，使人入荒田，招宜陽人劉寬糾，率合義徒二千人，共攻金門塢，屠之，殺戍主李買得，古拔子也，爲虜永昌王長史，勇冠戎類，永昌聞其死，若失左右手。

又同書玖伍密廣傳略云：

(元嘉)二十七年，熲自率步騎十萬寇汝南。(中略)。宣威將軍陳南頓太守鄭繼(文帝紀作琨)。綏遠將軍汝南潁川二郡太守鄒道隱并棄城奔走。虜掠抄淮西六郡，殺戮甚多。攻懸瓠城，城內戰士不滿千人。先是，汝南新蔡二郡太守徐遵之去郡，南平王遣左軍行參軍陳憲行郡事，憲嬰城固守。(中略)。熲遣從弟永昌王康仁眞步騎萬餘將所略六郡口北屯汝陽。(中略)。太祖嘉憲固守，詔曰：右軍行汝南新蔡二郡軍事陳憲盡力捍衛，全城摧寇，忠敢之效宜加顯擢，可龍驤將軍汝南新蔡二郡太守！

又魏書陸壹薛安都傳云：

後自盧氏入寇弘農，執太守李拔等，遂逼陝城。時秦州刺史杜弢生討安都，仍執拔等南遁，及世祖(拓拔珪)臨江，拔乃得還。

據上引史實，則父稱李初古拔，子稱李買得，名雖類胡名，姓則爲漢姓，其氏既爲李，是與上列第一條適合。李初古拔爲弘農太守，弘農卽恆農，後魏以避諱故改稱恆農，是與第四條適合。李初古拔爲宋將薛安都所擒，是與第五條適合。宋書柳元景傳言：「生擒李初古拔父子」。魏書薛安都傳言：「安都擒李拔等，仍執拔等南遁，世祖臨江，拔乃得還。」則李初古拔當不止一子，李買得死難，以弟或兄代領其職，今不能確知，但冊府元龜壹帝王部帝系門及兩唐書高祖紀等書李熙率豪傑鎮武川，因而留居之記載，乃後來宇文泰所改造，並非事實，俟後詳論之。總之，李熙爲金門鎮將，李買得亦爲金門塢戍主，地理專名如是巧同，亦可認爲與第七條適合，至於北魏諸鎮設置之時代及其地望等問題則別爲一事，非茲所討論者也。又第二條李重耳爲宋汝

南太守一事，徵諸上引史實，絕不可能。蓋既言：「爲宋將薛安都所陷」，其時必在元嘉二十七年，當時前後宋之汝南太守其姓名皆可考知，郭道隱則棄城走，徐遵之則去郡，陳憲則先行郡事，後以守城功擢補實官，故依據時日先後，排比推計，實無李重耳可爲宋汝南太守之餘地。據宋書柳元景傳言：「李賈得爲永昌王長史，永昌聞其死，若失左右手。」則李氏父子與永昌王關係密切可以推知。宋書索虜傳又言：「永昌王北屯汝陽」。孝文帝通鑑繫永昌王屯汝陽事於元嘉二十七年三月，繫李初古拔被擒事於元嘉二十七年閏十月，而汝陽縣本屬汝南郡，後別分爲汝陽郡者，故以時日先後地理接近及人事關係論，李初古拔殆於未被擒以前曾隨永昌王屯兵豫州之境，因有汝南太守之授。然則此唐室譜牒所言之汝南太守實非宋之汝南太守，乃由魏之汝南太守所修改而成者也。第六條之安南將軍豫州刺史當即與第二條有關，檢冊府元龜肅宗王叔帝系門之文，豫州刺史之上有「贈」字，是豫州刺史乃後來追贈之官，故於此不成問題，可不討論矣。魏書薛安都傳言：「（安都）仍執（李）拔等南還，及世祖臨江，拔乃得還。」是李初古拔原有自北至南，復自南還北一段因緣，李唐自述先世故實，竟或因此加以修改，以傳會李重耳之由北奔南，又由南歸北耶？幸賴其與他種記載符合及矛盾，留一罅隙，千載而後遂得以發其覆也。

復次，魏書薛安都傳之李拔即宋書柳元景傳李初古拔之清稱及雅名。梁書伍陸侯景傳載景之祖名周，而南史捌拾侯景傳作羽乙周，正與此同例。蓋胡人名字原是對音，故成繁鄙，異於華夏之雅稱，後代史官屬文，因施刪略。夫侯景稱帝，七世兩諱父祖之外皆王偉追造，（見梁書南史侯景傳）。天下後世傳爲笑談，豈知李唐皇室先世之名字亦有與此略相類似者乎？又據魏書肆武薛辯傳附長子初古拔傳（北史卷陸薛辯傳同）云：

長子初古拔，一日車路拔（北史略作較），本名洪祚，世祖賜名。

同書卷貳高祖傳亦附載高各拔之名。然則初古拔或車路拔乃當日通常胡名，頗疑李初古拔如其同時薛洪祚之例，亦本有漢名，特以胡名著稱於史耳。

總而言之，前所列之七條，第一第四第五第七四條之中，李重耳父子事實皆與李初古拔父子事實適合。第

六條乃第二條之附屬，無獨立性質，可不別論。第二條第三條實互相關連，第五條既言：「爲宋將薛安都所陷」，則元嘉二十七年南北交兵之際李氏父子必屬於北，而不屬於南，否則何得謂爲宋將所擒？故今易原文之劉宋爲後魏，則第二條三條之事實不獨不與其他諸條相反，而且與之相成，況其他諸條中涵有「元嘉二十七年」一定之時間，「李氏」「薛安都」之姓名專名，「弘農」「金門」之地理專名，而竟能兩相符合，天地之間似無如此偶然巧值之事，故今假定李唐爲李初古拔之後裔，或不至甚穿鑿武斷也。

抑更有可論者，據唐會要宣帝號條上云：

獻祖宣皇帝諱熙，（涼武昭王暕曾孫嗣涼王歆孫弘農太守重耳之子也）。武德元年六月二十二日追尊爲宣簡公，咸亨五年八月十五日追尊宣皇帝，廟號獻祖，葬建初陵。（在趙州昭慶縣界，麟鳳二年五月一日追封爲建昌陵，開元二十八年七月十八日詔改爲建初陵。）

懿祖光皇帝諱天賜，（宣皇帝長子）。武德元年六月十二日追尊懿王，咸亨五年八月十五日追尊光皇帝，廟號懿祖，葬啓運陵。（在趙州昭慶縣界，麟鳳二年五月一日追封爲延光陵，開元二十八年七月十八日詔改爲啓運陵。）

元和郡縣圖志卷七（參照唐書卷五十八地理志，及新唐書卷五十八地理志趙州昭慶縣條）。

趙州。

昭慶縣，本漢廣阿縣，屬鉅鹿郡。

皇十三代祖宣皇帝建初陵。高四丈，週迴八十丈。

皇十二代祖光皇帝啓運陵。高四丈，週迴六十步。二陵共塋，週迴一百五十六步。在縣西南二十里。

冊府元龜卷一百一十五（帝王部帝系門略云：

唐高祖神皇帝姓李氏，隋西狄道人，其先出自李暹，是爲涼武昭王，薨，子歆嗣位，爲沮渠蒙遜所

滅，歆子重耳奔於江南，仕宋爲汝南郡守，復歸於魏，拜弘農太守，贈豫州刺史，生熙，起家金門鎮將，後以良家子鎮於武川，都督軍戎百姓之務，終於位，因家焉，生天賜，仕魏爲輔主，大統時贈司空，生太祖景皇帝虎，封趙郡公，徙封隴西公，周受魏禪，錄佐命功，居第一，追封唐國公，生世祖元皇帝暉，在位十七年，封汝陽縣伯，襲封隴西公，周受禪，襲封唐國公，高祖卽元皇帝之世子，母曰：元貞皇后，七歲襲封唐國公，義寧二年受隋禪。

今河北省蠡平縣尙存唐光業寺碑，碑文爲開元十三年宣義郎前行象城縣尉楊晉所撰，中央研究院歷史語言研究所藏有拓本，頗殘闕不可讀。茲取與黃彭年等修畿輔通志查該肆古蹟略所載碑文相參校，而節錄其最有關之數語於下：

（上略）。皇祖瀛州刺史宣簡公諱追上尊號，諡宣皇帝，皇祖妣夫人張氏追上尊號，諡宣莊皇后。皇祖懿王諱追上尊號，諡光皇帝，皇祖妣妃賈氏諱追上尊號，諡光懿皇后。（中略）。詞曰：

維王桑梓，本際城池。（下略）。

案，李熙天賜父子共葬而葬，卽族葬之一證，光業寺碑頌詞復有「維王桑梓」之語，則李氏累代所葬之地卽其家世居住之地，絕無疑義，而唐皇室自稱其祖留居武川之說可不攻自破矣。又據魏書卷一百陸上，地形志南趙郡廣阿縣條隋書卷拾地理志趙郡大陸縣條及元和郡縣圖志登萊趙州昭慶縣條等，知李氏父子葬地舊屬鉅鹿郡，與山東著姓趙郡李氏居住之舊常山郡境地鄰接，李虎之封趙郡公當卽由於此也。又漢書貳捌地理志載中山國唐縣有堯山，魏書卷一百陸上地形志載南趙郡唐阿縣卽李氏父子葬地復有堯臺，李虎死後，追封唐國公，蓋止取義於中山鉅鹿等地所流傳之放勳遺蹟，並非如通常廣義兼該太原而言也。至大唐創業起居注所云：

初，帝奉詔爲太原道安撫大使，帝以太原黎庶陶唐舊民，奉使安撫不踰本封，因私喜此行以爲天意。則爲後來依附通常廣義之解釋，殊與周初追封李虎爲唐國公時暗示其與趙郡相關之本旨不同也。然則李唐豈真

出於趙郡耶？若果爲趙郡李氏，是亦華夏名家，又何必假稱出於隴西耶？考元和郡縣圖志豈伍云：邢州。

堯山縣，本曰柏人，春秋時晉邑，戰國時屬趙，秦滅趙，屬鉅鹿郡，後魏改「人」爲「仁」，天寶元年改爲堯山縣。

又周書豈伍云：

趙州。

平棘縣，本春秋時晉棘蒲邑，漢初爲棘蒲，後改爲平棘也，屬常山郡。

李左車墓在縣西南七里。

趙郡李氏舊宅在縣南二十里，卽後魏以來山東舊族也，亦謂之三巷李家云，東祖居巷之東，南祖居巷之南，西祖居巷之西，亦曰三祖宅巷也，三祖李氏亦有地屬高邑縣。

元氏縣，本趙公子元之封邑，漢於此置元氏縣，屬常山郡，西漢常山太守皆理於元氏。

開業寺，在縣西北十五里，卽後魏車騎大將軍陝定二州刺史尙書令司徒公趙郡李徽伯之舊宅也。

柏鄉縣，本春秋時晉鄆邑之地，漢以爲縣，屬常山郡，後漢改曰高邑，屬常山國，齊天保七年移高邑縣於漢房子縣東北界，今高邑縣是也。

高邑縣故城在縣北二十一里，本漢鄆縣地也。

高邑縣，本六國時趙房子之地，漢以爲縣，屬常山郡。

贊皇縣，本漢鄆邑縣之地，屬常山郡。

百陵崗，在縣東十里，卽趙郡李氏之別業於此崗下也，崗上亦有李氏墳墓甚多。

昭慶縣，本漢廣阿縣，屬鉅鹿郡。

皇十三代祖宣皇帝建初陵。

皇十二代祖光皇帝啓運陵，二陵共塋，在縣西南二十里。〔昭陵縣條前已引及，爲便於解說起見，特重出其概略於此。〕

元和郡縣圖志著者李吉甫出於趙郡李氏，故關於其宗族之先塋舊宅皆詳載之，若一取其分布之地域核之，則趙郡李氏其顯著支派所遺留之故蹟，俱不出舊常山郡之範圍，據此，則趙郡李氏顯著支派當時之居地可以推知也。但其衰微支派則亦有居舊鉅鹿郡故疆者，考北史卷六李孝伯傳末附載趙郡李氏世系一節〔新唐書卷四宰相世系表趙郡李氏條及郡名世古今姓氏書辨證武豐同〕云：

楷避趙王倫之難，徙居常山，楷子輯，輯子慎，敦，居柏仁，子孫甚微。

案柏仁廣阿二縣，後魏時俱屬南趙郡，土壤鄰接，實可視爲一地城，趙郡李氏子孫甚微之一支，其徙居柏仁之時代雖未能確定，然李楷避西晉趙王倫之難，下數至其孫慎及敦，僅有二代，則李慎李敦徙居柏仁，約在江左東晉之時，李熙父子俱葬於廣阿，計其生時亦約當南朝宋齊之世，故以地域鄰接及時代先後二者之關係綜合推論，頗疑李唐先世本爲趙郡李氏柏仁一支之子孫，或者雖不與趙郡李氏之居柏仁者同族，但以同姓一姓同居一地之故，遂因緣牽附，自託於趙郡之高門，衡以南北朝庶姓冒稱士族之慣例，殊爲可能之事。總而言之，據可借之材料，依常識之判斷，李唐先世若非趙郡李氏之「破落戶」，即是趙郡李氏之「假冒牌」，至於有唐一代之官書其世遠皇室淵源，固亦保存原來真實之事蹟，但其大部盡屬後人諱飾誇誕之語，治史者自不應漫無辨別，遽爾全部信從也。

又魏書玖玖私署涼王李肅傳本不載重耳南奔始末，傳世之十六國春秋纂錄陝西涼錄亦無其事。而湯球之十六國春秋輯補轉取唐修晉書之涼武昭王傳添此一段蛇足，〔見湯書敘例〕。殊爲無識，今敦煌本之十六國春秋殘卷惜未得見，不知與此有關否，至於偽本十六國春秋載重耳事采自唐修晉書更不足辨論矣。

復次，周書肆明帝紀〔北史玖明帝紀同〕云：

二年三月庚申詔曰：三十六國九十九姓，自魏氏南徙，咸稱河南之民。今周室既都關中，宜改稱京兆

人。

隋書卷三經籍志史部譜序篇序云：

後魏遷洛，有合氏十姓，咸出帝族，又有三十六族，則諸國之從魏者，九十二（九？）姓世爲部落大人者，並爲河南洛陽人。其中國人士則第其門閥，有四海大姓，郡姓，州姓，縣姓；及周太祖入關，諸姓子孫有功者，並令爲其宗長，仍撰譜錄，紀其所承，又以關內諸州爲其本望。

據上引史文，嚴格解釋，則隋志之文自「後魏遷洛」至「並爲河南洛陽人」止一節，專指胡人而言，其本末見於魏書齊書梁書陳書等即魏孝文帝改胡姓爲漢姓之事也。周書北史周明帝二年（西曆五五八年）三月庚申詔書亦指胡人而言，明帝二年在魏孝武帝入關之年（西曆五三四四年）後二十四年，在西魏恭帝元年（西曆五五四年）改有功諸將姓爲胡姓（事見周書武文帝紀下北史周本紀上）後亦四年，故從入關之遷洛諸胡族其改京兆郡望當在有功諸漢將改關內郡望之後也。

又隋志之文自「其中國人士」至「又以關內諸州爲其本望」止一節，實專指漢人而言。然則李唐之稱西涼嫡裔，即所謂「並令爲其宗長，仍撰譜錄，紀其所承」，其改趙郡郡望爲隴西郡望，即所謂「又以關內諸州爲其本望」，豈非實格之假說得此史文而益證實耶？所不解者，昔人於此何以未嘗留意？抑別有其他較勝之說耶？此則深願求教於博識通人也。

復次，唐會要卷皇后條（開元十三年光業寺碑文及巴黎圖書館藏敦煌寫本伯希和號第貳伍拾五）唐代祖宗忌日表等均同云：

宣皇帝（熙）皇后張氏。

光皇帝（天賜）皇后賈氏。

景皇帝（昀）皇后樊氏。

元皇帝（虎）皇后獨孤氏。

據此，張寶皆是漢姓，其爲漢族，當無可疑，梁氏如梁懷之例，雖有出自胡族之嫌疑，（見周書卷玖北史伍玖梁懷傳，又魏書卷壹齊官氏志云：「拔列氏後改爲梁氏」）但梁氏本爲漢姓，大部分皆是漢族，未可以其中有極少數出自胡族之故，遽概括推定，凡以梁爲氏者，皆屬胡族也。故李虎妻梁氏在未能確切證明其氏族所出以前，仍目之爲漢族，似較妥慎，然則李唐血統其初本是華夏，其與胡夷混雜，乃一較晚之事實也。茲依據上述資料，作一李唐皇室血統世系表，起自李熙，迄於世民，以備參考。至李重耳則疑本無其人，或是李初古校之化身，故不列入，以示闕疑之意。凡女統確知爲漢族者，標以□符號，確知爲胡族者，標以……符號，雖有胡族嫌疑，但在未發見確證，仍可認爲漢族者，則標以……符號。

| | | | | | | | |
|----|----|----|-----|----|-----|---|----|
| 李 | 熙 | 天 | 賜 | 虎 | 暉 | 淵 | 世民 |
| 張氏 | 賈氏 | 梁氏 | 獨孤氏 | 竇氏 | 長孫氏 | | |

茲依據上引資料及其解釋，再將李唐世系先後改易之歷程及胡漢文化問題加以說明。此世系改易之歷程，實不限於李唐皇室一族，凡多數北朝隋唐統治階級之家，亦莫不如是，斯實中國中古史上一大問題，亦史學中千載待發而未發之覆也。

自鮮卑拓拔部落侵入中國統治北部之後，即開始施行漢化政策，如解散部落同於編戶之類，（見北史捌拾魏書捌叁上外戚傳賀訥傳北史玖捌魏書壹佰叁高車傳及魏書壹壹叁官氏志等），其尤顯著之例也。此漢化政策其子孫遵行不替，及魏孝文帝遷都洛陽，其漢化程度更爲增高，至宣武孝明之世，則已達頂點，而逐漸腐化矣。然同時邊塞六鎮之鮮卑及胡化之漢族，則仍保留其本來之胡化，而不爲洛郡漢化之所浸染，故中央政權所在之洛陽其漢化愈深，則邊塞六鎮胡化民族對於漢化之反動亦愈甚，卒釀成六鎮之叛亂，爾朱部落乘機而起，至武泰元年（西曆五二八年）四月十三日河陰之大屠殺，遂爲胡人及胡化民族反對漢化之公開表示，亦中古史劃分

時期之重要事變也。

六鎮鮮卑及胡化漢族既保持胡部特性，而不漸染漢化，則爲一莽戰之民族，自不待言。此民族以饑饉及虐政之故激成叛亂，南向遷徙，其大部分輾轉移入高歡統治之下，（見北齊書壹神武紀上北史陸齊本紀上隋書貳肆食貨志），故歡之武力遂無敵於中原；終藉此以成其霸業。其他之小部分，由賀拔岳宇文泰率領西徙，割據關隴，亦能抗衡高氏，分得中國西北部之地，成一北朝東西並峙之局，此治史者所習知也。然宇文氏只分有少數之六鎮民族，復局促於關隴一隅之地，終能併存分有多數六鎮民族及雄據山東富饒區域之高齊，其故自非僅由一二君主之賢愚及諸臣材不材之所致，蓋必別有一全部系統之政策，爲此東西並立之二帝國即周齊劉朝勝敗興亡決定之主因，可以斷言也。

宇文泰率領少數西遷之胡人及胡化漢族割據關隴一隅之地，欲與財富兵強之山東高氏及神州正朔所在之江左蕭氏共成一鼎峙之局，而其物質及精神二者力量之憑藉，俱遠不如其東南二敵，故必別覓一途徑，融合其所割據關隴區域內之鮮卑六鎮民族，及其他胡漢土著之人爲一不可分離之集團，匪獨物質上應處同一利害之環境，即精神上亦必具同出一淵源之信仰，同受一文化之薰習，始能內安反側，外禦強鄰。而精神文化方面尤爲融合複雜民族之要道，在此以前，秦苻堅魏孝文皆知此意者，但秦魏俱欲以同質以來之漢化籠罩全部複雜民族，故不得不順於南侵，非取得神州文化正統所在之江東而代之不可，其事既不能成，僅餘一宇文泰之新途徑而已。此新途徑即就其割據之土依附古昔，稱爲漢化發源之地（魏孝文之遷都洛陽，意亦如此，惟不及宇文泰之徹底，故仍不忘南侵也），不復以山東江左爲漢化之中心也，其詳具於拙著隋唐制度淵源略論稿，茲不贅論。此宇文泰之新途徑今姑假名之爲「關中本位政策」，即凡屬於兵制之府兵制及屬於官制之周官皆是其事，其改易隨賀拔岳等西遷有功漢將之山東郡望爲關內郡望，別撰譜牒，紀其所承（見前引隋書卷叁經籍志譜序篇序），又以諸將功高者繼塞外鮮卑部落之後（見周書貳文帝紀下及北史玖周本紀上西魏恭帝元年條等），亦是施行「關中本位政策」之例證，如欲解決李唐民族問題當於此中求之也。

概括言之，宇文泰改易氏族之舉，可分先後二階段：第一階段則改易西遷關隴漢人中之山東郡望爲關內郡望，以斷絕其鄉土之思，（初止改易漢人之山東郡望，其改易胡人之河南郡望爲京兆郡望，則恐尙在其後，見前引周書肆明帝紀及北史玖周本紀上明帝二年三月庚申詔書。）並附會其家世與六鎮有關，即李熙留家武川之例，以鞏固其六鎮團體之情感，此階段當在西魏恭帝元年（西曆五五四年）復魏孝文帝所改鮮卑人之胡姓及賜諸漢將有功者以胡姓之前，凡李唐改其趙郡郡望爲隴西，僞託源流李唐之嫡裔及稱家於武川等，均是此階段中所爲也。第二階段即西魏恭帝元年詔以諸將之有功者繼承鮮卑三十六大部落及九十九小部落之後，凡故胡姓諸將所統之兵卒亦從其主將之胡姓，逕取鮮卑部落之制以治軍，此即府兵制初期之主旨，（詳見拙著隋唐制度淵源略論稿兵制章，茲不贅論。）李唐之得賜姓大野，即在此階段中所爲也。至周末隋文帝專周政，於大象二年（西曆五八二年）十二月癸亥遇改胡姓復爲漢姓，其結果只作到迴復宇文氏第二階段之所改，而多數氏族仍保留於第一階段之中，此李唐所以雖去大野之胡姓，但仍稱隴西郡望及冒託西涼嫡裔也。職是之故，北朝隋唐史料中諸人之籍貫往往紛歧，如與李唐先世同列八大柱國之李弼一族，周書壹仞李弼傳舊唐書伍安李密傳（密爲弼之曾孫）壹叁拾李泌傳（泌爲弼之六代孫），及新唐書柒貳上宰相世系表俱以爲遼東襄平人，而北史陸拾壹弼及壹叁密傳文苑英華玖肆捌魏徵撰李密墓志銘則以爲隴西成紀人，蓋公私著述歧及籍貫或僅據迴復至第一階段立言，或逕依本來未改者爲說，斯其所以彼此差異也。但隋唐兩朝繼承宇文氏之遺業，仍舊施行「關中本位政策」，其統治階級自不改其歧視山東人之觀念（見舊唐書柒捌新唐書壹佰肆張行成傳），故隋唐皇室亦依舊自稱弘農楊震隴西李唐之嫡裔，僞冒相傳，迄於今日，治史者竟無一不爲其所欺，誠可歎也。（據新唐書柒壹下宰相世系表楊氏條，隋皇自稱爲弘農楊震長子牧之後。此即隋書經籍志所謂「今爲其宗長，傳撰譜牒，紀其所承，又以關內諸州爲其本望」者。以非本篇範圍，故不詳論，讀者可以依據有關史料類推也。）

復次，漢人與胡人之分別，在北朝時代文化較血統尤爲重要。凡漢化之人即目爲漢人，胡化之人即目爲胡人，

其血統如何，在所不論。茲舉二例以證明之：

北齊書武肆杜弼傳（北史伍伍杜弼傳同）云：

顯祖（高洋）嘗問弼云：治國當用何人？對曰：鮮卑車馬客，會須用中國人。顯祖以爲謬己。

夫高齊無論其母系血統屬於何種，但其自稱及同時之人均以爲其家世出自渤海裔，固當日華夏之高門也。至於其所漸染者則爲胡化，而非漢化，杜弼斥鮮卑，而高洋以爲謬己，是漢人之受胡化者，即自命爲胡人也。

又北史武捌源賀傳（參考魏書肆壹源賀傳北齊書伍拾思倖傳高阿那肱傳，至隋書陸陳源師傳刪去「漢兒」二字，殊失當時語意矣。）略云：

源賀西平樂都人，私署河間王禿髮保檀子也。保檀爲乞伏熾盤所滅，賀自樂都奔魏，太武謂曰：卿與朕同源，因事分姓，今可爲源氏！（實格案，鮮卑禿髮部即拓拔部，一語異譯，故拓拔與源之同源也。）

（玄孫）師仕齊爲左外兵郎中，攝祠部，後屬孟夏，以龍見隋等。時高阿那肱爲錄尚書事，問爲真龍出見，大驚喜，問龍所在，出作何顏色？師默容對曰：此是龍星初見，依禮當等祭郊壇，非謂真龍別有所降。阿那肱忿然作色曰：漢兒多事，強知星宿。祭罷不行。

夫源師乃鮮卑禿髮氏之後裔，明是胡人無疑，而高阿那肱竟目之爲漢兒，此爲北朝漢人胡人之分別，不論其血統，只視其所受之教化爲漢抑爲胡而定之確證，誠可謂「有教無類」矣。

又此點爲治吾國中古史最要關鍵，若不明乎此，必致無謂之糾紛。資治通鑑登封章陳宣帝太建五年，亦紀此事，胡注云：

諸源本出於鮮卑禿髮，高氏生長於鮮卑，自命爲鮮卑，未嘗以爲諱，鮮卑遂自謂貴種，率謂華人爲漢兒，率侮詬之，諸源世事魏朝，貴顯，習知典禮，遂有等祭之請，冀以取重，乃以取詬，通鑑詳書之，又

一慨也。

梅翊之說固是，又其言別有所成，然於北朝漢胡種族文化之間題似猶不免未達一間也。

李唐皇室者唐代三百年統治之中心也，自高祖太宗創業至高宗統御之前期，其將相文武大臣大抵承西魏北周及隋以來之世業，卽宇文泰「關中本位政策」下所結集團體之後裔也。自武曌主持中央政權之後，逐漸破壞傳統之「關中本位政策」，以遂其創業垂統之野心，故「關中本位政策」最主要之府兵制，卽於此時開始崩潰，而社會階級亦在此際起一升降之變動。舊進士之科雖創於隋代，然當日人民致身通顯之途徑并不必由此，及武后柄政，大崇文章之選，破格用人，於是進士之科爲全國干進者競趨之鵲的，當時山東江左人民之中，有雖工於爲文，但以不預關中團體之故，致遭屏抑者，亦因此政治變革之際會，得以上升朝列，而西魏北周楊隋及唐初將相舊家之政權傳位遂不得不爲此新興階級所攘奪替代，故武周之代李唐，不獨爲政治之變遷，實亦社會之革命，若依此義旨，則武周之代李唐較李唐之代楊隋其關係人羣之演變，尤爲重大也。

武周統治時期不久，旋復爲唐，然其開始改變「關中本位政策」之趨勢，仍繼續進行，迄至唐玄宗之世，遂完全破壞無遺，而天寶安史亂後又別產生一新世局，與前此迥異矣。夫「關中本位政策」既不能維持，則統治之社會階級亦必有變遷，此變遷可分中央及藩鎮兩方敘述，其所以須有此空間之區別者，因唐代自安史亂後，名義上雖或保持其一統之外貌，實際上則中央政府與一部分之地方藩鎮，已截然劃爲二不同之區域，非僅政治軍事不能統一，卽社會文化亦完全成爲互不關涉之集團，其統治階級民族之不同類更無待言矣。蓋安史之亂業雖俱失敗，而其部將及所統之民衆依舊保持其勢力，與中央政府相抗，以迄於唐室之滅亡，約經一百五十年之久，雖號稱一朝，實成爲二國，史家述此，不得不分之爲二，其理由甚明也。

又據唐書地理志上（參考通鑑貳聖紀元和二年此條胡注及唐會要陸贄修撰條）云：

元和二年十二月己卯，史官李吉甫撰元和國計簿，總計天下方鎮凡四十八，管州府二百九十五，縣一千四百五十三，戶二百四十四萬二千五百五十四，其鳳翔，鄜坊，邠寧，振武，涇原，銀夏，鹽州，河東，易定，

魏博，鎮冀，范陽，滄景，淮南，淄青，十五道凡七十一州，不申戶數。每歲賦入取辦止於浙江東西，官款，淮南，江西，鄆岳，福建，湖南等八道，合四十九州，一百四十四萬戶，比量天寶供稅之戶則四分有一，天下兵戎仰給縣官者八十三萬，然人比天寶士馬，則三分加一，率以兩戶資一兵，其他水旱所損，徵科發數又在常役之外。吉甫纂其事，成書十卷。

同書書數下僖宗紀略云：

光啓元年三月丁卯車駕（自蜀）至京師，時李昌符據鳳翔，王重榮據蒲陝，諸葛爽據河陽洛陽，孟方立據邢洛，李克用據太原上黨，朱全忠據汴滑，秦宗權據許蔡，時溥據徐鄆，朱勣據鄆齊曹濮，王敬武據淄青，高駢據淮南八州，秦彥榘宣歙，劉漢宏據浙東，皆自擅兵賦，迭相吞噬，朝廷不能制，江淮轉運路絕，兩河江淮賦不上供，歲獻奉而已。國命所能制者，河西，山南，劍南，嶺南四道數十州，大約郡將自擅，常賦殆絕，藩侯廢置，不自朝廷，王業於是蕩然。

四格案，李吉甫所撰元和國計總簿雖在元和初年，然自安史亂後起，迄於唐亡，其所列中央政府財賦取辦之地域大致無甚殊異。唐代自安史亂後，長安政權之得以繼續維持，除文化勢力外，僅恃東南八道財賦之供給，至黃巢之亂既將此東南區域之經濟幾全加破壞，復斷絕汴路運河之交通，而奉長安文化爲中心仰東南財賦以存立之政治集團，遂不得不土崩瓦解，大唐帝國之形式及實質，均於是告終矣。

在此奉長安文化爲中心恃東南財賦以存立集團之中，其統治階級爲此集團所佔據地域內之二種人：一爲受高深文化之漢族，且多爲武則天專政以後所提拔之新興階級，所謂外廷之士大夫，大抵以文詞科舉進身者也；一爲受漢化不深之蠻夷，或蠻夷化之漢人，故其人多出自邊荒區域，凡自玄宗朝迄唐亡，一百五十年間身居內廷，實握政治及禁軍之權者皆屬此族，即閹寺之特殊階級是也。

自武則天專政嚴格用人後，外廷之顯貴多爲以文學特見拔擢之人，而玄宗御宇，開元爲極盛之世，其名臣大抵爲武后所旌用者。（參考舊唐書韋瓘陸贄傳新唐書韋伍貳李絳傳陸贄公裴議裴請許臺省長官舉薦狀及李

相國論事集等）。及代宗大曆時常袞當國，非以辭賦登科者，莫得進用，自德宗以後，其宰相大抵皆由當日文舉之士由翰林學士升任者也。陸贄史筆以證之：

通典登伍選舉典登載沈既濟之言略云：

初國家自顯慶以來，高宗聖躬多不康，而武太后任事，參決大政，與天子並。太后頗涉文史，好雕蟲之藝，永隆中始以文章選士，及永淳之後太后君臨天下二十餘年，當時公卿百辟無不以文章達，因循日久浸以成風，至於開元天寶之中，太平君子唯門調戶選，徵文射策，以取祿位，此立身行己之美者也。父教其子，兄教其弟，無所易業，大者登臺閣，小者任郡縣，資身奉家，各得其足，五尺童子恥不習文墨焉。其以進士爲士林華選，四方觀聽希其風采，每歲得第之人不浹辰而周聞天下，故忠賢倚彙輻才競行者咸出於是。而姚姦無良者或有焉，故是非相陵敵稱相厲，或扇結鉤黨，私爲盟毀，以取科第，而聲名動天下，或鉤據隱匿，嘲爲篇詠，以列於道路，迭爲訾毀，無所不至焉。

據此，可知進士之科雖設於隋代，而其特見尊重，以爲全國人民出仕之唯一要道，實始於唐高宗之代，即武則天專政之時，及至玄宗，其局勢遂成凝定，迄於後代，因而不改。故科舉制之崇重與府兵制之破壞俱起於武后，成於玄宗，其時代之符合，決非偶然也。但以事關府兵制度，茲不具論。（見拙著隋唐制度淵源略論稿兵制章及玉海登載刪兵制章所引鄒家傳）。至王定保以爲進士之科「甲於貞觀」（唐書言登進士上篇），及「進士科盛於貞觀永徽之際」（同書同卷散序進士條），則稽之史實，有所未合，其言不及沈氏之可信，無待論也。

舊唐書登玖常袞傳云：

尤排擯非辭賦登科者。

同書同卷崔祐甫傳云：

常袞當國，非以辭賦登科者，莫得進用。

同書唐書職官志翰林院條略云：

玄宗即位，張說張九齡等召入禁中，謂之翰林待詔，四方進奏，中外表疏批答，或從中出，宸翰所揮，亦資其檢劑，謂之視草，故舊簡當代士人，以備顧問。至德已後，天下用兵，軍國多務，深謀密詔皆從中出，尤擇名士爲翰林學士，得充選者，文士爲榮。亦如中書舍人例置學士六人，內擢年深德重者一人爲承旨，所以獨承密命故也。德宗好文，尤難其選，貞元已後爲學士承旨者，多至宰相焉。

元氏長慶集伍壹翰林承旨學士記略云：

憲宗章武皇帝以永貞元年即大位，始命鄭公（鄭絪）爲承旨學士，繼在諸學士上。十七年間由鄭至杜（杜元穎）十一人，而九喪大政。

白氏長慶集伍玖李留守相公（李絳）見過池上汎舟羣酒話及翰林舊事因書四韻以獻之時（參考容齋續筆貳元和六學士條）云：

同時六學士。五相一漁翁。

據此，可知唐代自安史亂後，其事相大抵爲以文學進身之人，此新興階級之崛起，乃武則天至唐玄宗七八十年間逐漸轉移清滅宇文泰以來胡漢六鎮民族舊統治階級之結果，若取新唐書宰相表及宰相世系表與列傳所載其人家世籍貫及出身等互相參證，於此三百年間外雖士大夫階級廢興轉移之大勢尤爲明瞭也。至此由文學科舉進身之新興階級與魏晉北朝以來傳統舊士族之關係，則於論黨派時詳述之，茲不涉及焉。

唐代自玄宗後，政柄及君權漸轉入閹寺之手，終至皇位之繼承權歸其決定，而內朝之禁軍外廷之宰相，俱供其指揮，由之進退，更無論矣。其詳當於中篇論政治革命及黨派分野時述之，茲僅略言其氏族所從出之一端於下：

舊唐書貳拾下高帝紀云：

天祐二年六月丙申勅：福建每年進橄欖子，比因閩豎出自閩中，牽於嗜好之間，遂成貢奉之典，雖嘉恩

薦，伏恐煩勞。今後只供蠟面茶具，其進椒櫬子宜停！

新唐書貳佰柒宦者傳吐突承璀傳云：

是時諸道歲進闍兒，雖私白，閹者最多，後皆任事，當時謂閹爲中官區數。咸通中杜宣猷爲觀察使，每歲時遣吏教養其先，時號「教使嘉戶」，宣猷卒用羣宦力，徙宣猷觀察使。

顧況古詩（據全唐詩第拾函）云：

閹一章。

閹良閹也。（原注：閹者塞。閹俗呼子爲閹，父爲郎罷。）

閹生閹方。閹吏得之，乃絕其陽。爲賊爲獲，致金滿屋。爲髡爲錯，視如草木。天道無知，我獨其哀。神道無知，彼受其福。郎罷別閹，吾悔生汝。及汝既生，人勸不舉。不從人言，果獲是咎。閹別郎罷，心摧血下。隔地及天，及至黃泉，不得在郎罷前。

宦寺多冒養父之姓，其籍貫史籍往往不載，然即就兩唐書宦官及宦者傳中涉及其出生地域或姓氏稀異者觀之，亦可知其梗概也。

舊唐書壹捌肆宦官傳云：

楊思勗本姓蘇，羅州石城人，爲內官楊姓所養，以閹從事內侍省。

高力士潘州人，本姓馮，少閹，與同類金剛二人聖曆元年嶺南討擊使李千里進入宮，則天嘉其爲慧，令給事左右，後因小過，撻而逐之，內官高延福收爲假子，延福出自武三思家，力士遂往來三思第，歲餘則天復召入禁中。

新唐書貳佰柒宦者傳上云：

魚朝恩瀘州瀘川人也，天寶末以品官給事黃門。

劉貞亮本俱氏，名文珍，旨所養宦父姓，故改焉。

吐突承瑒閩人也，以黃門值東宮。

仇士良循州興寧人，順宗時得侍東宮。

楊復光閩人也，本裔氏，少養於內侍楊玄价。

同書貳百捌宣者傳下云：

田令孜蜀人也，本陳氏，咸通時歷小馬坊使。

據此，可知唐代閣寺多出自今之四川，廣東，福建等省，在當時皆邊徼蠻夷區域，其地下級人民所受漢化自甚淺薄，而宦官之姓氏又有不類漢姓者，故唐代閣寺中疑多是蠻族或蠻夷化之漢人也。

唐代中國疆土之內自安史亂後，除擁護李氏皇室之區域，即以東南財富及漢化文化維持長安爲中心之集團外，尙別有一河北藩鎮獨立之團體，其政治軍事財政等與長安中央政府實際上固無隸屬之關係，其民間社會亦未深受漢族文化之影響，即不以長安洛陽之周孔名教及科舉仕進爲其安身立命之歸宿，故論唐代河北藩鎮問題必於民族及文化二端注意，方能得其真相所在也。茲先舉二三顯著之例，以見當時大唐帝國版圖以內實有截然不同之二分域，然後再推論其種族與統治階級之關係焉。

杜牧樊川集玖杜故范陽盧秀才墓誌云：

秀才盧生名需，字子中，自天寶後三代或仕燕，或仕趙，兩地皆多良田膏馬，生年二十未知古有人曰周公孔夫子者，擊毬飲酒，馬射走兔，語言習尙無非攻守戰鬪之事。

通典肆拾職官典末載杜佑建中時所上省用議略云：

今出悅之徒並是庸纖，暴刑暴賦，唯恤軍戎，衣冠仕（士）人遇如奴隸。

此可以代表河北社會通常情態，其尙攻戰而不崇文教，質言之，即漸染胡化深而漢化淺也。當時漢化之中心在長安，以詩賦舉進士致身卿相爲社會心理羣趨之鵠的，故當日在長安文化區域內有野心而不得意之人，至不得已時惟有北走河朔之一途，昌黎集貳拾送董召南遊河北序乃世所習誦之文，蓋爲闡明長安集團與河北集團政

治文化對立之形勢起見，仍逕寫之於下，并略詮釋，以佐證鄙說，至韓退之不以董召南河北之行爲然之意固極明顯，不待解說也。其文云：

燕趙古稱多感慨悲歌之士，董生舉進士，連不得志於有司，懷抱利器，鬱鬱適茲土，吾知其必有合也，董生勉乎哉！

據此，可知在長安文化統治下之士人，若舉進士不中，而欲致身功名之會者，舍北走河朔之外，則不易覓其他之途徑也。

其文又云：

夫以子之不遇時，苟慕義強仁者皆愛惜焉，矧燕趙之士出乎其性哉！然吾嘗聞風俗與遷移易，吾惡知其今不異於古所云邪？聊以吾子之行卜之也，董生勉乎哉！

據前引杜牧之范陽盧秀才墓誌「語言習尚無非攻守戰鬪」之句及此序「風俗與化移易」之語，可知當日河北社會全是胡化，非復東漢魏晉北朝之舊，若究其所以然之故，恐不於民族遷移一事求之不得也，請俟後論之。

其文又云：

吾因子有所感矣，爲我弔望諸君之墓！而觀於其市，復有昔時屠狗者乎？爲我謝曰：明天子在上，可以出而仕矣！

然則長安天子與河北鎮將爲對立不同之二集團首領，觀此數語，即可知矣。

又全唐詩歸拾函李益小傳（參舊唐書登崇新唐書貳佰叁文藝傳下李益傳唐詩紀事叁拾全唐詩話貳等）云：

李益字君虞，姑臧人，大曆四年登進士第，授鄭縣尉，久不調，益不得意，北遊河朔，幽州劉濟辟爲從事，嘗與濟時，有怨望語，憲宗時召爲秘書少監集賢殿學士，自負才地，多所凌忽，爲衆不容，諫官累幽州詩句，降居散秩。

考益之獻劉濟詩云：

草綠古幽州。驚鷺引獨遊。雁歸天北畔，春盡海西頭。向日花偃落。馳年水不流。感恩知有地。不上望京樓。

據此，又可知雖已登進士第之李益以不得意之故猶去京洛，而北走范陽，則董召南之遊河北蓋是當日社會之常情，而非變態。然於此益見大唐帝國之後半期其中含有兩獨立敵視之團體，而此二團體之統治階級，其種族文化亦宜有不同之點在也。

今試檢新唐書之藩鎮傳，並取其他有關諸傳之人其活動範圍在河朔或河朔以外者以相參考，則發見二點：一爲其人之民族本是胡類，而非漢族；一爲其人之民族雖爲漢族，而久居河朔，漸染胡化，與胡人不異。前者屬於種族，後者屬於文化，質言之，唐代安史亂後之世局，凡河朔及其他藩鎮與中央政府之問題，其核心實屬種族文化之關係也。夫河北之地，東漢曹魏西晉時固爲文化甚高區域，雖經胡族之亂，然北魏至隋其地之漢化仍未見甚衰滅之相，何以至玄宗文治燦爛之世，轉變爲一胡化地域？其故殊不易解，茲就安史叛亂發源之地域及其時代先後之關係綜合推計，設一假說，以俟更詳確之證明，即使此假說一時難以確定成立，但安史叛亂及其後果即河朔藩鎮之本質，至少亦可因此明瞭也。

當玄宗文治武功極盛之世，滄陽擊鼓一鳴，而兩京不守，安祿山之叛業雖不成，然其部將始終割據河朔，與中央政府抗衡，唐室亦從此不振，以至覆亡。古今論此役者止歸咎於天寶政治宮廷之腐敗，是固然矣，獨未注意安史之徒乃自成一系統最蕃殖之民族，在當日軍界上本來無與爲敵者也。考安祿山之種族在其同時人之著述及專紀其事之書中，均稱爲柘羯或羯胡，如

舊唐書拾遺宗紀云：

是日（天寶十五載七月甲子）御靈武南門，下制曰：乃者羯胡亂常，兩京失守。（舊唐書查貳拾郭子儀傳載建中二年德宗褒卹之詔有「羯胡作禍」，新唐書查玖貳忠義傳張巡傳亦有「柘羯千騎」之語，至杜甫喜

官軍已臨賊境二十里時所謂「柘羯渡臨淮」之柘羯，雖非指安祿山，但亦可爲旁證參考也。」又同書查伯雄封常清傳略云：

先鋒至襄國，常清使驍騎與柘羯逆戰，殺賊數十百人。臨終時表曰：「昨日與羯胡接戰。」

又顏魯公集贈賡金吾碑目安祿山爲羯胡，姚汝能安祿山事跡一書亦多羯胡之語，若杜工部詠懷古跡之詩其「羯胡事主終無賴」之句，則不僅用梁侯景之古典（如梁書伍伍武陵王紀傳云：「羯胡叛漢」，卽是一例），實兼取今事入之於詩也。

考玄奘西域記登羅祿建國（卽康國）條云：

兵馬強盛，多是結羯之人，其性勇烈，視死如歸。

新唐書貳貳壹下西域傳康國傳云：

本月氏人，始居鄯善北昭武城，突厥（寅恪案，突厥應作匈奴，唐會要玖玖康國條云：「其人士著役屬於突厥，先居鄯善之北昭武城，爲匈奴所破。」宋子京蓋涉上文突厥之語致誤也。）所破，稍南依葱嶺，卽有其地，枝庶分王：曰安，曰曹，曰石，曰米，曰何，曰火等，曰戊地，曰史，世謂昭武九姓，皆氏昭武。又同書同卷安國傳云：

募勇健者爲柘羯，柘羯猶中國言戰士也。（寅恪案，上引西域記之文有「結羯之人」一語，然則結羯乃種族之名，此云「猶中國言戰士」，若非宋景文誤會，卽後來由專名引申爲公名耳。）

又同書同卷石國傳云：

石或曰柘支，曰柘折，曰結時。

據此，可知結羯卽柘羯之異譯，凡康安石等中亞月氏種人，皆以勇健善戰著聞者也。舊唐書貳佰上安祿山傳云：安祿山營州柳城雜種胡人也。

舊唐書所謂雜種胡之雜切界說尙待詳考，但新唐書貳貳伍上逆臣傳安祿山傳云：

安祿山營州柳城胡也，本姓康，母阿史德，少孤，隨母嫁安延偃，乃冒姓安，通六蕃語，爲互市郎。

賓格案，安祿山事跡上引郭子儀傳安思順疏，謂安祿山本姓康。今敦煌寫本天寶丁籍亦有康安石等姓以羯爲稱者，（見歷代地理雜誌卷五）安祿山本姓康。今敦煌寫本天寶丁籍亦有康安石等姓以羯爲稱者，（見歷代地理雜誌卷五）安祿山本姓康。今敦煌寫本天寶丁籍亦有康安石等姓以羯爲稱者，（見歷代地理雜誌卷五）

爲羯胡，卽中亞月氏種可無疑矣。至史思明之種族則新唐書貳伍上逆臣傳史思明傳云：

史思明事夷州突厥種，與安祿山共鄉里，通六蕃語，亦爲互市郎。

疑史思明非出中亞胡種者。然舊唐書貳伍安祿山傳云：

安祿山營州柳城雜種胡人也。（前已引，茲爲編述便利起見，特重及之。）

同書同卷史思明傳云：

史思明事夷州突厥雜種胡人也。

又舊唐書壹伍哥舒翰傳（新唐書壹伍哥舒翰傳同）略云：

哥舒翰突騎施酋哥舒部落之裔也，翰母尉遲氏于闐之族也。（安祿山）謂翰曰：我父是胡，母是突

厥，公父是突厥，母是胡，與公族類同，何不相親乎？

據此類史料，初視之，似當時所謂雜種胡人者卽指混合血統胡族，如哥舒翰等之例。但更詳考史傳，則知當時

雜種胡人之稱實逕指昭武九姓月支種而言，如新唐書貳壹柒上回鶻傳（參通鑑貳貳陸建中元年八月甲午張光晟

殺突董條）云：

始回紇至中國，常參以九姓胡，往往留京師，至千人，居貨置產甚厚，會長突董嚴密施大小梅錄等還國，

所言與舊唐書壹貳柒張光晟傳云：

建中元年迴紇突董梅錄領衆并雜種胡等自京師還國，與載金帛相屬於道。

者同是一事，而舊傳之所謂雜種胡卽九姓胡，可爲確證。然則舊唐書之稱安祿山爲雜種胡人者，實指其九姓胡

而言，又其目史思明爲突厥雜種胡人者，殆以其父系爲突厥，而母系爲羯胡，故曰「突厥雜種胡人」也，觀於史思明與安祿山俱以通六蕃語爲互市郎，正是具有中亞胡種血統之特徵；至其以史爲姓者，蓋從父系突厥姓阿史德或阿史那之潛稱，不必爲母系昭武九姓之史也。

又考安史生長之地卽營州，在開元之初已多中亞賈胡，如舊唐書壹捌伍下良吏傳宋慶禮傳（新唐書壹叁拾宋慶禮傳同）略云：

初營州都督府置在柳城，控帶奚契丹，則天時都督趙文翽政理乖方，兩蕃反叛，攻陷州城，其後移於幽州，卓二百里漁陽城安置。開元五年奚契丹各款塞歸附，玄宗欲復營州於舊城，乃詔慶禮等更於柳州築營州城，俄拜慶禮御史中丞兼檢校營州都督，開屯田八十餘所，追捕幽州及漁陽淄青等戶，招輯商胡，爲立店肆。

此必其時營州區域之內散其近傍頗有西域賈胡，慶禮始能招輯之也，故營州一地，在開元以前已多中亞胡人，可知之矣。

更試一檢新唐書安祿山傳（參考安祿山事跡）如言：

及

凡降蕃夷皆接以恩，祿山通夷語，躬自尉撫，皆釋俘囚爲戰士，故其下樂輸死，所戰無前。

等，則安祿山利用其中亞胡種商業語言特長之例證也。

又如言：

養同羅降契丹曳落河八千人爲假子。

及

祿山已得（阿）布思之衆，則兵雄天下。

則安祿山利用其混合血統胡人之資格，籠絡諸不同之蕃戰胡族，以增強其武力之例證也。

故據新唐書壹壹捌章凌傳附見索傳云：

明年（天寶十四載），祿山表請蕃將三十二人代漢將，帝許之。見索不悅，謂（楊）國忠曰：祿山反狀異天下，今又以蕃代漢，難將作矣。未幾，祿山反。

可知祿山之舉兵與胡漢種族武力問題有關也。至舊唐書壹佰陸李林甫傳（新唐書貳貳叁上姦臣傳李林甫傳同，又大唐新語壹壹懲戒篇及諫懷篇尤可參校。）云：

國家武德貞觀已來蕃將如阿史那社爾契苾何力忠孝有才略，亦不專委大將之任，多以大臣領使以制之，開元中張嘉貞王晙張說肅宗杜暹皆以節度使入知政事，林甫固位，欲杜出將入相之源，書奏曰：文士爲將怯當矢石，不如用蕃族蕃人，蕃人善戰有勇，蕃族即無黨援，帝（玄宗）以爲然，乃用（安）思順代林甫領（朔方節度）使，自是高仙芝哥舒翰皆專任大將，林甫利其不識文字，無入相由，然而祿山竟爲亂階，由專得大將之任故也。

其蕃族蕃人一語涉及唐代統治階級全部，俟後論之，然安史叛亂之關鍵，實在將領之種族，則可與新唐書章見索一傳互相證發也。

又舊唐書壹玖玖上，東夷傳高麗傳（新唐書壹佰拾泉男生傳附獻誠傳同）云：

（泉）獻誠授右衛大將軍，兼令羽林衛上下，天授中則天嘗內出金銀寶物，令宰相及南北衙文武官內擇善射者五人共賭之，內史張光輔先讓獻誠爲第一，獻誠復讓右玉鈴衛大將軍薛士摩支，摩支又讓獻誠，既而獻誠奏曰：陛下令簡能射者五人，所得多非漢官，臣恐自此已後，無漢官工射之名，伏願停廢，則天嘉而從之。

寅恪案，泉獻誠薛士摩支皆蕃將也，武則天時蕃將之武藝已遠勝於漢人，於此可見，郭侯家傳言府兵制之破壞實始於則天時，此亦一旁證，蓋宇文泰所鳩合之六鎮關隴胡漢混合集團至武則天時已開始崩潰，不待玄宗朝。

而漢將卽此混合集團之首領，其不如蕃將之義戰已如此矣，至貞獻誠爲蓋祿文之孫，男生之子，亡國敗降之餘裔，其武伎精妙猶稱當時第一，則高麗之以東隅小國能屢抗隋唐全盛之日傾國之師，豈無故哉！豈無故哉！

復次，新唐書登武英張嘉貞傳附弘靖傳（舊唐書登武英張延賞傳附弘靖傳同，但無「俗謂祿山思明爲二聖」之語。）略云：

充盧龍節度使，始入幽州，俗謂祿山思明爲二聖，弘靖懲始亂，欲變其俗，乃發墓毀棺，衆滋不悅，幽薊初效順，不能因俗制變，故范陽復亂。

寅恪案，聖人者唐俗稱天子之語，如通鑑貳貳貳上元二年三月條（舊唐書貳貳貳上新唐書貳貳伍上史思明傳附朝義傳略同）略云：

（史）朝義泣曰：諸君善爲之，勿驚聖人！（寅恪案，此聖人指思明言。）

胡注云：

當時臣子謂其君父爲聖人。

蓋安史俱稱帝，故在其統治之下者率以聖人稱之，自無足異，所可注意者，穆宗長慶初上距安史稱帝時代已六七十年，河朔之地祿山思明猶存此尊號，中央政府官吏以不能遵循舊俗，而致變叛，則安史勢力在河朔之深且久，於此可見。茲節錄兩唐書所載安史同時並後來河朔及其他藩鎮胡化事跡於下，其種族文化二者之關係不待解釋，自然明瞭，至其人前後逆順賢否雖各有不肖，但非此篇所論範圍，故不置言也。

其血統確有胡族分子者，如

舊唐書貳佰上安祿山傳附孫孝哲傳（新唐書貳貳伍上逆臣傳同）云：

孫孝哲契丹人也。

新唐書貳佰拾藩鎮魏博史憲誠傳（舊唐書壹捌壹史憲誠傳同）云：

史憲誠其先奚也，內徙靈武，爲建康人，三世署魏博將。

同書貳壹藩鎮鎮冀李寶臣傳（舊唐書壹肆貳李寶臣傳同）云：

李寶臣本范陽內屬奚也，善騎射，范陽將張鎮高裔爲假子，故冒其姓，名忠志，爲盧龍府果毅。

同書同卷王武俊傳（舊唐書壹肆貳王武俊傳同）云：

王武俊本出契丹怒皆部，父路俱，開元中與饒樂府都督李詩等五千帳求襲冠帶，入居薊，年十五，善騎射，與張孝忠齊名，隸李寶臣部下爲裨將。

同書同卷王廷湊傳（舊唐書壹肆捌王廷湊傳同）云：

王廷湊本迴紇阿布思之族，隸安東都護府，會麗五哥之，爲李寶臣帳下，曉果善鬪，王武俊養爲子，故冒姓王，世爲裨將。

同書貳壹藩鎮鎮盧龍李懷仙傳（舊唐書壹肆叁李懷仙傳同）云：

李懷仙柳城胡也，世事契丹，守營州，善騎射，智數敏給，祿山之反，以爲裨將。

同書同卷李茂勳傳（舊唐書壹捌拾李可舉傳同）云：

李茂勳本迴紇阿布思之裔，張仲武時與其侯王皆降，資沈勇善馳射，仲武器之，任以將兵，常乘邊，積功賜姓及名。

同書貳壹藩鎮鎮淄青李正己傳（舊唐書壹貳肆李正己傳同）云：

李正己高麗人，爲營州副將，從侯希逸入青州，希逸母卽其姑。

同書壹肆肆侯希逸傳（舊唐書壹貳肆侯希逸傳同）云：

侯希逸營州人，天寶末爲州裨將，守保定城，祿山反，以徐歸道爲節度使，希逸率兵與安東都護王志玄斬之，詔拜志玄平盧節度使，志玄卒，共推希逸，有詔就拜節度使，與賊鬪，數有功，然孤軍無援，又爲奚侵略，乃拔其軍二萬，浮海入青州，據之，平盧遂陷，肅宗因以希逸爲平盧淄青節度使，自是淄青常以平

盧冠使。

據上引李正己傳，知侯希逸至少其母系出自高麗。雖其初不從安祿山之命，然其種族固含有胡人血脈，其部下兵衆亦是胡化集團，是以自李正己襲奪其業後，淄青一鎮亦與河朔同風，遂爲唐代中央政府之鉅患，推求其故，實由其統治者本從河朔胡化集團中分出者也。

新唐書韋諷劉張孝忠傳（舊唐書韋諷張孝忠傳同）云：

張孝忠本奚種，世爲乙失活酋長，父諱，開元中提衆納款，孝忠始名阿勞，以勇名，燕趙間共推服阿勞王沒藏干二人齊名，沒諾干王武俊也，天寶末以善射俠事仗內，安祿山奏爲裨將，祿山史思明陷河洛，常爲賊前鋒，朝義敗，乃自歸。

同書貳貳肆上叛臣傳李懷光傳（舊唐書貳貳肆李懷光傳同）云：

李懷光渤海靺鞨人，本姓茹，父常，徙幽州，爲朔方部將，以戰多賜姓，更名嘉慶，懷光在軍以積勞爲都虞候，節度使軻子儀以配綢委懷光。

寅恪案，李懷光乃朔方軍將，屬於別一系統不在河朔範圍，然以其先嘗居幽州，故亦附及之。至唐室中興元勳李光弼，則新唐書韋諷其本傳（舊唐書韋諷李光弼傳略同）云：

李光弼營州柳城人，父楷洛以武后時入朝。

是亦出於東北胡族，且與安祿山同鄉里，不過政治上適立於相反之地位耳。

以上諸人皆確爲胡族無復疑義。又有實爲漢人，或雖號漢族，而帶胡種嫌疑，未能決定者，茲並列之於下，其要點在無論實爲漢人或胡族之嫌疑，其人必家世或本身居住河朔，久已胡化，故亦與胡人無異者也。如新唐書貳壹拾藩鎮魏博傳（舊唐書貳壹拾田承嗣傳同）云：

田承嗣平州盧龍人也，世事盧龍軍，以豪俠聞，隸安祿山麾下。

舊唐書貳壹拾田弘正傳（新唐書貳壹拾田弘正傳同）略云：

田弘正祖延輝，魏博節度使田承嗣之季父也，弘正善騎射，爲衙內兵馬使，既受節鉞，上表曰：臣家本邊塞，累代唐人，馳驅戎馬之鄉，不視朝廷之禮，伏自天寶已還，幽陵肇亂，山東奧壤，悉化戎墟，官討代襲，刑賞自專。

新唐書貳壹拾藩鎮魏博何進滔傳（舊唐書壹捌壹何進滔傳同）云：

何進滔靈武人，世爲本軍校，少客魏，委質軍中。

寅恪案，前引新唐書魏博傳，昭武九姓中有何姓，何進滔又從靈武徙居於魏，故疑其先世是胡，其本身又屬魏，而當時魏地亦胡化區域也。

舊唐書壹捌壹韓元忠傳（新唐書貳壹拾藩鎮魏博韓君雄傳同）云：

韓元忠魏州人也，父國昌，歷本州右職。

同書同卷樂彥顏傳（新唐書貳壹拾藩鎮魏博樂彥顏傳同）云：

樂彥顏魏州人也，父少寂，歷漕博貝州刺史。

同書同卷羅弘信傳（新唐書貳壹拾藩鎮魏博羅弘信傳同）云：

羅弘信魏州貴鄉人，曾祖秀，祖珍，父讓，皆爲本州軍校。

據北夢瑣言伍中書蕃人事條，羅亦胡姓，然則羅弘信不獨世居胡化之地，且有本出胡族之嫌疑矣。

新唐書貳伍伍中逆臣傳朱泚傳（舊唐書貳佰下朱泚傳同）云：

朱泚幽州昌平人，父懷珪舉安史二賊。

舊唐書壹肆叁朱滔傳（新唐書貳壹貳藩鎮廣龍朱滔傳同）云：

朱滔賊泚之弟也。

新唐書貳壹貳藩鎮廣龍朱克融傳（舊唐書壹捌拾朱克融傳同）云：

朱克融滔孫也。

舊唐書登肆參劉怱傳（新唐書貳壹貳藩鎮盧龍劉怱傳同）云：

劉怱幽州昌平人也，父資常爲廣遠大斗軍使，怱卽朱滔姑之子。

新唐書貳壹貳藩鎮盧龍李載義傳（舊唐書登捌拾李載義傳同）云：

李載義自稱恆山隱王之後，性矜蕩，好與豪傑游，力挽強擣，劉濟在幽州高其能，引補帳下。

寅恪案，李載義之稱承乾後裔，固出依託，即使其真出自承乾，亦與河朔諸漢將同爲胡化之漢人也。

新唐書貳壹貳藩鎮盧龍楊志誠傳（舊唐書登捌拾楊志誠傳同）云：

（楊）志誠者事（李）載義爲牙將，載義走，因自爲都兵馬使，（大和）八年爲下所逐，推部將史元忠總留後。

寅恪案，楊志誠史元忠之氏族史傳不詳，無以確言，但俱爲胡化之人，則無可疑者，突厥阿史那氏阿史德氏皆漢作史氏，中亞昭武九姓中有史氏，史憲誠本奚族，亦姓史氏（見前引兩唐書史憲誠傳），故史元忠殊有源出胡族之嫌疑也。

新唐書貳壹貳藩鎮盧龍張仲武傳（舊唐書登捌拾張仲武傳同）云：

張仲武范陽人，通左氏春秋，會昌初爲雄武軍使，（陳）行素殺（史）元忠，而仲武遣其屬吳仲舒入朝，請以本軍繼回鶻，（李）德裕因問北方事，仲舒曰：行素（及殺行素之張）絳皆遊客，人心不附，仲武舊將張光朝子，年五十餘，通習戎事，性忠義，願歸款朝廷舊矣。德裕乃白帝，擢兵馬留後，絳爲軍中所逐。

寅恪案，陳行泰張絳始末不詳，可不置論。張仲武受漢化較深，在河朔頗爲例外，然迹其所以得軍心者，以不爲范陽土著，且家世舊將，而陳行泰張絳俱是遊客，故不能與之爭，然非李文饒之策略，仲武亦未必得爲鎮將也。

新唐書貳壹貳藩鎮盧龍張允伸傳（舊唐書登捌拾張公素傳同）云：

張允伸范陽人，世爲軍校。

同書同卷張公素傳（舊唐書壹捌拾張公素傳同）云：

公素范陽人，以列校事（張）允伸。

同書同卷李全忠傳（舊唐書壹捌拾李全忠傳同）云：

李全忠范陽人，仕爲棣州司馬，罷歸，事（李）可舉爲牙將，可舉死，衆擁爲留後。

同書同卷劉仁恭傳云：

劉仁恭深州人，父晟客范陽，爲李可舉新興鎮將，故事仁恭軍中。

舊唐書壹捌拾朱克融等傳末略云：

史臣曰：彼幽州者，其民剛強，近則染祿山思明之風，二（？）百餘年自相崇樹，雖朝廷有時命帥，而士人多務逐君，習若忘非，尾大不掉，非一朝一夕之故也。

新唐書貳壹藩鎮橫海程日華傳（舊唐書壹肆壹程日華傳同）云：

程日華定州安喜人，父元結爲安祿山帳下，僞署定州刺史，故日華隸本軍，爲張孝忠牙將。

同書同卷李全略傳（舊唐書壹肆壹李全略傳同）云：

李全略事（鎮州）王武俊爲偏裨。

同書貳壹藩鎮彰義吳少誠傳（舊唐書壹肆伍吳少誠傳同）云：

吳少陽幽州潞人。（父爲魏博節度都虞候）。

同書同卷吳少陽傳（舊唐書壹肆伍吳少陽傳同）云：

少陽者，與（吳）少誠同在魏博軍，相友善，少誠得淮西，多出金帛邀之，養以爲弟，署右職，親近錫問。

同書同卷藩鎮澤潞劉悟傳（舊唐書壹陸壹劉悟傳同）云：

劉悟其祖正臣，平盧軍節度使，襲范陽，不克，死。

寅恪案，舊唐書登肆伍劉全諒傳（新唐書登伍登黃晉傳附陸長源傳同）略云：

父客奴由征行家於幽州之昌平，少有武藝，從平盧軍，（天寶）十五載四月授客奴平盧軍使，仍賜名正臣，襲范陽，爲逆賊史思明等大敗之，正臣奔歸，爲王玄志所灼而卒。

據此，知劉氏亦家於幽州昌平，漸染胡化者也。

舊唐書登貳張獻誠傳（新唐書登裴繼曉守珪傳附獻誠傳同）云：

張獻誠陝州平陸人，幽州大都督府長史守珪之子也，天寶末陷逆賊安祿山，受僞官，連陷史思明，爲思明守汴州，統逆兵數萬。

同書登貳薛嵩傳（新唐書登登薛仁貴傳附嵩傳同）云：

薛嵩絳州萬泉人，祖仁貴，高宗朝名將，封平陽郡公，父楚玉，爲范陽平盧節度使，嵩有膂力，善騎射，不知書，自天下兵起，束身戎伍，委質逆徒。

寅恪案，張獻誠薛嵩雖俱大臣子孫，又非河朔土著，然以其父官范陽之故，少居其地，漸染胡化，竟與田承嗣之徒無別，甚哉風俗之移人若是，而河朔當日社會文化情狀，亦可想見矣。

舊唐書登貳令狐彰傳（新唐書登肆捌令狐彰傳同）云：

令狐彰京兆富平人也，父渾，初任范陽縣尉，通幽州人女，生彰，及秩滿，留彰於母氏，彰遂少長范陽，善弓矢，乃策名從軍。事安祿山。

同書同卷田神功傳（新唐書登肆捌田神功傳同）云：

田神功冀州人也，家本微賤，天寶末爲縣里胥，會河朔兵興，從事幽薊。

新唐書登肆捌康日知傳云：

康日知靈州人，祖植，當開元時縛康待賓，平六胡州，日知少事李惟岳，累擢趙州刺史。

實格案，以康日知姓氏及籍貫言之，當亦中亞胡種也。

新唐書李希烈傳云：

李元翼趙州人，王承宗與傅良弼冠諸將，良弼清河人，以射冠軍中。

舊唐書李忠臣傳（新唐書貳貳肆下叛臣傳李忠臣傳同）云：

李忠臣本姓董，名泰，平盧人也，世家於幽州薊縣，忠臣少從軍，事幽州節度使薛楚玉張守珪安祿山等。

同書同卷李希烈傳（新唐書貳貳伍中逆臣傳李希烈傳同）云：

李希烈，涇西人，少從平盧軍，後從李忠臣浮海至河南。

綜上所引諸人氏族或籍是漢人，或有胡種嫌疑，或爲唐室大臣子孫，或出微賤之族，其於中央政府或忠或叛，復有先後顛逆等之互異，要而言之，家世或本身曾留居河朔及長於騎射二事則大抵相類，斯實河朔地域之胡化演變所致者也。新唐書李希烈傳載其陳父憲誠之言曰：

天下指河朔者夷狄然。

又同書貳貳拾藩鎮傳序云：

遂使其人由羌狄然，訖唐亡百餘年率不爲王土。

故不待五代之亂，神州東北一隅如田弘正所謂「悉化戎墟」矣（見上引田弘正傳）。尤可異者，即在李唐最盛之時即玄宗之世，東漢魏晉北朝文化最高之河朔地域，其胡化亦已開始，此點自昔史家多有解釋，

假說，以待將來之確證，然私心殊未敢自信也。

依據上列史料，知神州東北一隅河朔地域之內，其人民血統屬於漢種者，既若是之胡化，則其地必有胡族之遷徙無疑，凡居東北與河朔有關之胡族如高麗東突厥（唐會要舊唐書俱謂之北突厥，蓋舊稱如此。）迴紇奚契丹之類移居於與其部落鄰近之地，如河朔區域，自有可能，而於事理亦易可通者也。獨中國東北隅河朔之地而有多數之中亞胡人，甚爲難解，若彼輩遠自西北萬里之外短期之內忽然遷移至東北端濱海之區，恐不可能，姑就

舊史所載者考之，似有三因：其遠因爲隋季之喪亂，其中因爲東突厥之敗亡，其近因或主因爲東突厥之復興。所謂隋季之喪亂者，卽舊唐書致安唐休璟傳（新唐書登唐休璟傳略同）略云：

授營州戶曹，調露中單于突厥背叛，誘屬奚契丹侵略州縣，後奚羯胡又與桑乾突厥同反，都督周道務遣休璟將兵擊破之，超授豐州司馬，永淳中朝饑欲罷豐州，休璟上疏曰：『豐州自秦漢已來，列爲州縣，隋季喪亂，不能堅守，乃遷徙百姓就寧夏二州，致戎羯交侵，乃以寧夏爲邊界，貞觀之末始募人以實之，西北隅方得寧謐。』

寅恪案，中亞羯胡必經由中國西北，而漸至東北，在隋末中國擾亂之世最爲中亞胡人逐漸轉徙之良機會，兩唐書唐休璟傳或可於此事略露消息也。惟新唐書唐休璟傳及通鑑武伯弼武調露元年十月條俱無「奚羯胡與桑乾突厥同反」之語，又新唐書唐休璟傳雖亦作「戎羯交侵」，而通鑑武伯弼武調露元年五月條改「戎羯」爲「胡虜」，而以「戎羯」爲泛稱（見通鑑書肆刊吳蓋陳臧傳論章懷太子注），然於此恐不免疏離也。然則調露前後中國東北部已有不少羯胡，而羯胡之遷徙實由隋季侵入西北，輾轉移來，此於事實頗爲合理者也。所謂東突厥之敗亡者，卽戈本貞觀政要致安邊篇略云：

自突厥頡利破後，諸部落首領來降者皆拜將軍中郎將，布列朝廷，五品已上百餘人，殆與朝士相半，唯拓拔不至，又遣使招慰之，使者相望於道，涼州都督李大亮以爲於事無益，徒費中國，上疏云云，太宗不納。

寅恪案，通典致安邊防典突厥傳上與此同，蓋皆源出太宗實錄也。惟無「太宗不納」之句，當是杜氏略去。「拓拔」作「柘羯」，尙未經後人誤改。舊唐書陸貳及新唐書致安李大亮傳紀此事，俱只舉酋長之名，而通鑑致安以貞觀四年秋七月條則不著酋長之名，而以「西突厥」一語概括之，蓋柘羯一種原在西突厥範圍內也。又兩唐書李大亮傳俱言太宗從大亮之請，與貞觀政要不合，鄙意吳書似得其實，而兩唐書李大亮傳乃後來修飾之詞，故君卿於此闕疑耶？然則東突厥之敗亡，必有少數柘羯因之東徙者矣。所謂東突厥之復興者，卽綜考上

史料，諸胡人入居河朔或歸降中國之時代大抵在武則天及唐玄宗開元之世，而此三十年間中國東北方胡族之活動其最有關大局者，莫過於東突厥之復興，即骨咄祿默啜兄弟武力之開拓遠及中亞，竟取西突厥帝國之領部置於其管制下之事實也。關於東突厥自頡利於貞觀時破滅後至骨咄祿而復興之始末非此所能詳及，茲惟就兩唐書所載東突厥復興與西突厥關係之史料略引一二，以供推證焉。

舊唐書登琰肆上北突厥傳（新唐書貳壹伍上突厥傳同）略云：

骨咄祿頡利之疏屬，自立爲可汗，以其弟默啜爲被，骨咄祿天授中病卒。

骨咄祿死時其子尚幼，默啜遂篡其位，自立爲可汗。

默啜立其弟咄悉弼爲左廂察，骨咄子爲右廂察，各主兵馬二萬餘人，又立其子節俱爲小可汗，仍主處木昆等十姓（寅恪案，舊唐書登琰肆下西突厥傳云：「其國分爲十部，每部仍令一人統之，號爲十設，每設賜以一箭，故稱十箭焉。又分十箭爲左右廂，其左廂號爲五咄陸，其右廂號爲五弩失畢。五咄陸部落居於碎葉已東，五弩失畢部落居於碎葉已西，自是都號爲十姓部落。其咄陸有五設，一曰處木昆噶云云。」）兵馬四萬餘人，又號拓西可汗。

初默啜景雲中率兵西獵沙碛，破滅之，契丹及奚自神功之後常受其徵役，其地東西萬餘里，控弦四十萬，自頡利之後最爲強盛，自恃兵威，虐用其衆，默啜既老，部落漸多逃散。

（開元）四年默啜又北討九姓拔曳固，戰於獨樂河，拔曳固大敗，默啜負勝輕歸，而不設備，遇拔曳固進卒頡質略於柳林中，突出擊默啜，斬之。

同書同卷下西突厥阿史那彌射傳附孫獻傳（新唐書貳壹伍下西突厥傳略同）云：

長安元年充安撫招慰十姓大使，獻本蕃漸爲默啜及烏質勒所侵，遂不敢還國。

同書同卷阿史那步真傳（新唐書貳壹伍下西突厥傳略同）云：

自垂拱已後十姓部落頻被突厥默啜侵掠，死喪殆盡，及隨薛糾羅纔六七萬人，徙居內地，西突厥阿史那氏

遂絕。〔寅恪案，通鑑貳百肆紀此事刪去「默曷」二字，蓋與上文「垂拱」二字衝突之故，於此足徵溫公讀書之精密。〕

同書同卷突騎施烏質勒傳〔新唐書貳壹伍下突騎施烏質勒傳同〕云：

突騎施烏質勒者西突厥之別種也，烏質勒卒，其長子娑葛代統其衆，景龍三年娑葛弟遮弩恨所分部落少於其兄，遂叛入突厥，請爲鄉導以討娑葛，默曷乃留遮弩，遣兵二萬人與其左右來討娑葛，擒之而還。

綜合上引諸條，可知東突厥復興後之帝國其勢力實遠及中亞，此時必有中亞胡族向東北遷徙者，史言「默曷既老，部落漸多逃散。」然則中國河朔之地不獨當東突厥復興盛強之時遭其侵軼蹂躪，即在其殘敗衰微之後，亦仍吸收其逃亡離散之諸胡部落，故民族受其影響，風俗爲之轉變，遂與往日之河朔迥然不同，而成爲一混雜之胡化區域矣。夫此區域之民族既已脫離漢化，而又包括東北及西北之諸胡種，唐代中央政府若欲羈縻統治而求一武力與權術兼具之人才，爲此複雜胡族方隅之主將，則柘羯與突厥合種之安祿山者，實爲適應當時環境之唯一上選也。玄宗以東北諸鎮付之祿山，雖尙有他故，而祿山之種性與河朔之情勢要必爲其主因，豈得僅如舊史所載，一出於李林甫固位之私謀而已耶？

更總括以上所述者論之，則知有唐一代三百年間其統治階級之變遷升降，卽是宇文泰「關中本位政策」所鳩合集團之興衰及其分化，蓋宇文泰當日融冶關隴胡漢民族之有武力才智者，以創霸業，而隋唐繼其遺產，又擴充之，其皇室及佐命功臣大都西魏以來此關隴集團中人物，所謂八大柱國家卽其代表也。當李唐初期此集團之力量猶未衰損，皇室與其將相大臣幾全出於同一之系統及階級，故李氏據帝位，主其軸心，其他諸族入則爲相，出則爲將，自無文武分途之事，而將相大臣與皇室亦爲同類之人，其間更不容別一統治階級之存在也。至於武曌，其氏族本不在西魏以來關隴集團之內，因欲消滅屠室之勢力，遂開始施行破壞此傳統集團之工作，如崇尙進士文詞之科破格用人及漸毀府兵之制等皆是也，此關隴集團自西魏迄武曌歷時既經一百五十年之久，自身本已逐漸衰腐，武氏更加以破壞，遂致分崩墮落不可救止，其後皇位雖復歸李氏，至玄宗尤稱李唐盛世，然其祖

此開始破壞關隴集團之工事竟及其身而告完成矣。此集團既破壞後，皇室始與外朝之將相大臣即士大夫及將帥屬於不同之階級，同時閹寺黨類亦因是變爲一統治階級，擁蔽皇室，而與外朝之將相大臣相對抗。假使皇室與外廷將相大臣同屬於一階級，則其閹寺階級統治國政之餘地也。抑更可注意者，關隴集團本融合胡漢文武爲一體，故文武不殊途，而將相可兼任，今既別產生一以科舉文詞進用之士大夫階級，則宰相不能不由翰林學士中選出，邊鎮大帥之職含蕃將莫能勝任，而將相文武蕃漢進用之途，遂分歧不可復合，舉凡進士科舉之崇重，府兵之廢除，以及宦官之專擅朝政，蕃將即胡化武人之割據方隅，其事俱成於玄宗之世，斯實宇文泰所創建之關隴集團完全崩潰，及唐代統治階級轉移升降卽在此時之徵象，是以論唐史者必以玄宗之朝爲時代畫分界綫，其事雖爲治國史者所得略知，至其所以然之故，則非好學深思通識古今之君子，不能詳切言之也。

中篇 政治革命及黨派分野

唐代政治革命依其發源根據地之性質爲區別，則有中央政治革命與地方政治革命二類，何以安史之亂以前地方政治革命均不能成功，且無多影響？而中央政治革命亦何以有成功與失敗？又唐代皇位之繼承常不固定，當新舊君主接續之交往往往有宮廷革命，其原因爲何？及外廷士大夫黨派若牛李等黨究如何發生？其分野之界綫何在？斯皆前人所未顯言而今此篇所欲討論者也。

上篇言宇文泰以「關中本位政策」創建霸業，隋唐因之，遂混一中國，爲極盛之世，陸宣公奏議堂論關中事宜狀（參新唐書壹伍柒陸贊傳通鑑貳貳捌建中四年八月條）云：

太宗文皇帝既定大業，萬方底乂，猶務戎備，不忘慮危，列置府兵，分置禁衛，大凡諸府八百餘所，而在關中者殆五百焉，舉天下不敵關中，則居重馭輕之意明矣。承平既久，武備浸微，雖府衛具存，而卒乘罕習，故祿山竊倒持之柄，乘外重之資，一舉滔天，兩京不守。

寅恪案，陸敬輿所言唐代內外輕重之形勢與政治之關係固甚確切，但唐人論事多追頌其祖宗創制之美，此不獨臣下立言之體宜然，實亦由於府兵制度之起原及其發展頗有誤會所致。蓋府兵制爲宇文泰當日「關中本位政策」中最要之一端，此政策之實情自唐初以降已不復爲世人所知，如李繁之鄴侯家傳爲唐人論府兵制主要之書，其間多所未諳，他更無論矣，此事已於拙著隋唐制度淵源略論稿兵制章詳言之，茲可不論。然可由宣公之言推定其在「關中本位政策」猶未完全破壞以前凡操持關中主權之政府即可以宰制全國，故政治革命只有中央政治革命可以成功，地方革命則無論如何名正言順，終歸失敗，此點可以解釋尉遲迥徐敬業所以失敗，隋文帝武則天所以成功，與夫隋煬帝遠遊江左，所以卒喪邦家，唐高祖速據關中，所以獨成帝業，迨玄宗之世，「關中本位政策」完全改變，所以地方政治革命始能成功，而唐室之衰亡實由於地方政治革命之安史亂助黃巢等

之叛亂，及黃巢餘黨朱溫之篡奪也。

或問：唐代在「關中本位政策」即內重外輕之情形未變易以前，其政治革命惟有在中央發動者可以成功，但中央政治革命有成功，亦有失敗，其故又安在？應之曰：其關鍵實繫於守衛宮城北門禁軍之手，而北門之重要則由於唐代都城建置之形勢使然，其詳見拙著隋唐制度淵源略論稿禮儀章附論都城建築一節，茲僅略述大意，附載唐代歷次中央政治革命與宮城北門有關之史實，以資證明焉。

舊唐書登貳陸李授傳（參新唐書伍拾兵志及壹伍拾卷授傳通鑑貳貳壹乾元二年三月條十七史商榷捌玖兩衙北司條）云：

時京師多盜賊，有通衢殺人竄溝中者，李輔國方恣橫，上請選羽林騎士五百人以備巡檢，授上疏曰：昔西漢以南北軍相統攝，故周勃因南軍入北軍，（舊唐書案，新傳亦與舊傳同作「因南軍入北軍」，其實應作「因北軍入南軍」，此授元疏之誤，非傳寫之誤也。通鑑此條胡注明知其誤，猶只云「恐不如此」，亦太謙慎矣。）劉氏遂安，皇朝置南北衙，文武區分，以相伺察，今以羽林代金吾警夜，忽有非常之變，將何以制之？遂罷羽林之請。

又同書登陸劉禹宿傳附弟定傳（新唐書登陸劉禹宿傳附弟定傳同）云：

改元（開成），御（宣政）殿，中尉仇士良請用神策仗衛右殿，定抗疏論罷。通鑑貳肆伍開成元年正月載此事，胡注云：

南衙十六衛之兵至此雖名存實亡，然以北軍衛南衙，則外朝亦將聽命於北司，既紊太宗之紀綱，又增宦官之勢焰，故禹定言其不可。

據此可知唐代之北軍即衛宮之軍，權力遠在南軍即衛城之軍之上，其情勢與西漢南北軍所處者適相反，關於西漢南北軍制，自宋迄今，論者多矣，可以不贅，茲所欲論者，即唐代北軍及都城建置，與中央政治革命之關係一端而已。

周官考工記匠人云：

面朝背市。

據通常之解釋，王宮居中，其南爲朝，其北爲市，故止就宮與市之位置言，則宮在市之南，或市居宮之北也。考工記作成之時代雖晚，但必爲儒家依據其所得之資料，加以理想化編纂之書，似無疑義，然則所言匠人營國其宮市之位置必有當日真實之背景者。今知西漢首都之長安其未央宮南之司馬門直抵城垣，并無坊市，而未央宮長樂宮之北則有六街三市，是與考工記之文適相符合，豈與此書作成之時代有關耶？至隋代所營建之大興城卽後來唐代之長安城其宮近城之北端，而市則在城之南方，其宮市位置適與以前之西漢長安城相反，故唐代之南北軍與西漢之南北軍其名雖同，而實際之輕重則相殊異也。夫中央政府之命令出於君主一人之身，君主所居之處乃政治劇變時成敗之所繫，西漢之長安其宮在城南，故南軍爲衛宮之武力，唐代之長安其宮在城北，故北軍爲衛宮之武力，苟明乎此，則唐代歷次中央政治革命之成敗，悉決於玄武門卽宮城北門軍事之勝負，而北軍統制之權實卽中央政柄之所寄託也。茲略引有關史事於下：

武德九年六月四日玄武門事變爲唐代中央政治革命之第一次，而太宗一生最艱危之苦關也。後世往往以成敗論人，而國史復經勝利者之修改，故不易見當時真相，然高祖起兵太原，建成卽與太宗各領一軍，及爲太子，其所用官僚如王珪魏徵之流卽後來佐成貞觀之治之名臣，可知建成亦爲才智之人。至於元吉者，尤以勇武著聞，故太宗當日相與競爭之人決非庸懦無能者，又況建成以嫡長之名位，而內得高祖宮闈之助乎！太宗終能於玄武門一擊，而建成元吉倉卒敗亡，似此二人曾絕無計慮及準備者，頗爲不近情理，疑其間必有未發之蘊，而相傳之史料復多隱諱之處也。

舊唐書陸撟尉遲敬德傳（新唐書撟尉遲敬德傳略同）略云：

隱太子巢刺王元吉將謀害太宗，密致書以招敬德，仍贈以金銀器一車，敬德辭（中略）。敬德曰：勇士在，八百餘人今悉入宮，控弦被甲，事勢已就，王何得辭。（中略）。（東）宮（齊王）府諸將薛萬徹謝叔

方馮立等率兵大至，屯玄武門，殺屯營將軍，敬德持建成元吉首以示之，宮府兵遂散。

同書同卷張公謹傳（新唐書鄧玖張公謹傳同）云：

（武德九年）六月四日公謹與長孫無忌等九人伏於玄武門以俟變，及斬建成元吉，其黨來攻玄武門，兵鋒甚盛，公謹有勇力，獨閉門以拒之。

同書壹捌柒上忠義傳上敬君弘傳（新唐書壹玖壹忠義傳敬君弘傳同）略云：

武德中爲驃騎將軍嘗屯營門於玄武門，加授雲麾將軍，隱太子建成之誅也，其餘黨獨立謝叔方率兵犯玄武門，君弘挺身出戰，與中郎將呂世衡並遇害，太宗甚嗟賞之，贈君弘左屯衛大將軍，世衡右驍衛將軍。同書同卷馮立傳略云：

隱太子建成引爲翊衛車騎將軍，建成被誅，（立）率兵犯玄武門，苦戰久之，殺屯營將軍敬君弘，解兵遁於野，俄而來請罪，太宗數之曰，昨日出兵來戰，殺傷我將，何以逃死！

同書同卷謝叔方傳略云：

太宗誅隱太子及元吉於玄武門，叔方率（齊王）府兵與馮立合軍拒戰於北闕下，殺敬君弘呂世衡，太宗兵不振，秦府護軍尉遲敬德傳元吉首以示之，叔方下馬號哭而遁，明日出首，太宗命釋之。

據此，太宗之所以得勝，建成元吉之所以致敗，俱由一得以兵據玄武門即宮城之北門，一不得以兵入玄武門故也。然則玄武門爲武德九年六月四日事變成敗之關鍵，至爲明顯，但此中實有未發之覆，即玄武門地勢之重要，建成元吉豈有不知，必應早有所防衛，何能令太宗之死黨得先隱伏奪據此要害之地乎？今得見巴黎圖書館藏敦煌寫本伯希和號貳陸肆拾李義府撰常何墓志銘，然後知太宗與建成元吉兩方皆誘致對敵之勇將，常何舊曾隸屬建成，而爲太宗所利誘，當武德九年六月四日常何責任屯守玄武門之職，故建成不以致疑，而太宗因之竊發，迨太宗既殺其兄弟之後，常何遂總率北門之屯軍矣，此亦新史料之發見，足資補釋舊史所不能解之一端也。至於敬君弘呂世衡則觀太宗數馮立罪所言，殆與常何同爲太宗之黨歟！史料缺乏，未敢遽定，俟更詳考之。

舊唐書以彥範傳（新唐書彥範傳同，并參舊唐書彥範傳上）新唐書彥範傳王同皎傳。）略云：

（張）柬之遽引彥範及（敬）暉並爲左右羽林將軍，委以禁兵，共圖其事，時皇太子每於北門起居，彥範與暉因得謁見，密陳其計，太子從之。神龍元年正月彥範與敬暉及左羽林將軍李湛李多祚右羽林將軍楊元琰左威衛將軍薛思行等率左右羽林兵及千騎五百餘人討（張）易之昌宗於宮中，令李湛李多祚就東宮迎太子，兵至玄武門，彥範等率太子斬關而入，時則天在迎仙宮之集仙殿，斬易之昌宗於廊下，明日太子卽位。

同書彥範李多祚傳（新唐書彥範李多祚傳同）略云：

少以軍功歷位右羽林大將軍，前後帶禁兵北門宿衛二十餘年，神龍初張柬之將誅張易之兄弟，引多祚籌其事，謂曰：將軍在北門幾年？曰：三十年矣。柬之曰：將軍位極武臣，豈非大帝之恩乎？曰：然。又曰：既感大帝殊澤，能有報乎？大帝之子見在東宮，張易之兄弟擅權，朝夕危迫，誠能報恩，正屬今日。多祚曰：苟緣王室，唯相公所使。遂與柬之等定謀誅易之兄弟。

寅恪案，武則天雖居洛陽，然東都宮城之玄武門亦與長安宮城之玄武門同一位置，俱爲形勢要害之地，中宗復辟之成功，實在溝通北門禁軍之故，張柬之既得羽林軍統將李多祚之同意，雖以武臣之身，亦無抵禦之能力矣。

舊唐書劉幽求太子重俊傳（新唐書劉幽求太子重俊傳同）略云：

（神龍）三年七月（重俊）率左羽林大將軍李多祚等矯制發左右羽林兵及千騎三百餘人，殺（武）三思及（武）崇訓於其第，又令左金吾大將軍成王千里分兵守宮城諸門，自率兵趨齋章門，斬關而入，求韋庶人及安樂公主所在，韋庶人及安樂公主等擁帝（中宗）馳赴玄武門樓，召左羽林將軍劉景仁等令率留軍飛騎及百餘人於樓下列守，俄而多祚等兵至，欲突玄武門樓，宿衛者拒之，不得進，帝據檻呼多祚等所將千騎，謂曰：

汝等並是我爪牙，何故作逆？若能歸順，斬多祚等，與汝富貴。於是千騎王歡善等斬多祚等，餘黨遂潰散。

宣格案，李多祚以一人之身，二次躬率禁軍預聞中央政治革命之役，然而前後成敗互異者，以神龍三年七月辛丑之役韋后安樂公主等猶得擁護中宗，及保有劉景仁等一部分之北門衛兵，故能據守玄武門樓之要地，及中宗親行宣諭，而多祚等所率之禁軍遂倒戈自殺，一敗塗地矣。然則中央政治革命之成敗與玄武門之地勢及守衛北門禁軍之關係如是重大，治唐史者誠不宜忽視之也。

舊唐書劉玄宗紀上（新唐書伍玄宗紀及通鑑貳佰玖景龍四年六月條同）略云：

（唐隆元年六月）庚子夜（上）率（劉）幽求等數十人自苑南入總監，繃紹京又率丁匠百餘以從，分遣萬騎往玄武門，殺羽林將軍韋播高嵩，持首而至，衆皆歡叫大集，攻白獸玄德等門，斬關而進，左萬騎自左入，右萬騎自右入，合於凌煙殿前，時太極殿前有宿衛梓宮萬騎，聞譟聲，皆披甲應之，韋庶人惶惑走入飛騎營，爲亂兵所害。

同書伍皇后紀傳上中宗韋庶人傳（新唐書韋庶人傳中宗韋庶人傳同，并參考舊唐書壹捌卷新唐書貳佰陸外戚傳韋溫傳。）略云：

帝（中宗），遇害暴崩，后懼，秘不發喪，定策立溫王重茂爲皇太子，召諸府兵五萬人屯京城，分爲左右營，然後發喪，少帝卽位，尊后爲皇太后，臨朝攝政，韋溫總知內外兵馬，守援宮掖，駙馬韋捷韋瓘分掌左右屯營，武延秀及溫從子播族弟璿外甥高嵩典左右羽林軍及飛騎，播璿欲先樹威嚴，拜官日先驅萬騎數人，衆皆怨，不爲之用，臨淄王率薛崇簡鍾紹京劉幽求等領萬騎入自玄武門，至左羽林軍，斬將軍韋璿韋播及中郎將高嵩於寢帳，遂斬關而入，至太極殿，后惶駭遁入殿前飛騎營，爲亂兵所殺。

同書壹佰陸王毛仲傳（新唐書壹貳韋王毛仲傳同）云：

初太宗貞觀中擇官戶蕃口中少年驍勇百人，每出遊獵，令持弓矢於御馬前射生，令騎豹文驤，著豎獸文

衫，謂之百騎，至則天時漸加其人，謂之千騎，分隸左右羽林營，孝和謂之萬騎，亦置使以領之，玄宗在藩邸時常接其豪俊者，或賜飲食財帛，以此盡歸心焉。毛仲亦悟玄宗之旨，待之甚謹，玄宗益憐其敏慧，及（景龍）四年六月中宗遇弒，韋后稱制，令韋播高嵩爲羽林將軍，令押千騎營，（資治通鑑）「千」作「萬」，是，蓋中宗已改千騎爲萬騎矣，溫公之精密有如是者。」榜鑑以取威，其營長高福順陳玄禮等相與見玄宗訴冤，會玄宗已與劉幽求麻嗣宗薛崇簡等謀舉大計，相顧益歛，令幽求諷之，皆願決死從命，及二十日夜玄宗入苑中，乙夜福順等至，玄宗曰：與公等除大逆，安社稷，各取富貴，在於俄頃，何以取信？福順等請號而行，斯須斬韋播韋璿高嵩等頭來，玄宗舉火視之，又召鍾紹京領總監丁匠刀鋸百人至，因斬關而入，后及安樂公主等皆爲亂兵所殺。

資治通鑑案，玄宗景龍四年六月二十日夜之舉兵與三年前即神龍三年七月六日節愔太子重俊發動之玄武門事變正復相似，而成敗不同者，以玄宗能預結羽林萬騎諸營長高福順陳玄禮等，而韋后死黨守衛玄武門之羽林禁軍諸統將如韋璿韋璿高嵩等，皆爲其部下所殺故也。

又以上所述自高祖太宗至中宗玄宗，中央政治革命凡四次，俱以玄武門之得失及屯衛北門禁軍之向背爲成敗之關鍵，然此皆訴諸武力，公開決戰者，至於武曌之改唐爲周，韋氏之遷移政柄，其轉變不出關闕之間，兵不血刃，而全國莫之能抗，則以「關中本位政策」施行以來，內重外輕之勢所致也。然自玄宗末年安史叛亂之後，內外輕重之形勢既與以前不同，中央政變除極少破例及極小限制外，大抵不決之於公開戰爭，（唐末強藩與中央政府權臣及閹寺離合之關係構成戰亂，其事應列入統治階級之升降及黨派分野範圍論之。故凡本書所未能詳述者，以義類推之可知也。）而在宮廷之內以爭取皇位繼承之形式出之，於是皇位繼承之無固定性及新舊君主接續之交，輒有政變發生，遂爲唐代政治史之一大問題也。

唐自開國時建成即號爲皇太子，太宗以功業聲望卓越之故，實有奪嫡之圖謀，卒釀成武德九年六月四日玄武門之事變，已詳前述，且其事爲世所習知者也。太宗立承乾爲皇太子，承乾乃長孫皇后之長子，既居長嫡之

位，其他諸子又無太宗之功業聲望可以啓其繼何之心者，然承乾終被廢棄，而諸子爭立，太宗心中之苦悶及其舉止之失態，觀兩唐書長孫無忌傳所載可知矣。

舊唐書陸伍長孫無忌傳（新唐書壹伍長孫無忌傳同）云：

太子承乾得罪，太宗欲立晉王，而限以非次，迴惑不決，御兩儀殿，羣官盡出，獨留無忌及司空房玄齡兵部尚書李勣曰：我三子一弟所爲如此，我心無慘，因自投於牀，抽佩刀欲自刺，無忌等驚懼，爭前扶抱，取佩刀以授晉王，無忌等請太宗所欲，報曰：我欲立晉王。無忌曰：謹奉詔，有異議者，臣請斬之。太宗問晉王曰：汝舅許汝，宜拜謝，因下拜。太宗謂無忌等曰：公等既符我意，未知物論如何？無忌曰：晉王仁孝，天下屬心久矣，伏乞召百寮，必無異辭，若不舞蹈同音，臣負陛下萬死。於是建立遂定，因加授無忌太子太師。尋而太宗又欲立吳王恪，無忌密爭之，其事遂輟。

實格案，太宗蓋世英雄，果於決斷，而至皇位繼承問題乃作如此可笑之狀，雖或施用權術，故爲失態，藉以籠制諸腹心大臣，然其內心之煩惱迴惑已達極點，則無可疑，蓋皇位繼承既不固定，則朝臣黨派之活動必不能止息，太宗之苦悶不堪，實職此之由也。又觀於其經此戲劇式之御前會議，建立晉王爲太子之後，復欲改立吳王恪，可知當日皇位繼承終是搖動不固定之事，因此，太子之嗣位亦不得不別有擁戴扶立之元勳，若皇儲之繼承權本極固定者，則此元勳何從得居擁立之功耶？

至於高宗本庸懦之主，受制於武后，其皇儲之不固定夫何足怪？而武后則爲曠世怪傑，既廢屠殺其親生之孫，何況區區廢立之事？故其皇位繼承之不定乃更意中事也。若立子立姪之問題乃屬於別一範圍，茲不詳論，備略引有關高宗武后廢立其子之史文於下：

舊唐書捌陸燕王忠傳（新唐書捌壹燕王忠傳同）云：

燕王忠高宗長子也，（永徽）三年立忠爲皇太子，顯慶元年廢忠爲梁王。

同書柒中宗紀略云：

永隆元年章懷太子廢，其年立爲皇太子，弘道元年高宗崩，卽帝位，嗣聖元年二月皇太后廢帝爲廬陵王，其年五月遷於均州，尋徙居房陵，聖曆元年召還東都，立爲皇太子，神龍元年正月張柬之等率羽林兵誅（張）易之昌宗，迎皇太子監國，乙巳則天傳位於皇太子，丙午卽皇帝位。

同書同卷睿宗紀略云：

嗣聖元年則天臨朝，廢中宗爲廬陵王，立（帝）爲皇帝，及革命，改國號爲周，降帝爲皇嗣，徙居東宮，其具饌一比皇太子，聖曆元年中宗自房陵還，請讓位於中宗，則天遂立中宗爲皇太子，封帝爲相王，景龍四年夏六月中宗崩，臨淄王（隆基）等率兵入北軍，誅韋溫等，甲辰少帝遜於別宮，是日卽皇帝位。

同書壹陸承天皇帝傳（新唐書捌貳承天皇帝傳）同，又參舊唐書捌陸承天皇帝傳章懷太子傳。云：

（李）泌因奏（肅宗）曰：臣幼稚時念黃臺瓜辭，陛下嘗聞其說乎？高宗大帝有八子，睿宗最幼（與）天后所生三子自爲行第，故睿宗第四，長曰孝敬皇帝（弘），爲太子監國，而仁明孝悌，天后方圖臨朝，乃鳩殺孝敬，立雍王賢爲太子，賢每日憂惕，知必不保全，與二弟同侍於父母之側，無由敢言，乃作黃臺瓜辭，令樂工歌之，冀天后聞之省悟，卽生哀戀，辭云：「種瓜黃臺下。瓜熟子離離。一摘使瓜好。再摘令瓜稀。三摘猶尚可。四摘抱蔓歸。」而太子賢終爲天后所逐，死於黔中。

然最可注意者，實神龍元年正月癸卯（二十日）玄武門之事變，其事自唐室諸臣言之，則易周爲唐爲中興復辟，自武則天方面言之，則不過貪功之徒擁立旣已指定而未甚牢固之繼承儲君而已。（凡唐代之太子實皆是已指定而不牢固之皇位繼承者，故有待於擁立之功臣也。）此役之是非及其本末今不能詳述，所欲論者，卽中宗雖復立爲皇太子，其皇位繼承權實非固定，若全國俱認爲必能終繼武曌之位，無有可疑者，則五王等更將何所依藉，以爲號召之口實耶？茲錄通鑑神龍元年五月甲午以侍中齊魯敬暉爲平陽王條考異所引，而爲司馬君實所不取之統紀原文，以佐證鄙說焉，其文云：

太后壽自粉飾，嬖子孫在側，不覺衰老（其實此語通鑑上文已採用之矣），及在上陽宮不復櫛頰，形容羸悴，上（中宗）入見，大驚，太后泣曰：我自房陵迎汝來，固以天下授汝矣，而五賊貪功，驚我至此。上悲泣不自勝，伏地拜謝死罪。由是（武）三思等得入其謀。

此節史料實可解釋中宗朝武氏權勢不因則天失位而消滅之故，溫公轉不之信，無乃過於審慎歟？舊唐書捌陸廢帝皇帝重茂傳云：

景龍四年中宗崩，韋庶人立重茂爲帝，而自臨朝稱制，及韋氏敗，重茂遂遜位，讓叔父相王。同書同卷節愍太子重俊傳（新唐書捌壹節愍太子重俊傳同）云：

（神龍）二年秋立爲皇太子，時武三思得幸中宮，深忌重俊，三思子崇訓尙安樂公主，常教公主陵忽重俊，以其非韋氏所生，常呼之爲奴，或勸公主請廢重俊爲王，自立爲皇太女，重俊不勝忿恨。

實格案，廢帝重茂以韋氏敗見廢，假使韋氏不敗，而仿武曌之前例行事，則重茂亦未必能久立，何況其非韋氏所生者乎？重俊起兵失敗，已於前言之，茲不復論，但究其所以舉兵之由，實以既受武三思父子及安樂公主等之陵忌，明知其皇位繼承權至不固定，遂出此冒險之舉耳。

睿宗嫡長子成器雖曾居皇太子之位，終以其庶弟隆基（玄宗）功業顯著之故，而讓皇儲之位，是其皇位繼承之不固定，無待言矣。至玄宗雖非長嫡，然以誅滅韋氏載立睿宗之大功得越其嫡兄成器而立爲皇太子，此蓋有繼於建成太宗之故事，宜其皇位繼承權之固定，及考諸記載，殊亦不然，茲略引史文以證明之。舊唐書玖伍讓皇帝憲傳（新唐書捌壹讓皇帝憲傳同）云：

讓皇帝憲本名成器，睿宗長子也，文明元年立爲皇太子，及睿宗降爲皇嗣，則天冊授成器爲皇孫，唐隆元年進封宋王，睿宗踐阼，將建儲貳，以成器嫡長，而玄宗有討平韋氏之功，意久不定，成器固讓，睿宗乃許之。

同書捌玄宗紀上（新唐書伍玄宗紀略同）略云：

（唐隆元年）七月丙午（睿宗）制曰：第三子（隆）基可立爲皇太子！（景雲）二年二月又制曰：皇太子（隆）基宜令監國！其六品以下除授及徒罪以下並取（隆）基處分！延和元年六月兇黨因術人間睿宗曰：據玄象，帝座及前星有災星，太子合作天子，不合更居東宮矣。睿宗曰：傳德避災，吾意決矣。七月壬午制曰：皇太子可令卽皇帝位！上（玄宗）叩頭請所以傳位之旨，睿宗曰：吾因汝功業得宗社，易位於汝，吾知晚矣。上始居武德殿視事，三品以下除授及徒罪皆自決之。先天二年七月三日左羽林大將軍常元楷，右羽林將軍李慈等與太平公主同謀，期以其月四日以羽林軍作亂，上密知之，因出武德殿，入慶化門，集常元楷李慈於北闕。睿宗明日下午詔曰：朕將高居無爲，自今軍國政刑一事已上並取皇帝處分！（實錄案，通鑑貳查拾開元元年七月乙丑上皇徙居百福殿）。

同書段隱姚崇傳（新唐書書貳肆姚崇傳同）云：

時玄宗在東宮，太平公主干預朝政，宋王成器爲副閑使，岐王範薛王業皆掌禁兵，外構以爲不便，元之（崇本名元崇，因惡與突厥叛人同名，改爲元之。）間傳中宋璟密奏，請令公主往東都，出成器等諸王爲刺史以息人心，睿宗以告公主，公主大怒，玄宗乃上疏以元之等離間兄弟，請加罪，乃貶元之爲申州刺史。

同書同卷宋璟傳（新唐書書貳肆宋璟傳同）云：

時太平公主謀不利於玄宗，嘗於光範門乘輦，伺執政以諷之，衆皆失色。璟昌言曰：東宮有大功於天下，真宗廟社稷之主，安得有異議！乃與姚崇同奏請令公主就東都。玄宗懼，抗表請加罪於璟等，乃貶璟爲楚州刺史。

同書段隱張說傳（新唐書書貳伍張說傳同）云：

是歲（景雲二年）二月睿宗謂侍臣曰：有術者上書：五日內有急兵入宮，卿等爲朕備之！左右相顧，莫能對。說進曰：此是讖人設計，擬搖動東宮耳，陛下若使東宮監國，則君臣分定，自然窺覷略絕，災難不

生。睿宗大悅，即日下制皇太子監國。明年又制皇太子卽帝位。俄而太平公主引蕭至忠崔湜爲宰相，以譌爲不附己，轉爲尚書左丞，罷知政事，仍令往東都留司。說既知太平陰懷異計，乃使獻佩刀於玄宗，請先事討之，玄宗嘉納焉。

寅恪案，玄宗既以有大功故得立爲皇太子，而其皇位繼承權仍不固定，其後雖已監國，並受內禪，卽皇帝位矣，而其皇位之不安定也如故，必至誅夷太平公主黨徒之後，睿宗迫不得已，放棄全部政權，退居百福殿，於是其皇位始能安定，此誠可注意者也。至太平公主欲以羽林軍作亂，幸玄宗早知其謀，先發制人，得斬禁軍統將常元楷李慈等，唐代中央政治革命之成敗繫於北門衛兵之手，斯又一例證矣。

舊唐書韋何葉廢太子瑛傳（新唐書刪貳太子瑛傳同）略云：

廢太子瑛，玄宗第二子也，開元三年正月立爲皇太子，及武惠妃寵幸，（瑛母趙）麗妃恩乃漸弛，惠妃之子壽王瑁鍾愛，（惠）妃泣訴於玄宗，以太子結黨，將害於妾母子，亦指斥於至尊。玄宗震怒，謀於宰相，意將廢瑛。中書令張九齡奏曰：今太子既長，無過。玄宗默然，事且寢，李林甫代張九齡爲中書令，悉惠妃之旨，託意於中貴人，搆壽王瑁之美，（開元）二十五年（惠妃女咸宜公主夫）楊洸又構於惠妃，言瑛兄弟（鄂王瑒光王琚）三人與太子妃兄薛鏞構異謀。玄宗遽召宰相籌之。林甫曰：此蓋陛下家事，臣不合參知，玄宗意乃決矣。使中官宣詔於宮中，並廢爲庶人，鏞配流，俄賜死於城東驛。

寅恪案，瑛乃玄宗初立之太子，其皇位繼承權既已不能固定矣，至於此後所立之太子卽後來繼位之肅宗，其皇位繼承權亦屢經動搖，若非乘安祿山叛亂之際擁兵自立爲帝，則其果能終嗣皇位與否，殊未可知也。

新唐書貳佰柒官者傳上高力士傳（參考通鑑貳壹肆開元二十六年條考異）云：

初，太子瑛廢，武惠妃方嬖，李林甫等皆屬壽王（瑁），帝（玄宗）以肅宗長，意未決，居忽忽不食。力士曰：大家不食，亦膳羞不具耶？帝曰：爾我家老，揣我何爲而然？力士曰：嗣君未定耶？推長而立，孰敢爭？帝曰：爾言是也，儲位遂定。

舊唐書拾肅宗紀略云：

肅宗玄宗第三子，開元二十六年六月庚子立爲皇太子，初太子瑛得罪，上召李林甫，議立儲貳，時壽王瑒母武惠妃方承恩寵，林甫希旨，以瑒對，及立上（肅宗）爲太子，林甫懼不利己，乃起韋堅柳勣之獄，上幾危者數四，後楊國忠依妃家，恣爲褻穢，懼上英武，潛謀不利，爲患久之，（天寶）十四載十一月（安祿山）稱兵討關，十二月辛丑制太子監國，仍遣上總親軍進討，時祿山以誅楊國忠爲名，國忠懼，乃與（楊貴妃）謀間其母，上遂不行，明年六月關門不守，國忠誣玄宗幸蜀，車駕將發（馬嵬驛），留上在後宣諭百姓，上迴軍（欲收復長安），七月辛酉上至靈武，（裴）冕（杜鴻漸）等凡六上牋（請卽皇帝位），上不獲已，乃從，是月甲子卽皇帝位於靈武。

同書卷捌肆宦官傳李輔國傳（新唐書貳佰捌宦者傳下李輔國傳同）云：

（安）祿山之亂，玄宗幸蜀，輔國侍太子（肅宗），扈從至馬嵬，誅楊國忠，輔國獻計太子，請分玄宗麾下兵，北趨朔方，以圖興復，輔國從至靈武，勸肅宗卽帝位，以系人心。

實格案，玄宗何以舍壽王瑒而立肅宗爲皇太子，此爲別一問題，非茲篇所能論及也。惟肅宗既立爲皇太子之後，其皇位繼承權甚不固定，故乘安祿山叛亂玄宗倉卒幸蜀之際，分兵北走，自取帝位，不僅別開唐代內禪之又一新局，而李輔國因是爲擁戴之元勳，遂得創後來閣寺擁戴或廢黜儲君之先例，此甚可注意也。

舊唐書卷壹代宗紀略云：

代宗肅宗長子，（乾元元年）四月庚寅立爲皇太子，寶應元年四月肅宗大漸，所幸張皇后無子，后懼上（代宗）功高難制，陰引越王係於宮中，將圖廢立，乙丑皇后矯詔召太子，中官李輔國程元振素知之，乃勒兵於凌雲門，俟太子至，卽衛太子至飛龍觀，是夕勒兵於三殿，收捕越王係及內官朱光輝馬英俊等，焚之，幽皇后於別殿，丁卯肅宗崩，元振等始迎上於九仙門，見羣臣，行監國之禮，已巳卽皇帝位於柩前。

同書伍貳后妃傳下肅宗張皇后傳（新唐書張皇后傳同）略云：

先在靈武時，太子（代宗）弟建寧王倓爲后輕賤而死，自是太子憂懼，常恐后之構禍，后以建寧之隙，常欲危之，寶應元年四月肅宗大漸，后與內官朱輝光馬英俊啖庭瑤陳仙甫等謀立越王係，矯詔召太子入侍疾，中官程元振李輔國知其謀，及太子入，二人以難告，請太子在飛龍殿，元振率禁軍收越王係朱輝光等，俄而肅宗崩，太子監國，遂移后於別殿，幽崩，誅馬英俊（等）。

同書壹陸承天皇帝倓傳（新唐書劉武承天皇帝倓傳同）略云：

時廣平王（代宗）立大功，亦爲張皇后所忌，潛構流言。

同書壹捌肆宦官傳李輔國傳（新唐書貳佰捌宦官傳下李輔國傳同）云：

輔國制元帥行軍司馬，專掌禁軍，代宗卽位，輔國與程元振有定策功。

同書同卷宦官傳程元振傳（新唐書貳佰捌宦官傳上程元振傳同）云：

寶應末肅宗晏駕，張皇后與太子（代宗）有隙，恐不附己，引越王係入宮，欲令監國，元振知其謀，密告李輔國，乃挾太子誅越王并其黨與。

寅恪案，代宗雖有收復兩京之功，而其皇位繼承權不固定如此，最可注意者，則爲自寶應元年四月乙丑（十六日）事變張皇后失敗後，唐代宮禁中武彊以降女后之政柄，遂告終結。而皇位繼承之決定，乃歸於閹寺之手矣。但閹寺之中又分黨派，互有勝敗，如程元振等與朱輝光等之爭，卽是其例。至於李氏子孫無論其得或不得繼承帝位如代宗與越王係之流，則皆閹寺之傀儡工具而已。

舊唐書壹捌楊炎傳（新唐書壹肆伍楊炎傳同）略云：

李正己上表請殺（劉）晏之罪，炎懼，乃遣腹心分往諸道，言晏之得罪以昔年附會姦邪，謀立獨孤妃爲皇后，上自惡之，非他過也。

同書同卷劉幹傳（新唐書壹肆伍劉幹傳同）云：

大曆中德宗居東宮，幹及（宦官劉）清潭嘗有姦謀搖動。

同書壹貳參劉晏傳（新唐書壹肆玖劉晏傳同）略云：

時人風言：代宗寵獨孤妃，而又愛（其子）韓王迥，晏密啓請立獨孤爲皇后，（楊）炎奏言：賴祖宗祐，先皇（代宗）與陛下（德宗）不爲賊臣所間，不然，劉晏黎幹之輩搖動社稷，凶謀果矣。

同書壹叁柒趙涓傳（新唐書壹陸壹趙涓傳同）云：

永泰初，涓爲監察御史，時禁中失火燒屋室數十間，火發處與東宮稍近，代宗深疑之，涓爲巡使，俾令即訊，涓周歷墻園，按據迹狀，乃上直中官遺火所致也，推鞠明審，頗近事情，既奏，代宗稱賞焉。德宗時在東宮，常感涓之究理詳細。

賓格案，此德宗爲太子時，其皇位繼承權亦不固定之證也。

新唐書柒順宗紀略云：

大曆十四年十二月乙卯立爲皇太子，部國公主以蠱事得罪，太子妃其女也，德宗疑之，幾廢者屢矣，賴李泌保護，乃免。

舊唐書壹拾李泌傳（新唐書壹玖李泌傳同）云：

順宗在泰宮，妃蕭氏母部國公主交通外人，上（德宗）疑其有他，連坐貶黜者數人，皇儲亦危，泌百端奏說，上意方解。

同書壹伍玖衛次公傳（新唐書壹陸肆衛次公傳同，并參考舊唐書壹伍玖鄭絪傳。）云：

（貞元）二十一年正月德宗昇遐，時東宮（順宗）疾恙方甚，倉卒召學士鄭絪等至金鑾殿，中人或云：內中商量所立未定，衆人未對，次公遽言曰：皇太子（順宗）既有疾，地居冢嫡，內外繫心，必不得已，當立廣陵王（憲宗），若有異圖，禍難未已，綢等隨而唱之，衆議方定。

賓格案，通鑑貳叁貳貞元三年六月條及貳叁叁貞元三年八月條載順宗爲皇太子時幾被廢黜事甚詳，蓋與新唐書

李泌傳同，采自鄭侯家傳，李泌述其父事，雖多溢美，然順宗當日皇位繼承權之動搖，則爲事實也。

按時代之次序，此下當論述憲宗之事迹，但永貞內禪，尤爲唐代內廷閣寺黨派競爭與外朝士大夫關係之一最著事例，且唐代外廷士大夫之牛李黨爭即起於憲宗元和之世，茲爲敘述便利之故，本篇中專論唐代皇位繼承不固定之事實，則至德宗順宗之交爲止，此後以內廷及外朝之黨派關係與皇位繼承二端合併論證，而在論證此二端之前，先一言唐代士大夫黨派分野之界線焉。

唐代統治階級在武曌未破壞「關中本位政策」以前，除宇文泰所創建之胡漢開關集團胡漢諸族外，則爲北朝傳統之山東士族，凡外廷士大夫大抵爲此類之人也。所謂士族者，其初并不專用其先代之高官厚祿爲其唯一之表徵，而實以家學及禮法等標異於其他諸姓，如范陽盧氏者，山東士族中第一等門第也，然魏收著魏書，其第肆卷卷盧玄傳論（李延壽撰於北史卷拾盧玄等傳論即承用伯起元文）云：

盧玄緒業著聞，首應推命，子孫繼述，爲世盛門，其文武功業殆無足紀，而見重於時，聲高冠帶，蓋德業儒素有過人者。

其實伯起此言不獨限於北魏時之范陽盧氏，凡兩晉南北朝之士族盛門，考其原始，幾無不如是，魏晉之際雖一般社會有鉅族小族之分，苟小族之男子以才器著聞，得稱爲「名士」者，則其人之政治及社會地位即與鉅族之子弟無所區別，小族之女子苟能以禮法特見尊重，則亦可與高門通婚，非若後來士族之婚宦二事專以祖宗官職高下爲惟一之標準者也。此點關係兩晉南北朝士族問題之全部，茲篇殊難詳悉考辨，故除上引魏書盧玄傳論之關於河北者外，更舉關於江左一事，以爲例證，其餘不能多及，但可以類推也。

舊唐書韋執拾上文苑傳上袁朗傳（新唐書武后袁文藝傳上袁朗傳同）略云：

袁朗其先自陳郡仕江左，世爲冠族，朗自以中外人物爲海內冠族，雖琅邪王氏繼有台鼎，而歷朝首爲佐命，鄭之不以爲伍。朗孫誼又虞世南外孫，神功中爲蘇州刺史，嘗因視事，司馬清河張沛通謁，沛即侍中文瑛之子，誼揖之曰：司馬何事？沛曰：此州得一長史，是隴西李寶，天下甲門。誼曰：司馬何言之失！

門戶須歷代人賢名節風教爲衣冠矚瞻，始可稱舉，老夫是也。夫山東人尙於婚媾，求於利祿，作時往石，見危致命，則曠代無人，何可說之，以爲門戶？沛懷漸而退，時人以爲口實。

賈格案，袁詒張沛之言皆是也，不過袁說代表六朝初期門第原始本義，張說代表六朝後期及隋唐時代門第演化通義，其分別如是而已，然於此亦可觀古今世變矣。又袁詒「山東人尙於婚媾」之言，可取與新唐書帝致致儒學傳中柳沖傳附載柳芳論氏族文中：

山東之人尙婚媾，江左之人尙人物，關中之人尙冠冕，代北之人尙貴戚。

諸語參證，其實袁張之異同亦涉及地域及種族問題，匪僅古今時間之關係，但此非本篇所能具論者也。

夫士族之特點既在其門風之優美，不同於凡庶，而優美之門風實基於學業之因襲，故士族家世相傳之學業乃與當時之政治社會有極重要之影響，此事實格嘗於拙著隋唐制度淵源略論稿禮儀章論之，茲不復贅。但東漢學術之重心在京師之太學，學術與政治之關鎖則爲經學，蓋以通經義勵名行爲仕宦之途徑，而致身通顯也。自東漢末中原喪亂以後，學術重心自京師之太學移轉於地方之豪族，學術本身雖亦有變遷，然其與政治之關鎖仍循其東漢以來通經義勵名行以致從政之一貫軌轍，此點在河北卽所謂山東地域尤爲顯著，實與唐高宗武則天後之專尙進士科，以文詞爲清流仕進之唯一途徑者大有不同也。由此可設一假定之說：卽唐代士大夫中其主張經學爲正宗，薄進士爲浮冶者，大抵出於北朝以來山東士族之舊家也，其由進士出身，而以浮華放浪著稱者，多爲高宗武后以來君主所提拔之新興統治階級也，其間山東舊族亦有由進士出身，而放浪才華之人或爲公卿高門之子弟者，則因舊日之士族既已淪替，乃與新興階級漸染混同，而新興階級雖已取得統治地位，仍未具舊日山東舊族之禮法門風，其子弟逞才放浪之習氣猶不能改易也。總之，兩種新舊不同之士大夫階級空間時間既非絕對隔離，自不能無傳染薰習之事，但兩者分野之界畫要必於其社會歷史背景求之，然後唐代士大夫最大黨派如牛李諸黨之如何構成，以及其與內廷閣寺之黨派互相鈎結利用之隱微本末，始可以豁然通解，請略徵史實，以證驗之。

舊唐書查捌上武宗紀會昌四年末載宰相李德裕之言（參考新唐書肆選舉志，又唐諸林登言語類李太尉德裕未出學院條，謂德裕父吉甫勸勉德裕應舉及王象子李德裕以己非科第條所言，恐皆不可信。）云：

臣無名第，不合言進士之非，然臣祖（李栖筠）天寶末以仕進無他歧，勉強隨計，一舉登第，自後不於家滑文選，蓋惡其祖尚浮華，不根藝實，然朝廷願官須是公卿子弟，何者，自小便習舉業，目熟朝廷間事，臺閣儀範班行准則不教而自成，寒士縱有出人之才，登第之後始得一班一級，固不能熟習也。

新唐書肆選舉志（參考舊唐書查柒叁鄭覃傳新唐書登陸伍鄭珣瑜傳附覃傳王定保撰言查散序進士條等）略云：文宗好學嗜古，鄭覃以經術位宰相，深嫉進士浮薄，屢請罷之。文宗曰：敦厚浮薄，色色有之。進士科取人二百年矣，不可遽廢。因得不罷。武宗即位，宰相李德裕尤惡進士。初舉人既及第，隨行通名，詣主司第謝，又有曲江會題名席，至是德裕奏：國家設科取士，而附黨背公，自爲門生，自今一見有司而止，其期集參謁曲江題名皆罷。

舊唐書查柒肆李德裕傳（新唐書查捌拾李德裕傳同，又參考王象子李衡公以己非科第條。）略云：

李德裕趙郡人，祖栖筠御史大夫，父吉甫趙國公，元和初宰相，德裕苦心力學，尤精西漢書左氏春秋，恥與諸生同鄉賦，不喜科試。

新唐書登陸查柳公綽傳附仲郾傳云：

知吏部餘，（李）德裕願抑進士科，仲郾無所徇，是時以進士選，無受惡官者。

舊唐書查柒叁鄭覃傳（新唐書查陸伍鄭珣瑜傳附覃傳同）略云：

鄭覃（榮陽人），故相珣瑜之子，以父蔭補弘文校理，覃長於經學，稽古守正帝（文宗）尤重之，嘗從容奏曰：經籍訛謬，博士相沿，難爲改正，請召宿儒與學，校定六籍，進後漢故事，勒石於太學，永代作則，以正其闕。從之。（大和）五年李宗閔牛僧孺輔政，宗閔以覃與李德裕相善，薄之，奏罷（覃翰林）侍講學士，文宗好經義，心頗思之。六年二月復召爲侍講學士。七年春李德裕作相，以覃爲御史大夫。文宗嘗於

延英謂宰相曰：殷侗通經學，頗似鄭覃。宗閔曰：覃侗誠有經學，於議論不足聽覽。李德裕對曰：覃嘗嫉人明黨，爲宗閔所薄故也。八年德裕罷相，宗閔復知政，與李訓鄭注同排斥李德裕李紳，二人貶黜，覃亦左授秘書監。九年六月楊虞卿李宗閔得罪長流，復以覃爲刑部尚書，遷左尚書僕射。訓注伏誅，以本官同平章事。覃雖精經義，不能爲文，嫉進士浮華，開成初奏：禮部貢院宜罷進士科。初紫宸對上（文宗）語及進士，覃曰：南北朝多用文舉，所以不治，士以才堪即用，何必文辭？帝曰：進士及第人已曾爲州縣官者，方議奏署，即可之，餘卽否。覃曰：此科率多輕薄，不必盡用。帝曰：輕厚敦薄色色有之，未必獨在進士，此科置已二百年，亦不可遽改。覃曰：亦不可過有崇樹。上嘗於延英論古今詩句工拙。覃曰：近代陳後主隋煬帝皆能章句，不知王者大端，終有季年之失，章句小道，願陛下不取也。（開成）四年罷相。武宗卽位，李德裕用事，欲援爲宰相，固以足疾不任朝謁（辭）。會昌二年致仕，卒。覃位至相國，所居纔庇風雨，家無腰妾，人皆仰其素風。女孫適崔暉，官纔九品衛佐，帝重其不婚權家（此十八字新傳之文）。

唐語林貳文學類云：

文宗皇帝曾製詩以示鄭覃。覃奏曰：乞留聖慮於萬幾，天下仰望。文宗不悅。覃出，復示李宗閔。歎伏不已，一句一拜，受而出之。上笑謂之曰：勿令適來阿父子見之！

賓格案，趙郡李氏榮陽鄭氏俱是北朝數百年來顯著之士族，實可以代表唐代士大夫中主要之一派者，而德裕及覃父子又世爲宰相，其社會歷史之背景既無不相同，宜其共結一黨，深惡進士之科也。文選爲李氏所鄙視，石經爲鄭覃所建刊，其學術趣向殆有關家世遺傳，不可僅以個人之偶然好惡爲解釋，否則李文饒固有唐一代不屬於復古派之文雄，何以亦薄文選之書？推究其故，豈不以「熟精文選理」乃進士詞科之人卽高宗武后以後新興階級之所致力，實與山東舊族以經術禮法爲其家學門風者迥然殊異，不能相容耶？南北朝社會以婚宦二端判別人物流品之高下，唐代猶承其風習而不改，此治史者所共知，茲更舉關於鄭覃之一事，以補證新唐書所紀其不婚當世權門，而重舊日士族之一語如下：

太平廣記查捌肆氏族類莊恪太子妃條（新唐書韋瓘貳杜兼傳附中立傳云：「開成初文宗以異源臨異二公主降士族，謂宰相曰：民間修婚姻，不計官品，而上閱閱，我家二百年天子，顧不及崔盧耶？」詔宗正卿取世家子以聞！」）實格案，中立固出名家，但尙主與納妃微有不同，故附記於此，以供參證。」云：

文宗爲莊恪太子選妃，朝臣家□子女者，悉被進名，士庶爲之不安，帝知之，謂宰相曰：朕欲爲太子婚娶，本求汝鄭門衣冠子女爲新婚，聞在外朝臣皆不願共朕作情親，何也？朕是數百年衣冠，無何神堯打家何羅去。因罷其選。（原注：出盧氏雜說。實格案，唐語林肆企羨類亦引盧氏雜說此條，但作「打朕家事羅阿去。」）

實格案，此條所載文宗語末句頗不易解，姑從闕疑。據舊唐書韋瓘伍莊恪太子永傳（新唐書捌貳莊恪太子永傳同），魯王永以文宗大和六年十月冊爲皇太子，開成三年十月薨，又據新唐書陸贄宰相表（舊唐書壹叁新唐書捌文宗紀及兩唐書鄭覃傳俱同），鄭覃以大和九年十一月至開成四年五月之時間任宰相之職，而自大和六年十月至開成三年十月即魯王永爲皇太子期間，宰相中覃之外，別無鄭姓者，故知文宗「汝鄭門」之語專對覃而言者也，依覃之意，李唐數百年天子之家尙不及山東舊門九品衛佐之崔氏，然則唐代山東士族心目中社會價值之高下估計亦可想見矣。又唐代皇室本出自宇文泰所創建之關隴胡漢集團，即朱元晦所謂「源流出於夷狄，故閭門失禮之事不以爲異」者（上篇之首已引），固應與山東士族之以禮法爲門風者大有不同，及漢化程度極深之後，與舊日士族比較，自覺相形見絀，益勵企羨華仰之念，然貴爲天子，終不能競勝山東舊族之九品衛佐，於此可見當日山東舊族之高自標置，并非無因也。

至李唐皇室與山東士族之關係亦有可略言者，考唐室累代其初對於山東舊族本持壓抑政策，如新唐書玖伍高儉傳（參考舊唐書陸伍高士廉傳唐會要叁陸氏族條貞觀政要柒禮樂篇貞觀六年謂房玄齡條舊唐書柒捌新唐書壹佰肆張行成傳舊唐書捌貳新唐書貳貳叁姦臣傳上李義府傳通鑑壹玖伍貞觀十二年正月條太平廣記壹捌肆氏族類七姓條等）略云：

初太宗嘗以山東人士尚閥閱，後雖衰，子孫猶負世望，由是詔士庶貴天下譜牒，參考史傳，檢正真偽，合二百九十三姓千六百五十一家爲九等，號曰氏族志，而崔幹仍居第一。帝曰：我於崔盧李鄭無嫌，願其世衰，猶恃舊，不解人間何爲貴之？朕以今日爲冠冕等級高下，遂以崔幹爲第三姓（姓舊傳作等），班其書天下，高宗時許敬宗以不敍武后世，李義府恥其家無名，更升定之，裁廣義類，帝（高宗）自敍所以然，各以品位敍之，凡九等，改爲姓氏錄，當時軍功入五品者，皆升譜限，縉紳恥焉，目爲「勳格」，義府奏：悉索氏族志，燒之。先是，後魏太和中定四海望族，以（李）寶等爲冠，其後於尚門地，故氏族志一切降之，王妃主婿皆取當世勳貴名臣家，宋書尚山東舊族，（實格案，此爲唐初情狀，後來不如是也。）後房玄齡魏徵李勣復與香，故望不減。

又國史補上（參考太平廣記查勘肆氏族類）略云：

李積酒泉公義侯姪孫，門戶第一，而有清名，官至司封郎中懷州刺史。書以爲爵位不如族望，與人書札唯稱隴西李積而不銜。

又通鑑貳肆捌大中三年十二月萬壽公主適鄭顥條云：

顥弟顥嘗得危疾，上遣使視之，還，問（萬壽）公主何在？曰在慈恩寺戲場。上（宣宗）怒歎曰：我怪士大夫家不欲與我爲昏，良有以也。亟命召公主入宮，立之階下，不之視，公主懼，涕泣謝罪。上責之曰：豈有小郎病，不往省視，乃觀戲乎？遣歸鄭氏，由是終上之世，貴戚皆兢兢守禮法，如山東衣冠之族。

又東觀漢記上（參唐語林補遺萬壽公主宣宗之女條新唐書查致白居易傳附敏中傳）略云：

萬壽公主上（宣宗）之女，將嫁，命擇良婿，鄭顥相門子，（實格案，顥之祖細憲宗朝宰相。）首科及第，聲名籍甚，待昏盧氏，宰臣白敏中奏選尙，顥深銜之。大中五年敏中免相爲別軍行營都統，行有日，奏曰：願不樂國姻，銜臣入骨，臣在中書，顥無如臣何，一去玉階，必媒孽臣短，死無日矣。

實格案，前晉山東士族之所以興起，實用儲養德業以自矜異，而不因官祿高厚見重於人，降及唐代，歷年雖

覆奏：「奉宣旨，不欲令及第進士呼有司爲座主，趨赴其門，兼題名局席等條疏進來者，伏以國家設文學之科，求貞正之士，所宜行教風俗，義本君親，然後申於朝廷，必爲國器，豈可懷賞拔之私惠，忘教化之根源，自謂門生，遂成膠固，所以時風浸薄，臣節何施，樹黨背公，廢不由此，臣等商量今日已後，進士及第，任一度參見有司，向後不得聚集參謁，及於有司宅置宴，其曲江大會朝官及題名局席並望勒停。」
 奉勅：「宜依！」於是向之題名各盡削去。舊贊皇公不由科第，故設法以排之，洎公失意，悉復舊態。

玉泉子云：

李相德裕抑退浮薄，獎拔孤寒，於時朝貴朋黨德裕破之，由是結怨，而絕於附會，門無賓客。

舊唐書登擢下宣宗紀大中三年九月貶李德裕爲崖州司戶參軍制云：

猷貞良造朋黨之名。

據此，李德裕所謂朋黨，即指新興階級浮薄之士藉進士科舉制度座主門生同門等關係締結之牛黨也。
 或疑通鑑貳卷捌元和七年春正月條〔新唐書登陸貳許孟容傳附季同傳同〕，載京兆少尹元發方爲鄆坊觀察使事略云：

義方入謝，因言李絳私其同年許季同，除京兆尹，出臣鄆坊。明日上以詰絳曰：人於同年固有情乎？對曰：同年乃九州四海之人，偶同科第，或登科然後相識，情於何有？

則似科舉制度與結黨無關者，但詳考之，知通鑑此條及新唐書許孟容傳俱采自李相國論事集，其書專詆李吉甫，固出於牛黨之手，其所言同年無情，乃牛黨強自辯證之詞，殊非實狀也。夫唐代科舉制度下座主門生及同年或同門關係之密切原爲顯著之事，可不詳論，茲僅舉三數例於下，亦足以爲證明也。

舊唐書登陸貳卷保衡傳〔新唐書登陸肆路巖傳附韋保衡傳同〕云：

保衡恃恩權，素所不悅者，必加排斥，王鐸貢舉之師，薦遭同門生，以素薄其爲人，皆橫斥之。

寅恪案，史所書保衡之惡，依當時習慣言，乃一破例，此正可以反證當日座主門生以及同年或同門之間互相援

助之常備也。

白氏長慶集壹陸重題（華堂東壁）七律四首之四云：

宦途自此心長別。世事從今口不言。豈止形骸同土木。兼將壽夭任乾坤。胸中壯氣猶須遣。身外浮榮何足論。還有一條遺恨事。高家門館未足恩。

寅恪案，白樂天此詩自言已外形骸，了生死，而猶惓惓於座主高郢之深恩未報，斯不獨香山居士一人之篤於恩舊者爲然，凡苟非韋保衡之薄行寡情者，莫不如是，此實可爲唐代門生對座主關係密切之一例證也。

獨異志（參唐語林陸贄類）云：

崔羣爲相，清名甚重，元和（中）自中書舍人知貢舉，既罷，夫人李氏嘗勸其樹莊田，以爲子孫之業，笑答曰：余有三十所美莊良田，遍在天下，夫人何憂？夫人曰：不聞君有此業。羣曰：吾前年放春榜三十人，豈非美田耶？夫人曰：若然者，君非陸贄相門生乎？然往年君掌文柄，使人約其子簡禮，不令就春闈之試，如以爲良田，則陸氏一莊荒矣！羣慚而退，累日不食。

寅恪案，座主以門生爲莊田，則其施恩望報之意顯然可知，此唐代座主對於門生關係密切之一例證也。舊唐書壹陸楊嗣復傳（新唐書壹陸楊嗣復傳不載同門結黨之由，不及舊傳之得其實，又舊唐書壹陸李宗閔傳可與參證。）云：

嗣復與牛僧孺李宗閔皆權德輿貢舉門生，情誼相得，取舍進退多一同。

寅恪案，史言牛派鉅子以同門之故，遂結爲死黨，此唐代科舉同門關係之一例證也。

復次，唐代貢舉名目雖多，大要可分爲進士及明經二科，進士科主文詞，高宗武后以後之新學也，明經科專經術，兩晉北朝以來之舊學也，究其所學之殊，實由門族之異，故觀唐代自高宗武后以後朝廷及民間重進士而輕明經之記載，則知代表此二科之不同社會階級在此三百年間升沈轉變之概狀矣。其記載略錄於下：

康駢劇談錄（參唐語林陸補遺）云：

元和中李賀善爲歌篇，爲韓愈深所知，重於縉紳，時元稹年少，以明經擢第，亦攻篇什，常交結於賀，日執贄造門，賀覽刺，不答遽入，僕者謂曰：明經及第，何事看李賀？稹漸恨而退，其後（稹）以制策登科，及爲禮部郎中，因譏賀祖（祖當作父）諱晉（肅），不合應（進士）舉，賀遂致輶軻，韓愈惜其才，爲著諒辯明之，竟不成名。

寅恪案，劇談錄所紀多所疏誤，自不待論，但據此故事之造成，可推見當時社會重進士經明經之情狀，故以通性之其實言之，仍不失爲珍貴之社會史料也。

東觀漢記上（參新唐書登擢武李珣傳及唐語林空齋雜類）略云：

李珣趙郡贊皇人，早孤，居淮陰，舉明經，李絳爲華州刺史，一見謂之曰：日角珠庭，非常人也，當擢進士科，明經碌碌，非子發跡之路。一舉不第，應進士（舉），許孟容爲宗伯，擢居進士。

新唐書登擢武李珣傳云：

（彦昭）與王凝外昆弟也，凝大中初先顯，而彦昭未仕，嘗見凝，凝倨不冠帶，慢書曰：不若從明經舉。彦昭爲憾，至是凝爲兵部侍郎，母聞彦昭相，敕婢多製履襪，曰：王氏妹必與子皆遷，吾將共行。彦昭聞之，泣且拜，不敢爲怨，而凝竟免。（寅恪案，此采自尉遲偓中朝故事。）

進士散序進士門云：

其艱難兩之三十老明經，五十少進士。

據上諸條，進士明經二科在唐代社會其價值之高下，可以推知，不待廣引也。

又唐代社會於此二科之評價，有高下之殊，亦由當時政治之關係所致，蓋朝廷與民衆二者互相影響也。如唐語林肆企鵠類略云：

薛元超謂所親曰：吾不才，富貴過人，平生有三恨：始不以進士擢第。

寅恪案，上篇引通典登伍選舉典奎所載沈既濟之言，謂進士科之特見尊重，實始於高宗武后時，薛元超爲高宗

朝晚年宰相，是與沈氏之語適合也。

新唐書肆肆選舉志（據書委慈恩寺題名遊賞賦詠雜詩條同，又新志此條前已徵引，今爲解釋便利之故，復節錄數語於此。）略云：

武宗卽位，李德裕爲宰相，尤惡進士。至是德裕奏：國家設科取士，而附黨背公，自爲門生，自今一見有司而止，其期集參謁曲江題名皆罷。

舊唐書登擢下宣宗紀大中元年二月丁酉禮部侍郎魏扶奏臣今年所放進士三十三人條略云：

帝（宣宗）雅好儒士，留心貢舉，有時微行人間，探聽輿論，以備遺士之得失。又勅：自今進士放榜後，杏園任依舊宴集，有司不得禁制！

寅恪案，宣宗朝政事舉與武宗朝相反，進士科之好惡崇抑乃其一端，而此點亦卽牛李二黨進退榮辱之表徵也。請更取證於下列史料：

唐語林肆企類（參說郭范引盧氏雜說）云：

宣宗愛襲進士，每對朝臣，問登第否？有以科名對者，必有喜，便問所試詩賦題并主司姓名，或有人物優而不中者，必歎息久之。嘗於禁中題「鄉貢士李道龍」。（寅恪案，可參同書同類宣宗好備條「殿柱自題曰：鄉貢進士李某。」）

又同書同類（參東觀奏記上）略云：

宣宗尚文學，尤重科名，大中十年鄭畋知舉，宣宗案登科記，敕翰林：「今後放榜，仰寫及第人姓名及所試詩賦題目，仰所司逐年編次！」

夫大中一朝爲純粹牛黨當收李黨在野之時期，宣宗之愛襲進士科至於此極，必非偶然也。

又張爾田先生玉溪生年譜會議卷大中二年下引沈曾植先生之言曰：

唐時牛李兩黨以科第而分，牛黨重科舉，李黨重門第。

資格案，乙重先生近世通儒，宜有此卓識，其所謂「牛黨重科舉者」自指重進士科而言也。或疑問曰：牛黨中以進士科出身者如李珣，則系出趙郡李氏（見前引東觀奏記上并參唐語林參議鑒類及舊唐書壹柒叁新唐書壹捌貳李珣傳等），李宗閔則爲唐宗室，而鄭元懿之四世孫（見舊唐書壹柒陸新唐書壹柒肆李宗閔傳及新唐書壹捌下宗室世系表小鄭元王房條等），至黨魁牛僧孺更是隋代達官兼名儒牛弘之八世孫，且承其賜田賜書之道業，並以進士擢第者（見舊唐書壹柒貳新唐書壹柒肆牛僧孺傳及唐文粹陸伍李珣撰牛僧孺神道碑杜牧樊川集柒牛僧孺墓志銘等），然則牛黨鉅子俱是北朝以來之舊門及當代之宗室，而李黨之健者如陳夷行李紳李回李讓夷之流復皆以進士擢第（見舊唐書壹柒叁新唐書壹捌壹陳夷行傳舊唐書壹柒叁新唐書壹捌壹李紳傳舊唐書壹柒叁新唐書壹叁壹李回傳舊唐書壹柒陸新唐書壹捌壹李讓夷傳等），是李黨亦重進士之科，前所謂牛李黨派之分野在科舉與門第者，毋乃不能成立耶？應之曰：牛李兩黨既產生於同一時間，而地域又相錯雜，則其互受影響，自不能免，但此爲少數之特例，非原則之大概也，故互受影響一事可以不論，所可論者約有三端：一曰牛李兩黨之對立，其根本在兩晉北朝以來山東士族與唐高宗武則天之後由進士調科進用之新興階級兩者互不相容，至於李唐皇室在開國初期以屬於關隴集團之故，雖與山東舊族頗無好感，及中葉以後山東舊族與新興階級生死競爭之際，遠支之宗室其政治社會之地位實已無大別於一般士族，如新唐書壹柒拾上宗室世系表所云：

唐有天下三百年，子孫蕃衍，可謂盛矣。其初皆有封爵，至其世遠親盡，則各隨其大賢愚，遂與異姓之臣雜而仕宦，至或流落於民間，甚可歎也。

故對於此新舊兩統治階級之鬭爭，傳處於中立地位，既自可牛，此李宗閔之所以爲牛黨也，亦復可李，此李回之所以爲李黨也。二曰：凡山東舊族挺身而出，與新興階級作殊死鬭者，必其人之家族尙能保持舊有之特長，如前所言門風家學之類，若鄭覃者，卽其一例也，亦有雖號爲山東舊門，而門風廢替，家學衰落，則此破落戶之與新興階級不獨無所分別，且更宜與之同化也。茲更舉數例以爲證明，而解疑惑焉。

舊唐書壹叁陸崔損傳（新唐書壹陸柒崔損傳同）略云：

崔損博陵人，高祖行功已後，名位卑替，大曆末進士擢第。戶部尚書裴延齡棄與損善，乃薦之於德宗，（貞元）十二年以本官（右諫議大夫）同中書門下平章事。（損）身居宰相，母野殯，不言展墓，不議遷祔，姊爲尼，沒於近寺，終喪不臨，士君子罪之。

同書同卷盧邁傳（新唐書壹伍拾盧邁傳同）略云：

盧邁范陽人，少以謹厚孝友稱，深爲叔舅崔祐甫所親重，兩經及第，遷尚書右丞，（貞元）九年以本官同中書門下平章事。（邁）友愛恭儉，從父弟退爲劍南西川判官，卒於成都，歸葬於洛陽，路由京師，邁奏請至城東，哭於其柩，許之，近代宰相多自以爲崇重，五服之親或不過從弔臨，邁獨振薄俗，請臨弟喪，士君子是之。

同書壹捌捌孝友傳崔沔傳（新唐書壹貳玖崔沔傳同，參顏魯公文集壹肆博陵崔孝公室陋室銘記）。略云：

崔沔京兆長安人，自博陵徙關中，世爲著姓。沔諱，口無二言，事親至孝，博學有文詞，母卒，哀毀逾禮。沔善禮經，朝廷每有疑義，皆取決焉。

同書壹玖崔祐甫傳（新唐書壹肆貳崔祐甫傳同）略云：

崔祐甫父沔黃門侍郎，諡曰孝公。家以清儉禮法爲士流之則，安祿山陷洛陽，士庶奔迸，祐甫獨崎危於矢石之間，潛入私廟，負木主以竄。常袞當國，非以辭賦登科者莫得進用（此語前已引），及祐甫代袞，薦延推舉，無復疑滯，日除數十人，作相未逾年凡除吏八百人，多稱允當。朱泚之亂，祐甫妻王氏陷賊中，泚以嘗與祐甫同列，雅重其爲人，乃遣王氏縉帛菽粟，王氏受而緘封之，及德宗還京，具陳其狀以獻，士君子益重祐甫家法，宜其享令名也。

據此，知崔損雖與沔祐甫同屬博陵崔氏，而一爲當世所鄙薄之「破落戶」，一爲禮法名家，盧邁既是祐甫之甥，其以孝友恭儉著稱，必受其父母兩系門風之薰習無疑，然則崔沔祐甫盧邁之流，乃真山東舊族之代表，可與新興階級對壘相抗者也。又舊唐書壹壹玖常袞傳（新唐書壹伍拾常袞傳同）云：

天寶末舉進士，（作相）尤排擯非辭科登庸者。

而祐甫代食，用人不拘於進士，豈其意旨與李德裕鄭覃所持之說亦有合歟？是前日常崔之異同，即後來牛李之爭執，讀史者不可不知其一貫之聯繫也。三曰：凡牛黨或新興階級所自稱之門閥多不可信也，如杜牧樊川集蔡牛僧孺墓志銘（參考舊唐書崔沔新唐書崔沔肆牛僧孺傳及唐文粹伍陸李珣撰牛僧孺神道碑新唐書伍梁上宰相世系表牛氏條等）云：

八代祖弘以德行備行相隋氏，封奇章郡公，贈文安侯，文安後四世諱鳳及，仕唐爲中書門下侍郎監修國史，於公爲高祖，文安後五世集州刺史贈給事中諱休克，於公爲曾祖，集州生太常博士贈太尉紹，太尉生華州鄭縣尉贈太保諱幼聞，太保生公，孤始七歲，長安下杜樊鄉東文安有隋氏賜田數頃書千卷尙存。

實格案，新唐書崔伍上宰相世系表牛氏條與牧之文徵有出入，牛弘仕隋，官至吏部尚書，迄未嘗一爲宰相，〔見隋書肆玖北史崔牛弘傳〕，但兩唐書牛僧孺傳皆謂弘爲僕射，似因此可稱「相附」，考舊史弘傳止載弘卒後贈開府儀同三司光祿大夫，并未言贈僕射，又李珣撰牛僧孺神道碑雖亦言賜田等事，但無牛弘相附之語，通鑑貳叁柒元和三年夏四月條胡注則云：「牛弘相附」，蓋承昔人之誤也。可詳考通典貳壹職官典叁宰相條，茲不備論。」殆以吏部尚書當天官冢宰之誤，然此等俱無關宏旨，可不深論，獨家有牛弘隋代賜田一事，似僧孺與弘之血統關係確鑿可信，但一取與此相類之事即僧孺同黨白居易敏中兄弟家所謂前代先祖賜田者考之，則又不能不使人致疑於新興階級之多所依託也。

白氏長慶集貳玖襄州別駕府君事狀云：

初高祖贈司空有功於北齊，詔賜莊宅各一區，在同州韓城縣，至今存焉。

此所謂有功於北齊之司空即白建也，據北齊書肆拾白建傳（北史伍伍白建傳略同）略云：

白建字彥舉，武平七年卒，贈司空。

是白建卒於北齊未亡以前，其生存時期周齊二國東西並峙，互相爭競，建爲齊朝主兵之大臣，其所賜莊宅何得越在周州韓城，即仇讎敵國之內乎？其爲依託，不待辨說也。又新唐書崔伍下宰相世系表白氏條列白居易敏中

之先世云：

白建字彥舉，後周弘農郡守邵陵縣男。

此白建既字彥舉，與北齊主兵大臣之姓氏名字俱無差異，是即白香山所自承之祖先也，但其官則爲北周弘農郡守，與北齊贈司空之事絕不能相容，其間必有竄改附會，自無可疑，豈居易敏中之先世賜田本屬於一後周姓白名某字某之弘農郡守，而其人卻是樂天兄弟真正之祖宗，故其所賜莊宅能在後周境內，後來子孫遠攀異國之貴顯，遂致前代祖宗橫遭「李樹代桃」之厄耶？今雖難確定此一重公案，而新興階級所謂前代賜田之不能作絕對可信之物證，亦由是得以推知也。至白氏親舅甥之婚配（見周氏近刊羅貞松先生遺稿），乃新興階級之陋習，宜其爲尊尙禮法門風之山東舊族所鄙薄。又白香山之違犯當時名教，坐不孝貶官，雖有政治性質，終亦與其門族淵源不無關係，但非茲篇所能旁及者矣。

復次，舊唐書壹柒貳令狐楚傳（新唐書壹陸陸令狐楚傳略同）云：

令狐楚自言國初十八學士德棻之後。

新唐書令狐楚傳雖刪去「自言」二字，據其書望伍下宰相世系表令狐氏條，楚實非出自德棻，然則舊傳「自言」之語固不應刪也。夫楚祖父子繼世宰相，尤爲牛黨之中堅，而其家世譜牒之有所依託，亦與白敏中相同，是牛黨或新興階級所自稱之門閥不足信賴，觀此可知也。

又就牛李黨派之分畫以進士科及舊門族爲標識一點尙有須注意者，即李栖筠在天寶末年已以仕進無他途，不得不舉進士（見前引舊唐書武宗紀中李德裕語），則貞元以後宰相多以翰林學士爲之，而翰林學士復出自進士詞科之高選，山東舊族苟欲致身通顯，自宜趨赴進士之科，此山東舊族所以多由進士出身，與新興階級同化，而新興階級復已累代貴仕，轉成舊木世臣之家矣。如楊收一門者可謂唐宋五代間之世家也，觀舊唐書壹柒柒楊收傳所云：

楊收自言隋越公素之後。

論曰：門非世胄，位以藝升。

可爲一例。然唐末黃巢亂後，其餘黨朱全忠遂執統治之大權，凡籍進士詞科仕進之士大夫不論其爲舊族或新門，俱目爲清流，而使同罹白馬之禍，斯又中古政治社會之一大變也。（見舊唐書貳拾哀帝紀天祐二年三月癸巳勅文壹壹叁裴遵慶傳附樞傳及新唐書壹肆拾裴遵慶傳附樞傳等）。

又唐代新興之進士詞科階級異於山東之禮法舊門者，尤在其放浪不羈之風習，故唐之進士一科與倡伎文學有密切關係，孫棨北里志所載即是一證。又如韓偓以忠節著聞，其平生著述中香奩一集淫豔之詞亦大抵應進士舉時所作，（寅恪案，此集多郎自序中「大盜入關」之語實指黃巢陷長安而言，震鈞即唐晏作韓承旨年譜乃誤以大盜屬之朱全忠，遂解釋詩旨，多所附會，殊不可信也，以不在此篇範圍，故不詳辨。）然則進士之科其中固多浮薄之士，李德裕鄭覃之言殊未可厚非，而數百年社會階級之背景實與有關涉，抑又可知矣。

如牛黨之才人杜牧，實以放浪著稱，唐語林柒補遺所載杜牧少登第恃才喜酒色條杜舍人牧恃才名頗縱酒色條及其樊川集中遺恨一絕「十年一覺揚州夢，贏得青樓薄倖名」之句等皆是其證例。或疑其祖佑既爲宰相，而兼通儒，是其人乃名家之子弟，似不可列之新興階級中，但詳考其家世風習，則知佑之父希範實以邊將進用（見新唐書壹陸陸杜佑傳及唐文粹陸捌權德輿撰杜佑墓志銘），雖亦號爲舊家，并非士大夫之勝流門族，舊唐書壹肆柒杜佑傳（新唐書壹陸陸杜佑傳同）云：

（佑）在淮南時，妻梁氏亡後，昇嬖妾李氏爲正室，封密國夫人，親族子弟言之，不從，時論非之。（寅恪案，權文公銘佑之墓，而不載李氏者，殆爲之諱耶。）

又同書壹貳肆李正己傳附師古傳（新唐書貳壹陸鎮洸青李正己傳附師古傳同）云：

（貞元）十五年正月師古杜佑李樂妻媵並爲國夫人。

又同書壹叁伍李齊運傳（新唐書壹陸柒李齊運傳同）云：

未決以妾衛氏爲正室，身爲禮部尙書冕服以行其禮，人士嗤訕。

又同書壹捌捌孝友傳李日知傳（新唐書壹陸陸李日知傳同）略云：

（日知）卒後，少子伊衡以妾爲妻，家風替矣。

夫杜氏既號稱舊門（見新唐書柒貳上宰相世系表杜氏條），而君卿所爲乃與胡族武人同科，在當時士論，至少亦有如李伊衡之一以妾爲妻，家風替矣」之歎，若取較山東士族仍保持其閥門禮法者，固區以別矣。然則牧之以進士擢第，浮華放浪，投身牛黨，不獨其本人性質近似使然，亦其家世風習與新興階級符合所致，實可與前述博陵崔損事並論，蓋雖俱稱舊門，仍不妨列之新興階級中也。（可取兩唐書杜佑傳附牧傳與唐薛林柒補遺杜牧少登第恃才喜酒色條附載牧子晦辭亦好色事互相參證，知其家風固習於浮薄，不同山東禮法舊門也。）至於李商隱之出自新興階級，本應始終屬於牛黨，方合當時社會階級之道德，乃忽結婚李黨之王氏，以圖仕進，不僅牛黨目以放利背恩，恐李黨亦鄙其輕薄無操，斯義山所以雖秉負絕代之才，復經出入李牛之黨，而終於錦瑟年華惘然夢覺者歟！此五十載詞人之淒涼身世固極可哀傷，而數百年社會之壓迫氣流尤爲可畏者也。

〔參舊唐書壹玖拾下文苑傳新唐書貳佰叁下李商隱傳〕。

若柳仲郢處牛李二黨之間，則與義山不同，舊唐書壹陸伍柳公綽傳附仲郢傳（新唐書壹陸叁柳公綽傳附仲郢傳同）略云：

（公綽）子仲郢元和十三年進士擢第，牛僧孺鎮江夏，辟爲從事，仲郢有父風，勸修禮法，僧孺歎曰：非積習名教，安能及此！（後李）德裕奏爲京兆尹，謝日書曰：下官不期太尉恩獎及此，仰報厚德，敢不如奇章門館，德裕不以爲嫌。仲郢嚴禮法，重氣義，嘗感李德裕之知，大中朝李氏無祿仕者，仲郢領鹽鐵時，取德裕兄子從質知蘇州院事，令以祿和贖南宅，令狐綯爲宰相，頗不悅，仲郢與綯書自明，綯深感歎，尋與從質正員官。仲郢以禮法自持，私居未嘗不拱手，內齋未嘗不束帶，三爲大鎮，應無名馬，衣不薰香，退公布卷，不捨晝夜。子玘嘗著書誡其子弟。初公綽理家甚嚴，子弟克稟誠訓，言家法者世稱柳氏云。

考柳氏雖是舊門，然非山東冠族七姓之一，公綽仲鄆父子所出亦非柳氏顯著之房望（見新唐書裴瑒上宰相世系表柳氏條），獨家風修整，行誼敦篤，雖以進士調科仕進（公綽舉賢良方正直言極諫科），受牛僧孺之知獎，自可謂之牛黨，然終用舊門及本身之儒素德業，得見諒於尊尚門風家學之山東舊族李德裕，故能置身牛李恩怨之外，致位通顯，較李西隱之見棄於兩黨，進退維谷者，誠相懸遠矣。君子讀史見玉溪生與其東川府主升沈榮悴之所由判，深有感於士之自處，雖外來之世變縱橫紛歧，而內行之修謹盡不可或闕也。

牛李黨派之社會背景及其分野界畫既略闡明，其朝政競爭勝敗進退之史實始易於解釋，前論唐代中央政變皇位繼承不固定之舉跡至德順之間而止，茲續述德順憲間永貞內禪隱秘之內容，但因永貞內禪爲內廷閤寺與外朝士大夫黨派糾結之一顯著事例，而牛李黨派實又起於憲宗元和時之故，此後即取內外朝之黨派與皇位繼承二事合併言之，所以然者，不僅爲紀述便利計，亦因此二事原有內在之關聯性，不得分隔論之也。

關於永貞內禪之隱秘，寅恪已於拙著順宗實錄與續玄怪錄專論之（載北京大學四十周年紀念論文甲編），故茲於順宗實錄避免繁冗，僅錄其條目，而略其原文，別更節寫其他關於此事者於韓書之後，以供參證焉。

韓愈順宗實錄登之

（王）任以（王）叔文意入言於宦者李忠言，稱詔宜下條。

同書參之

叔文欲帶翰林學士，宦者俱文珍等惡其專權，削去翰林之職條。

同書肆之

天下事皆專斷於叔文，而王任李忠言爲之內主，（韋）執誼執行於外，而中官劉光琦俱文珍薛平珍尙解玉者皆先朝任使舊人同心猜怨條。

同書伍之

叔文入至翰林任入至翰林院見李忠言牛昭容條。

新唐書貳佰菊宦者傳上劉貞亮即俱文珍傳（舊唐書壹捌肆宦官傳俱文珍傳同）略云：

貞元末宦人領兵，附益者衆，會順宗立，淹抑弗能朝，惟（宦者）李忠言牛美人侍，美人以帝旨付忠言，忠言授王叔文，叔文與柳宗元等裁定，然後下中書，然未得縱，欲遂奪神策兵以自強，即用范希朝爲京西禁軍都將，收宦者權，而忠言素儒謹，每見叔文，輒論事，無敢異同，唯貞亮乃與之爭，又惡朋黨結，因與中人劉光琦薛文珍尚衡解玉呂如全等同勸帝立廣陵王爲太子監國，帝納其奏。元和八年卒，憲宗思其翊戴之功，贈開府儀同三司（此十五字舊傳之文）。

舊唐書壹伍玖路隨傳（新唐書壹肆貳路隨傳同）略云：

初韓愈撰順宗實錄，說禁中事頗切直，內官惡之，往往於上前言其不實，累朝有詔修改，及國進憲宗實錄，文宗復令改正永貞時事。隨奏曰：伏望條示舊記最錯誤者，宣付史官，委之修定。詔曰：其實錄中所書德宗順宗朝禁中事宜令史官詳正刊去，其他不必更修！

實錄案，憲宗之得立爲帝，實由宦者俱文珍等之力，文珍與其同類李忠言異趣，故內廷文珍之黨競勝，王伾王叔文固不待論，而外廷之士大夫章執誼劉禹錫柳宗元等遂亦不得不退敗矣。韓退之本與文珍有連（見昌黎外集奎送俱文珍序及王鳴盛蛾術編伍柒），其述永貞內禪事，頗祖文珍等，其公允之程度雖有可議，而其紀內廷宦官之非屬一黨及壓迫順宗擁立憲宗之隱秘轉可信賴，惟其如此，後來閹寺深不欲外人窺知，所以腰圍毀滅此禁中政變之史料也。劉禹錫夢得外集玖子劉子自傳述永貞內禪事云：

時太上（順宗）久廢疾，宰臣用事者都不得召對，而宮掖事祕，建桓立順，功歸貴臣。

夢得在當時政治上興退之處於反對地位者（觀昌黎集壹赴江陵途中詩「同官盡才俊，偏善柳與劉，或慮言語洩，傳之徒竊嗤」等語。又參永貞行及憶昨行詩「任文未撤崖州戍，雖得赦宥恆愁猜」之句，可以爲證，其詳不能於此言之也），而所言禁中事亦興退之相同，然則韓劉之述作皆當時俱文珍一黨把持宮掖脅迫病君擁立皇子之實錄，而永貞內禪乃唐代皇位繼承之不固定及內廷閹寺黨派影響於外朝士大夫之顯著事例也。

又舊唐書壹伍玖崔羣傳（新唐書壹陸伍崔羣傳同）云：

羣原議上尊號，皇甫鎛欲加「孝德」二字，羣曰：有「睿聖」，則「孝德」在其中矣。竟爲鎛所排，憲宗不樂，出爲湖南觀察都團練使。

寅恪案，皇甫鎛以新情「孝德」二字拂崔羣，憲宗寔信其語，因之不樂而出羣，據此，憲宗之於其父，似內有慚德也。然則永貞內禪一役必有隱秘不能昌言者，從可知矣。

牛李黨派之爭起於憲宗之世，憲宗爲唐室中興英主，其爲政宗旨在矯正大曆貞元姑息苟安之積習，卽用武力削平藩鎮，重振中央政府之威望，當時主張用兵之士大夫大抵屬於後來所謂李黨，反對用兵之士大夫則多爲李吉甫之政敵，卽後來所謂牛黨，而主持用兵之內廷閹寺一派又與外朝之李黨互相呼應，自不待言，是以元和一朝此主用兵派之閹寺始終柄權，用兵之政策因得以維持不改，及內廷閹寺黨派競爭既烈，憲宗爲別一反對派之閹寺所弑，穆宗因此繼繼道徒黨之擁立而卽帝位，於是「銷兵」之議行，而朝局大變矣。（後來牛李二黨隱維州之異同與此點亦有關，不僅由僧孺之嫉功也。可參考舊唐書壹柒貳新唐書壹柒肆牛僧孺傳及唐文粹五陸李珣撰牛僧孺神道碑杜牧樊川集柒牛僧孺墓誌銘，而通鑑貳肆柒會昌三年三月條司馬光之論及劾三省之注尤可注意也。）

舊唐書壹捌肆宦官傳吐突承璀傳（新唐書貳捌柒宦官者傳上吐突承璀傳同）略云：

吐突承璀幼以黃門直東宮，憲宗卽位，授內常侍，知內侍省事，俄授左軍中尉。（元和）四年王承宗叛，詔以承璀爲河中等道赴鎮州行營兵馬招討等使，諫官上疏相劾，皆言：自古無中貴人爲兵馬統帥者，憲宗不獲已，改爲充鎮州已東招撫處置等使。出師經年無功，承璀班師，仍爲禁軍中尉，段平仲抗疏，極論承璀輕謀弊賦，請斬之以謝天下。憲宗不獲已，降爲軍器使，俄復爲左衛上將軍知內侍省事，出爲淮南節度監軍使，上待承璀之意未已，而宰相李絳在翰林時數論承璀之過，放出之，八年欲召承璀還，乃罷絳相位，承璀復還爲神策中尉。惠昭太子薨，承璀建議請立澄王寬爲太子，憲宗不納，立遂王宥，穆宗卽位，

衡承瓘不依已，誅之。

同書登陸肆李絳傳（新唐書登陸肆李絳傳多采李相國論事集可參讀）云：

吐突承瓘恩寵莫二，是歲（元和六年），將用絳爲宰相，前一日出承瓘爲淮南監軍，翌日降詔，以絳爲中書侍郎同中書門下平章事。同列李吉甫便僻善逢迎上意，絳梗直多所規諫，故與吉甫不協，時議以吉甫通於承瓘，故絳尤惡之。

同書登陸肆李吉甫傳（新唐書登陸肆李吉甫傳附吉甫傳同）云：

劉闢反，帝（憲宗）命誅討之，計未決，吉甫密贊其謀，策請廣徵江淮之師，由三峽路入，以分劉寇之勢，事皆允從，由是其見親信。淮西節度使吳少陽卒，其子元濟請襲父位，吉甫以淮西內地，不同河朔，且四境無黨援，國家常宿數十萬兵以爲守禦，宜因時而取之，頗叶上旨，始爲經度淮西之謀。

新唐書貳佰壹文藝傳上元萬頃傳附義方傳（通鑑貳叁捌元和七年正月辛未條同）云：

歷商號二州刺史福建觀察使，中官吐突承瓘閩人也，義方用其親屬爲右職，李吉甫再當國，陰欲承瓘與助，卽召義方爲京兆尹。（資治案，新唐書及通鑑俱采自李相國論事集。）

資治案，憲宗與吐突承瓘之關係可謂密切矣，故元和朝用兵之政策必爲在內廷神策中尉吐突承瓘所主持，而在外朝贊成用兵之宰相李吉甫其與承瓘有連，殊不足異也。至舊唐書登陸呂渭傳附溫傳（新唐書登陸拾呂渭傳附溫傳同）云：

（元和）三年吉甫爲中官所惡，將出鎮揚州，溫欲乘其有間，傾之。

其所謂中官疑是宦官中之別一黨派，與吐突承瓘處於反對之地位者也。

舊唐書登陸裴李逢吉傳（新唐書登陸肆李逢吉傳同，并參舊唐書登陸貳貳新唐書登陸陸令狐楚傳。）云：

時用兵討淮蔡，憲宗以兵機委裴度，逢吉慮其成功，密沮之，絳是相惡，及度親征，學士令狐楚爲度制辭，言不合旨，楚與逢吉相善，帝皆黜之，罷楚學士，罷逢吉政事。

同書壹柒拾裴度傳（新唐書壹柒叁裴度傳同并參舊唐書壹柒貳新唐書壹佰壹蕭瑀傳附傳舊唐書壹陸捌新唐書壹柒柒錢徽傳等）云：

先是詔羣臣各獻誅吳元濤可否之狀，朝臣多言罷兵赦罪爲便，翰林學士錢徽獻僥倖語尤切，唯度言：賊不可赦。寅格案，元和廷議用兵淮蔡之時，憲宗總持於上，吐突承璀之流主張於內，而外朝士大夫持論雖有異同，然其初未必遽有社會階級之背景存乎其間也，不意與吐突承璀交結贊助用兵出自山東舊門之外廷宰相李吉甫，其個人適爲新興階級之急進派牛僧孺等所痛詆，竟釀成互相報復之行動，夫兩派既勢不並立，自然各就其氣類所近招求同黨，於是兩種不同社會階級爭取政治地位之競爭，遂因此表面形式化矣。及其後鬭爭之程度隨時間之久長逐漸增劇，當日士大夫縱欲置身於局外之中立，亦幾不可能，如牛黨白居易之以消極被容（樂天幸生世較早耳，若升朝更晚，恐亦難倖免也。），柳仲郢之以行館見諒，可謂例外，其餘之人若無固定顯明之表示，如出入牛李未能始終屬於一黨之李商隱，則卒爲兩黨所俱不收，而一名宦不進，坎壈終身。」（舊唐書壹玖拾下文苑傳下李商隱傳語。）此點爲研究唐代中晚之際士大夫身世之最要關鍵，甚不可忽略者也。

舊唐書壹柒陸李宗閔傳（新唐書壹柒肆李宗閔傳同，并參考新唐書壹柒肆牛僧孺傳舊唐書壹陸捌新唐書壹陸玖裴瑒傳舊唐書壹伍捌新唐書壹陸玖韋實之傳舊唐書壹陸肆新唐書壹陸叁楊於陵傳舊唐書壹陸玖新唐書壹柒玖王涯傳舊唐書壹陸憲宗紀下元和三年夏四月條通鑑貳叁柒元和三年四月條等）云：

李宗閔宗室鄭王元懿之後，貞元二十一年進士擢第，元和四年（寅格案，四年當作三年。）復登制舉賢良方正科。初宗閔與牛僧孺同年登進士科，又與僧孺同年登制科，應制之歲李吉甫爲宰相當國，宗閔偕僧孺對策指切時政之失，言甚鯁直，無所迴避，考策官楊於陵韋實之李益等又第其策，爲中等，又爲不中第者注解牛李策語，同爲唱譏，又言：翰林學士王涯錫皇甫湜中選，考覈之際不先上言，裴瑒時爲學士，居中覆視，無所異同，吉甫泣訴於上前，憲宗不獲已，罷王涯裴瑒學士，瑒守戶部侍郎，涯守都官員外郎，楊於陵出爲嶺南節度使，吏部員外郎韋實之出爲果州刺史，王涯再貶虢州司馬，實之再貶巴州刺史，僧孺宗

閔亦久之不得調，隨遷諸侯府，七年吉甫卒，方入朝爲監察御史。

舊唐書韋張仲方傳（新唐書韋武陸張九齡傳附仲方傳同，并參考白氏長慶集陸壹張仲方墓志銘。）略云：張仲方涪州始興人，伯祖文獻公九齡開元朝名相，仲方貞元中進士擢第，宏辭登科，歷侍御史倉部員外郎，會呂溫羊士諤謫告宰相李吉甫陰事，二人俱貶，仲方坐呂溫貢舉門生，出爲金州刺史，（寅恪案，此亦座主門生關係密切之例證），吉甫卒，入爲度支郎中，時太常定吉甫謚爲恭懿，博士尉遲汾請爲愍憲，仲方駁議曰：兵者凶器，不可從我始，師徒暴野，戎馬生郊，餓殍血流，鬻俗成岳，陪葬之痛號訴無寧，勦絕羣生，迄今四載，禍胎之肇實始其謀，請俟蔡寇將平，天下無事，然後都堂聚議，謚亦未遲。憲宗方用兵，惡仲方言其事，怒甚，貶爲遂州司馬。

同書韋武陸張仲方傳（新唐書韋武陸張九齡傳附仲方傳同）略云：

蕭範曾祖太師徐國公嵩開元中宰相，範貞元七年進士擢第，元和六年召充翰林學士，九年改爲郎中，知制誥，內職如故，坐與張仲方讐，仲方駁李吉甫謚議，言用兵徵發之弊由吉甫而生，憲宗怒，範亦能舉士，左授太僕少卿。

同書韋武陸張仲方傳（新唐書韋武陸張九齡傳附仲方傳同）略云：

蕭造閩陵人，開元朝宰相太師徐國公嵩之四代孫（寅恪案，「四」字誤。）。造以咸通五年登進士第，志操不羣，自比李德裕，同年皆戲呼「太尉」。

寅恪案，新興階級黨派之構成，進士調科同門之關係乃一重要之點，前論李絳及楊嗣復事已涉及之，今觀李宗閔傳，益爲明顯。至李吉甫爲人固有可議之處，而牛李抵斥太甚，吉甫亦報復過酷，此所以釀成士大夫黨派競爭數十年不止也。張仲方乃九齡之姪孫，九齡本爲武后所拔擢之進士出身新興階級。據大唐新語裴識拉篇（參考舊唐書何遜李林甫傳新唐書韋武陸張九齡傳通鑑武登肆開元二十四年冬十月條）云：

牛仙客爲涼州都督，節財省費，軍儲所積萬計，玄宗大悅，將拜爲尙書，張九齡諫曰：不可。玄宗怒曰：

卿以仙客寒士嫌之耶？若是，如卿豈有門籍？九齡頓首曰：（臣）荒陬賤類，陛下過聽，以文學用臣，仙客起自胥吏，目不知書，韓偓淮陰一壯士耳，豈與絳灌同列，陛下必用仙客，臣亦恥之。

又國史補上（參考太平廣記查惲薛氏族類）云：

張燕公好求山東婚姻，當時皆惡之，及後與張氏爲親者乃爲甲門。

及新唐書壹玖玖儒學傳中孔若思傳附至傳云：

明氏族學，與韋述蕭穎士柳沖齊名，韻百家類例，以張說等爲「近世新族」，魏去之，說子埴方有寵，怒曰：天下族姓何嫌若事，而妄紛紛邪！埴弟素善至，以實告。初，書成，示韋述，述謂可傳，及聞埴語，懼，欲更增損。述曰：止！丈夫奮筆成一家書，奈何因人動搖，有死，不可改！遂罷。時述及穎士沖皆撰類例，而至書稱工。

可知始興張氏實爲以文學進用之寒族，即孔至之所謂「近世新族」之列，宜乎張說與九齡共通譜牒，密切結合，由二人之氣類本同也。因是，九齡姪孫仲方與山東舊門李吉甫氣類絕不相近，亦成爲反對之黨。若蘭陵蕭氏元是後梁蕭齊之裔，而加入關隴集團，與李唐皇室對於新舊兩階級之爭得處於中立地位者相似，故蕭俛由進士出身，成爲牛氏之黨，而蕭遵隱用進士擢第，轉事李文饒之爲人，乃取以自況也。

元和朝雖號稱中興，然外朝士大夫之黨派既起，內廷閤寺黨派之競爭亦劇，遂至牽涉皇位繼承問題，而憲宗因以被弒矣。

舊唐書壹伍陸王惲傳（新唐書捌貳陸王惲傳同）云：

澄王惲憲宗第二子也，本名寬。吐突承璀恩寵特異，憲昭太子薨，議立儲貳，承璀獨排衆議屬澄王，欲以威權自樹，賴憲宗明斷不惑，及憲宗晏駕承璀賜死，王亦薨於其夕。

同書壹伍玖崔羣傳（新唐書壹陸伍崔羣傳同）云：

元和七年憲昭太子薨，憲宗時爲羣王，憲宗以澄王居長，且多內助，將建儲貳，命羣與澄王作盟表。羣上

言曰：大凡已合當之，則有陳讓之儀，已不合當，因何誤有讓表？今還王嫡長，所宜正位青宮。竟從其奏。同書壹捌肆宣官傳吐突承璀傳（新唐書貳拾柒宣官者傳上吐突承璀傳同）云：

肅宗太子薨，承璀建議請立禮王寬爲太子，憲宗不納，立遂王宥，穆宗卽位，衛承璀不領已，誅之。（前文已引，茲爲論述之便利，特重錄之。）

同書同卷王守澄傳（新唐書貳佰捌宣官者傳下王守澄傳同，並參考舊唐書卷肆新唐書貳貳憲宗紀及舊唐書卷伍玖新唐書肆肆貳韋處厚傳中「不諱內惡」之語。）云：

憲宗疾大漸，內官陳弘慶等弑逆，憲宗英武，威德在人，內官秘之，不敢誅討，但云：樂發暴崩。聽守澄與中尉馬道源梁守謙劉承偕韋元素等定冊立穆宗皇帝。

通鑑貳肆壹元和十五年正月條（參考舊唐書卷貳拾新唐書卷叁柒郭子儀傳附劍傳）云：

初左軍中尉吐突承璀謀立禮王憚爲太子，上（憲宗）不許，及上寢疾，承璀謀尚未息，太子（穆宗）聞而發之，密遣人間計於司農卿郭釗，釗曰：殿下但孝謹以俟之，勿恤其他！釗太子之舅也。

新唐書捌宣宗紀云：

大中十二年二月廢穆宗忌日，停（穆宗）光陵朝拜及守陵宮人。

通鑑貳肆玖大中十二年二月甲子朔條紀此事，胡注云：

以陳弘志弑逆之罪歸繼宗也。

裴廷裕東觀奏記上云：

憲宗皇帝晏駕之夕，上（宣宗）雖幼，頗記其事，追恨光陵商臣之酷，卽位後，誅鉅惡黨無漏網者，郭太后以上英察孝果，且懷慚懼，時居興慶宮，與一二侍兒同升勤政樓，倚衡而望，便欲殞於樓下，欲成上過，左右急持之，卽聞於上，上大怒，其夕太后暴崩，上志也。

通鑑考異大中三年條引（宣宗）實錄，并附按語云：

（大中三年）五月戊寅以太皇太后寢疾，權不聽政，宰臣率百寮同太后起居。己卯復問起居，下遺令。是日太后崩。初上（宣宗）纂位，以憲宗遇弒，頗疑太后在黨中，至是暴得疾崩，帝之志也。六月貶禮院檢討官王俾爲潤州句容令，以俾抗疏請郭后合葬景陵（憲宗陵名）配饗憲宗廟室故也。

（司馬光）按，實錄所言暴崩事，皆出東觀奏記，若實有此事，則既云：「是夕暴崩」，何得一日先下詔云：「以太后寢疾，權不聽政」？若無此事，廷裕豈敢輒誣宣宗？或者，郭后實以病終，而宣宗以平日疑忿之心，欲黜其體，故肆爭之，疑以傳疑，今參取之。

實錄案，元和末年內廷閣寺吐突承璀一派欲以漚王俾繼皇位，王守澄一派欲立漚王弟即後來之穆宗，競爭至劇，吐突承璀之黨失敗，憲宗遇弒，穆宗因得王守澄黨之擁戴而繼位矣。至郭后乃穆宗之母，其預知弒逆之謀，似甚可能，司馬君實所論雖不失史家審慎忠厚之旨，但參取兩端，頗近模稜，難以信從，蓋幾廷裕比穆宗於商臣，若非確有所據，必不敢爲此誣妄之說也。竊意郭后之暴崩僞果出於宣宗之志，則崩前一日何不可預作伏筆？或者，即固有前日寢疾之語，遂促成次日暴崩之事乎？總之，宮掖事秘，雖不宜遽斷，然皇位繼承之固定及閣寺黨派之競爭二端，與此唐室中興其主憲宗之結局有關，則無可疑也。（續修前定錄李生傳亦記載安太后爲宣宗幽崩事，又日本僧圓仁入唐求法記錄所載郭太后被藥殺事，則年月名號俱有謬誤也。）

復次，內廷閣寺中吐突承璀之黨即主張用兵之黨既失敗，其反對黨得勝，擁立穆宗，故外朝宰相即此反對黨之附屬品，自然亦不主張用兵，而「銷兵」之議遂成長慶一朝之國策矣。

舊唐書陸贄傳云：

長慶元年二月乙酉天平軍節度使馬總奏：當道見管軍士三萬三千五百人，從去年正月已後，情願居農者放，逃亡者不捕。先是平定河南，及王承元去鎮州，宰臣蕭悅等不顧遠圖，乃獻「銷兵」之議，請密詔天下軍鎮，每年限百人內八人逃死，放總有是奏。

同書登州貳蕭悅傳（新唐書蕭悅傳附悅傳略同）云：

穆宗乘章武（憲宗）恢復之餘，即位之始兩河靜定，四鄰無虞，而僥與段文舉獻太平之策，以爲兵以靜亂，時已治矣，不宜黜武，勸穆宗休兵偃武，又以兵不可頓去，請密詔天下軍鎮有兵處每年百人之中限八人逃死，謂之「消兵」，帝既荒縱，不能深料，遂詔天下，如其策而行之，而藩鎮之卒合而爲盜，伏於山林，明年朱克融王廷湊復亂河朔，一呼而遺卒皆至，朝廷方徵兵諸藩，籍既不充，祇行招募，烏合之徒動軍賊敗，由此復失河朔，蓋「消兵」之失也。

宿恪案，「銷兵」之數每年僅限百分之八，且歷時甚短，其所以發生如是之大影響者，蓋當時河朔爲胡化區域，其兵卒皆善戰之人，既被裁遣，合而爲盜，遂爲朱克融王廷湊所利用，而中央政府徵募之人自然不能與河朔健兒爲敵也。

又舊唐書登陸陸元稹傳（新唐書登陸陸元稹傳略同）云：

荆南監軍崔潭峻甚禮接稹，不以掾吏遇之，常徵其詩什誦誦之。長慶初潭峻歸朝，出稹連昌宮詞等百餘篇奏御，穆宗大悅。

新唐書李訓傳（參考新唐書貳佰捌官者傳下王守澄傳）云：

宦人陳弘志時監裏陽軍，訓啓帝（文宗）召還，至青泥驛，遣使者杖殺之，復以計白罷（王）守澄觀軍容使，賜燔死。又逐西川監軍楊承和淮南韋元素河東王踐言於畿外，已行，皆賜死，而崔潭峻前物故，詔剖棺鞭尸，元和逆黨幾盡。

據新唐書李訓傳明言崔潭峻爲元和逆黨，但憲宗於元和十五年正月二十七日被弑，則舊唐書元稹傳「長慶初潭峻歸朝」之語微有未妥，故新唐書元稹傳改作「長慶初潭峻方親幸」也。夫潭峻既爲擁立穆宗之元和逆黨中人，其主張「銷兵」自不待言，於是知元才子連昌宮詞全篇主旨所在之結句「努力廟謨休用兵」一語，實關涉當時政局國策，世之治史讀詩者幸勿等閒放過也。（參考民國二十二年六月清華學報拙著讀連昌宮詞質疑。又宣宗王踐言爲元和逆黨之一，而文宗大和九年八月丙申詔書以李德裕與之連結者，蓋譏言會黃送還吐蕃悉怛謀之

非計，與德裕主張相合，李訓鄭注遂藉之以爲說耳。詳見新唐書壹柒肆李宗閔傳舊唐書壹柒肆新唐書壹捌拾李德裕傳等，茲不能悉論也。）

新唐書捌敬宗紀（參考舊唐書壹柒上敬宗紀）略云：

敬宗諱湛，穆宗長子也，始封鄂王，徙封景王。長慶二年穆宗因擊毬暴得疾，不見羣臣者三日，左僕射裴度三上疏請立皇太子，而翰林學士兩省官相次皆以爲言，穆宗疾少間，宰相李逢吉請立景王爲皇太子，（癸巳詔以景王爲皇太子）。四年正月穆宗崩，丙子皇太子卽皇帝位。

舊唐書壹柒李紳傳（新唐書壹捌李紳傳同）略云：

王守澄每從容謂敬宗曰：陛下登九五，（李）逢吉之助也，先朝初定儲貳，唯臣備知，時翰林學士李紳杜元穎勸立深王，而逢吉固請立陛下，李紳之李虞繼獻章疏。帝雖冲年，亦疑其事，會逢吉言：李紳在內署時，嘗不利於陛下，請行貶逐。帝初卽位，方倚大臣，不能自執，乃貶紳端州司馬。會禁中尋檢舊事，得穆宗時封書一篋，發之，得裴度杜元穎與紳三人所獻疏，請立敬宗爲太子，帝感悟興歎，悉命焚逢吉黨所上謗書，由是讒言稍息，紳黨得保全。

李德裕黨劉軻牛羊日曆云：

穆宗不豫，宰臣議立敬宗爲皇太子，時牛僧孺獨懷異志，欲立諸子，僧孺乃昌言於朝曰：端守謙王守澄將不利於上。又使楊虞卿演公贊言於外曰：王守澄欲謀廢立。又於街衢門牆上施榜，每於穆宗行幸處路傍或苑內草間削白而書之，冀謀大亂，其兇險如此。

賓客案，敬宗爲穆宗長子，故外朝諸臣請立爲皇儲，又值穆宗初卽位，元和逆黨方盛之時，其黨魁王守澄既贊成其事，而穆宗不久卽崩，其皇位繼承權所以幸未動搖也。然觀外廷士大夫如李逢吉劉軻之流俱藉皇儲問題互疑其政敵，并牽涉禁中閹寺黨魁，則唐代皇位繼承之不固定及內廷閹寺黨派與外朝士大夫黨派互相關繫，於此

復得一例證矣。

舊唐書卷上敬宗紀（新唐書刪敬宗紀同）云：

寶曆二年十二月辛丑帝夜獵還宮，與中官劉克明出務成（成通鑑作澄）許文端打毬，軍將蘇佐明王嘉憲石定克等二十八人飲酒，帝方酣，入室更衣，殿上燭忽滅，劉克明等同謀害帝，即時殂於室內。

新唐書刪文宗紀（舊唐書卷上敬宗紀同）云：

文宗諱昂（初名涵），穆宗第二子也，始封江王。寶曆二年十二月敬宗崩，劉克明等矯詔，以絳王悟勾當軍國事。壬寅內樞密使王守澄楊承和神策護軍中尉魏從簡梁守謙奉江王而立之，率神策六軍飛龍兵誅克明，殺絳王。

舊唐書卷伍玖韋處厚傳（新唐書卷伍玖韋處厚傳同）云：

寶曆季年急變中起，文宗底綏內難，詔命將降，未有所定，處厚聞難奔赴，昌言曰：春秋之法，大義滅親，內惡必害，以明逆順，正名討罪，於義何嫌？安可依違，有所避諱？遂奉藩教行焉。

通鑑貳肆卷寶曆二年十二月條云：

（宦官）劉克明等矯稱上（敬宗）旨，命翰林學士路隋草遺制，以絳王悟權勾當軍國事。壬寅宣遺制，絳王見宰相百官於紫宸殿外廡。克明欲易置內侍之執權者，於是樞密使王守澄楊承和中尉魏從簡梁守謙定議，以衛兵迎江王涵入宮，發左右神策飛龍兵進討賊黨，盡斬之，克明赴井，出而斬之，絳王爲亂兵所害。

實格案，憲宗爲宦官所弑，閹人以其爲英武之主，威望在人，若發表實情，恐外間反對者藉此聲討其族類，故諱莫如深，前論順宗實錄事引舊唐書路隋傳，可以爲證，及敬宗又爲宦官所弑，當時閹人初亦應有所顧慮，然其所以卒從韋處厚之說，公開宣布者，則由敬宗乃童昏之君，不得比數於憲宗，遂以爲無足諱言也。至敬宗及絳王悟之被弑害，與夫文宗之得繼帝位，均是內廷閹寺劉克明黨與王守澄黨競爭下之附屬犧牲品及傀儡子耳，亦可憐哉！斯又唐代皇位繼承不固定與閹寺黨爭關係之一例證也。

文宗一朝爲牛李黨人參雜並進競爭紛割之時期，故舊唐書卷四十四李宗閔傳（新唐書卷四十四李宗閔傳同）云：

文宗以二李（資格案，「二李」即宗閔及德裕也，宗閔代養牛黨。）朋黨，繩之不能去，嘗謂侍臣曰：「去河北賊非難，去此朋黨實難。」

夫唐代河朔藩鎮有長久之民族社會文化背景，是以去之不易，而牛李黨之政治社會文化背景尤長久於河朔藩鎮，且此兩黨所連結之宮禁閹寺其社會文化背景之外更有種族問題，故文宗欲去士大夫之黨誠甚難，而欲去內廷閹寺之黨則尤難，所以卒受「甘露之禍」也。況士大夫之黨乃閹寺黨之附屬品，閹寺既不能去，士大夫之黨又何能去耶？及至唐之末世，士大夫階級統一戰線，與閹寺全體敵抗，乃假借別一社會階級即黃巢餘黨朱全忠之武力，終能除去閹寺之黨，但士大夫階級本身旋罹摧殘之酷，唐之皇室亦隨以覆亡，其間是非成敗詳悉之史實雖於此不欲置論，而士大夫階級與閹寺階級自文宗以後，在政治上盛衰分合互相關涉之要點，則不得不述其概略也。

就牛李黨人在唐代政治史之進退歷程言之，兩黨雖俱有悠久之歷史社會背景，但其表面形式化則在憲宗之世，此後紛亂鬭爭，愈久愈烈，至文宗朝爲兩黨參錯並進，競逐最劇之時，武宗朝爲李黨全盛時期，宣宗朝爲牛黨全盛時期，宣宗以後士大夫朋黨似已漸次消泯，無復前此兩黨對立，生死搏鬥之跡象，此讀史者所習知也。然試一求問此兩黨競爭之歷程何以呈如是之情形者，則自來史家鮮有解答，鄙意外朝士大夫朋黨之動態即內廷閹寺黨派之反影，內廷閹寺爲主動，外朝士大夫爲被動，閹寺爲兩派同時並進，或某一時甲派進而乙派退，或某一時乙派進而甲派退，迨至後來內廷之閹寺「合爲一片」（此唐宣宗語，見下文所引。）全體對外之時，則內廷閹寺與外廷士大夫成爲生死不兩立之仇敵集團，終於事勢既窮，乞援外力，遂同受別一武裝社會階級之宰割矣。茲略引舊史，稍附論釋，藉以闡明唐代內廷閹寺與外朝士大夫黨派間聯變遷之歷程於下，或可少補前人之所未備者歟？

舊唐書李訓傳（新唐書李訓傳同）略云：

文宗以宦者權寵太過，繼爲禍胎，元和末弒逆之徒尙在左右，雖外示優假，心不堪之，思欲芟落本根，以雪離恥，九重深處，雖與相將言，前與侍講宋申錫謀，謀之不臧，幾成反噬，（資治通鑑）事見舊唐書韋諷、李德裕傳，九重深處，雖與相將言，前與侍講宋申錫謀，謀之不臧，幾成反噬，（資治通鑑）事見舊唐書韋諷、李德裕傳，

同書同卷鄭注傳○新唐書韋渠玖鄭注傳同○略云：

是時（李）訓（鄭）注之橫行於天下，既得行其志，生平惡讎絲毫必報，因楊廣卿之獄挾忌李宗閱李德裕，心所惡者，目爲二人之黨，朝士相繼，班行爲之一空。（寅恪案，此事可參考後唐書壹柒下文宗紀下大和九年八月九月有關諸條，及同書壹柒肆李德裕傳壹柒陸李宗閱傳新唐書壹柒肆李宗閱傳壹捌拾李德裕傳等。）注自言有金丹之術，可去羸弱重隄之疾，始李愬自云得效，乃移之（王）守澄，亦神其事，繇是中官視注皆憐之，卒以是售其狂謀，而守澄自貽其禍。

同書彙編罪官傳王守澄傳（新唐書貳佰捌宣著傳下王守澄傳同）略云：

時仇士良有壘上之功，爲守澄所抑，位未通顯，（李）訓奏用士良分守澄之權，乃以士良爲左軍中尉，守澄不悅，兩相矛盾，訓因其惡，大和九年帝（文宗）令內養李好古賀煥賜守澄，祕而不發，守澄死，仍贈揚州大都督，其弟守涓爲徐州監軍，召還，至中牟，誅之。守澄縱養訓（鄭）注，反罹其禍，人皆快其受報，而惡訓注之陰狡。

新唐書登第李宗閔傳（舊唐書登第陸李宗閔傳略同）略云：

（李）訓（鄭）注勅宗國異時陰結駙都尉沈煥內人朱若憲官者韋元素王踐言等求宰相，而踐言監軍劍南。

受（李）德裕賂，復與宗閔家私，乃貶宗閔湖州司戶參軍事，竊逐柳州，元素等悉流嶺南，親信並斥。時訓注欲以權市天下，凡不附己者，皆指以二人黨逐去之，人人駭栗，帝乃詔宗閔德裕姻家門生故吏自今一切不問。

通鑑貳肆伍大和九年六月條（參考新唐書貳佰捌官者傳下王守澄傳）云：

神策左軍中尉韋元素權密使楊承和王踐育居中用事，與王守澄爭權不叶，李訓鄭注因之，出承和於西川，元素於淮南，踐育於河東，皆爲監軍。

寅恪案，李訓鄭注所以能異於宋申錫，幾成掃除閹寺之全功者，實在利用閹寺中自分黨派，如王守澄與仇士良韋元素等之例是也。又當時牛李黨人各有其鈎結之中官，訓注之進用本皆由於閹寺，故能悉其隱秘，遂欲同時一舉將閹寺及士大夫諸黨派俱排斥而盡去之也。當日閹寺之黨派既是同時並進，互相爭鬭，達於劇烈之高點，故士大夫之黨派各承其反影，亦復如之，斯爲文宗一朝政治上最要之關鍵，前人論此，似少涉及者，特爲標出之如此。

新唐書韋瑱李訓傳（舊唐書韋陸玖李訓傳同）略云：

（訓）出（鄭）注，使鎮鳳翔，外爲助援，擢所厚善，分總兵柄，於是王璠爲太原節度使，郭行餘爲邠寧節度使，羅立言權京兆尹，韓納金吾將軍，李孝本御史中丞，陰許璠行餘多募士，及金吾臺府卒劫以爲用。（大和九年）十一月壬戌（二十一日）帝（文宗）御紫宸殿，約奏：甘露降金吾左仗樹。（帝）筆如含元殿，詔宰相羣臣往視，還，訓奏：非甘露。帝顧中尉仇士良魚弘志等驗之，因欲閉止諸宦人，使無進者。時璠行餘皆辭赴鎮，兵列丹鳳門外，訓傳呼曰：兩鎮軍入受詔旨！聞者趨入，邪軍不至。宦人至仗所，會風動簾幕，見執兵者，士良等驚走出，閹者將闔扉，爲宦侍叱爭，不及閉。訓急，連呼金吾兵曰：衛乘輿者，人賜錢百千！於是有隨訓入者。宦人曰：事急矣！即扶輦，決果樹下殿趨，訓攀輦曰：陛下不可去！士良曰：李訓反。帝曰：訓不反。士良手搏訓而墮，訓壓之，將引刀誅中，敕至，士良免。立言孝

本領衆四百東西來上殿，與金吾士縱擊，宦官死數十人。訓持釐愈急，至宣政門，宦人郝志榮搃訓，仆之，墮入東上閣門，卽閉，宮中呼萬歲。會士良遣神策副使劉泰倫陳君奕等率衛人五百挺兵出，所值輒殺，殺諸司吏六七百人，復分兵屯諸宮門，捕訓黨千餘人，斬四方節，流血成渠。

贊曰：李德裕嘗言：天下有常勢，北軍是也。訓因王守澄以進，此時出入北軍，若以上意說諸將，易如驅風，而反以廢府抱關游徼抗中人，以搏精兵，其死宜哉！文宗嘗稱訓天下奇才。德裕曰：訓曾不得齒徒隸，尙何才之云？世以德裕言爲然。〔宣格案，李德裕語見其所著窮愁志奇才論。〕

宣格案，此甘露事變之一幕悲劇也。當時中央政權寄託於皇帝之一身，發號施令必用其名義，故政權之爭，其成敗關鍵在能否劫持皇帝一人而判定。夫皇帝之身既在北軍宦官掌握之內，若不以南衙臺府抱關游徼敵抗神策禁旅，則當日長安城中，將用何等兵卒與之角運乎？此甘露變後所以僅餘以藩鎮武力對抗閹寺北軍之唯一途徑，是卽崔澹郎之所取用而奏效，但爲當世及後世所詬病者也。至謂「以上意說北軍諸將，易如靡風，」則天下事談何容易，在大和之前卽永貞之時王叔文嘗謀廢閹寺兵柄，舉用范希朝韓泰，卒無所成，〔事見韓愈順宗實錄伍及舊唐書憲法伍新唐書壹陸捌王叔文傳。〕況文宗朝宦官盤踞把持之牢固更有甚於順宗時者乎？而韓退之永貞行〔昌黎集卷〕所云：

君不見太皇〔順宗〕諒陰未出令。小人乘時儉國柄。北軍百萬虎與貔。天子自將非他師。〔宣格案，神策軍實宦官所將耳，非天子自將也，退之此語無乃欺人之甚耶？〕一朝奪印付私黨。懷懷朝士何能爲？

不過俱文珍私黨之譁詞，非公允之論也，然則李訓實爲「天下奇才」，文宗之語殊非過譽，較當日外朝士大夫牛李黨人之甘心作閹寺附屬品者，固有不同矣。李文饒挾私嫌，其言不足信，後之史家何可據之，而以成敗論人也。

通鑑紀貳肆伍大和九年十一月壬戌卽二十一日甘露事變，其結論有云：

自是天下事皆決於北司，宰相行文書而已。

誠道其實也。至文宗變爲閹寺所廢，如皮光業見開錄之所言者，（見通鑑考異大和九年十一月條及唐語林羣芳正類，新唐書貳佰柒宦者傳下仇士良傳末。）固有未謬，已爲司馬君實所指出，但自此以後，唐代皇位之繼承完全決於宦官之手，而外朝宰相惟有服從一點，若取下列史料證之，則更無可疑也。

唐語林羣芳補遺云：

宣宗崩，內官定策立懿宗，入中書商議，命宰相署狀，宰相將有不同者。夏侯孜曰：「三十年前外大臣得與禁中事，三十年以來外大臣固不得知，但是李氏子孫，內大臣定，外大臣即北面事之，安有是非之說？」

又新唐書齊劉武季莊傳云：

始莊恪太子薨，帝（文宗）屬意陳王（成美），已而武宗即位，人皆爲危之。莊曰：「臣下知事所言，安與禁中事？」

蓋甘露事載在文宗大和九年，即西曆八三五年，宣宗崩於大中十三年，即西曆八五八年，夏侯孜所謂三十年者，乃約略舉成數言之。又李莊之事與夏侯孜不同，其語之意旨亦異，然可據以證知自開成後所謂「建桓立順，功歸貴臣，」（劉夢得詩見前引），而外朝宰相固絕難與聞也。

舊唐書齊劉武宗紀（參舊唐書齊劉武宗陳王成美傳）云：

（大和）六年十月庚子詔：魯王永宜冊爲皇太子。

（開成）三年九月壬戌上（文宗）以皇太子慢遊敗度，欲廢之，中丞狄兼謨垂涕切諫，是夜移太子於少陽院，殺太子宮人左右數十人，十月庚子皇太子薨於少陽院，諡莊恪。

（開成）四年十月丙寅制：以敬宗第六男成美爲皇太子。

（開成）五年春正月戊寅朔上不康，不受朝賀。己卯詔立親弟穎王漣爲皇太弟，權勾當國軍事，皇太子復爲陳王。辛卯上崩於大明宮之太和殿。

同書齊劉上武宗紀（新唐書齊劉武宗紀同，并參考舊唐書齊劉武宗陳王成美傳。）略云：

武宗諱炎，憲宗第五子，本名瀼。文宗以敬宗子陳王成美爲皇太子。（開成）五年正月二日文宗暴疾，宰相李珣知樞密劉弘逸奉密旨：以皇太子監國。兩軍中尉仇士良魚弘志矯詔迎頴王於十六宅，立爲皇太弟。四日文宗崩，皇太弟卽皇帝位。陳王成美安王溶死於邸第。初，楊賢妃有寵於文宗，而莊恪太子母王妃失寵怨望，爲楊妃所譖，王妃死，太子廢。及開成末年，帝多疾，無嗣，賢妃請以安王溶嗣，帝謀於宰相李珣，珣非之，乃立陳王。至是，仇士良欲歸功於己，乃發安王舊事，故二王與賢妃皆死。以開府右軍中尉仇士良封楚國公，左軍中尉魚弘志爲韓國公。

新唐書刪武莊恪太子永傳（舊唐書遺逸莊恪太子永傳同）略云：

（大和）六年立爲皇太子，母（王德妃）愛弛，楊賢妃方幸，數譖之，帝（文宗）寢怒，羣臣進章論救，（帝）意少釋，然太子終不能自白其說，是年（開成三年）暴薨。（資治通鑑，日本僧圓仁入唐求法記亦有殺皇太子之記述，可供參考。）

通鑑武莊陸會昌元年三月條（參新唐書宣宗傳）仇士良傳云：

初知樞密劉弘逸等季稜有寵於文宗，仇士良惡之，上（武宗）之立非二人及宰相意，故楊嗣復出爲湖南觀察使，李程出爲桂管觀察使，士良屢譖弘逸等於上，漸上誅之，乙未賜弘逸季稜死。

張固幽閉鼓吹云：

李德裕在維揚，監軍楊欽義迫人，必爲權近，而德裕致禮皆不越尋常，欽義心銜之，一日邀中堂飲，更無餘賓，而陳設寶器圖書數牀皆殊絕，一席賦率亦竭情禮，宴罷，皆以贈之，欽義大喜過望，行至汴州，有詔令監淮南軍，欽義至，卽具前時所獲歸之，朱崖（德裕）曰：此無所直，奈何相拒？悉卻與之，欽義感悅數倍，後竟作樞密使，武皇一朝之柄用皆欽義所致也。

通鑑武莊陸開成五年九月紀李德裕入相事，卽採用張固，胡注云：

史言：李德裕亦不免由宦官以入相。

資格案，上引文宗武宗兩朝間史料亦皆唐代皇位繼承不固定及一時期宮掖閣寺黨派競爭決定後，李氏子孫充傀儡，供犧牲，而士大夫黨派作閣寺黨派之附屬品，隨其勝敗，以爲進退之明顯例證也。又幽閒鼓吹載李德裕入相，實由楊欽義，鄙憲小說家記衛公事多諛詞，究其可信與否，未敢確定，即使可信，亦非贊皇入相之主因。據通鑑貳肆玖會昌三年五月壬寅以翰林學士承旨崔鉉爲中書侍郎同平章事條云：

上〔武宗〕夜召學士韋琬，以鉉名授之，令草制，宰相樞密皆不之知。時樞密使劉行深楊欽義皆惡憲，不敢預事，老宦者尤之曰：此由劉楊罷怯，墮敗舊風故也。

是楊欽義以惡憲著聞，不敢依慣例以干預命相，則文德之入相似非全由欽義之力，可以推知。其時宦官劉弘逸一派與牛黨之宰相李勣等翊戴皇太子成美，既遭失敗，則得勝之閣寺仇士良魚弘志一派自必排去牛黨之宰相，而以其有連之李黨代之，楊欽義殆屬於仇士良派者，此德裕入相之主因也。然則宮掖閣寺競爭之勝敗影響於外朝士大夫之進退，於此益得證明而無疑矣。

新唐書捌宣宗紀略云：

宣宗諱忱，憲宗第十三子也，始封光王，本名怡。會昌六年武宗疾大漸，左神策護軍中尉馬元贇立光王爲皇太叔。三月甲子卽皇帝位。四月乙亥始聽政。丙子李德裕罷。五月乙巳翰林學士承旨兵部侍郎白敏中同中書門下平章事。

通鑑貳肆捌會昌六年三月條云：

上〔武宗〕疾篤，旬日不能言，諸宦者密於禁中定策。辛酉下詔，稱皇子沖幼，須選賢德，光王怡可立爲皇太叔，更名忱，一應軍國大事令權勾當。甲子上崩，丁卯宣宗卽位。

胡注：

以武宗之英邁，李德裕之得君，而不能定後嗣，卒制命於宦豎，北司掌兵，且專宮禁之權也。

資格案，會昌季年內廷閣寺黨派競爭之史實無從詳知，但就武宗諸子不得繼位之事推之，必是翊戴武宗卽與李

黨有連之一派失敗，則可決言。於是宣宗遂以皇太叔之名義嗣其姪之帝位，而唐代皇位繼承之不固定，觀此益可知矣。胡氏之語甚論，自會昌六年三月宦官馬元贇等於宮中決策後，外朝李黨全盛之局因以告終，相位政權自然轉入其敵黨牛黨之手也。

由憲宗朝至文宗朝，牛李爭鬪雖劇，而互有進退，武宗朝爲始終李黨當國時期，宣宗朝宰相則屬於牛黨，但宣宗以後不復聞劇烈之黨爭。究其所以然之故，自來未有言之者，若依實格前所論證，外朝士大夫黨派乃內廷閹寺黨派之應聲蟲，或附屬品，僞閹寺起族類之自覺，其間不發生甚劇之黨爭，而能團結一致以對外者，則與外朝諸臣無分別連結之必要，而士大夫之黨既失其各別之內助，其競爭遂亦不得不終歸消歇也。茲略舉一二例，以爲證明。

唐語林武政事類下（參新唐書陸贄章貢之傳附澳傳）云：

宣宗暇日召翰林學士韋澳入。上曰：要與卿款曲，少間出外，但言論詩！上乃出詩一篇。有小黃門置茶牀訖，兩屏之。乃問：朕於敕使如何？澳曰：咸制前朝無比。上閉目搖手曰：總未。依前怕他。在卿如何？計將安出？澳既不爲之備，率意對曰：謀之於外廷，即恐有大和事，（實格案，大和事指甘露事變。）不若就其中揀拔有才者，委以計事。上曰：此乃末策，朕行之，初擢其小者，至黃，至綠，至緋，皆感恩，若紫衣掛身，即合爲一片矣。澳慚汗而退。

北夢瑣言伍令狐公密狀條云：

唐大和中閹官悉橫，因甘露事王涯等皆罹其禍，竟未昭雪。宣宗即位，深抑其權，末年嘗授管於宰相令狐公（構），欲盡誅之，（構）慮其冤，乃密奏賜子曰：「但有罪莫舍，有闕莫填，自然無遺類矣。」後爲宦者所見，於是前（衙）北（司）益相水火，洎昭宗末崔侍中（胤）得行其志，然而玉石俱焚也。

實格案，韋澳意欲利用閹人，以制閹人，即李訓鄭注之故技，在文宗大和之世用之雖不能成全功，然其初頗亦收效者，以當時閹寺中王守澄與仇士良之徒尙分黨派，未「合爲一片」，故可資利用也。迨其起族類之自覺，

團結一致，以抗外敵，如唐語林北夢瑣言所載大中時事，則離間之術不能復施，此宣宗以後宮禁閑寺一致對外之新形勢，不獨在內廷無派別，亦使在外月無黨爭，統制中央全局，不可動搖分裂，故激成崔胤借助藩鎮外來兵力，盡取此輩族類而殲滅之也。

又讀史者或見僖宗時宦官田令孜惡其同類楊復恭復光兄弟事，因以致疑於宣宗以後閑寺「合爲一片」之說者，如舊唐書僖宗下傳宗紀所言：

（中和）三年六月甲子楊復光卒於河中，其部下忠武八都都頭鹿晏弘晉暉王建韓建等各以其衆散去。時復光兄復恭知內樞密，田令孜以復光立破賊勅，憚而惡之，故賊平賞薄，及聞復光死，甚悅，復贖復恭，罷樞密爲飛龍使。

是也。但檢同書同卷中和三年五月王鐸罷行營都統條云：

時中尉田令孜用事，自負帷幄之功，以鐸用兵無功，而由楊復光建議召沙陀，成破賊之効，欲權歸北司，乃黜鐸而悅復光也。

然則田令孜雖與楊復恭復光兄弟不相得，對於外朝士大夫則仍能自相團結，一致敵視。蓋當時閑寺南衙北司之界限卽階級族類之意識甚爲堅強明顯，不欲連結外朝士大夫自相攻擊，因亦無從造成士大夫之黨派，如以前牛李兩黨者也。

新唐書僖宗紀（參考通鑑）肆玖大中十三年六月條通鑑考異咸通二年二月條，及容齋隨筆錄事堂條。（略云：僖宗諱漼，宣宗長子也，始封懷王。宣宗愛愛王漼，欲立爲皇太子，而憚王長，故久不決。大中十三年八月宣宗疾大漸，以漼王漼屬內樞密使王鐸，長馬公儒宜徽南院使王居方等，而左神策驍軍中尉王宗實副使丁元實攝詔立懷王爲皇太子。癸巳卽皇帝位。王宗實殺王鐸長馬公儒王居方。

通鑑貳伍拾咸通二年二月條云：

是時士大夫深疾宦官，事小有相涉，則衆共棄之。建州進士葉京嘗預宣武軍宴，觀監軍之面，既而及第，

在長安與同年出遊，遇之於途，馬上相揖，因之謗議喧然，遂沈廢終身，其不相悅如此。「實格案，昌黎外集奎有送汴州監軍俱文珍序并詩，備極諂諛之詞。夫文珍亦宣武軍監軍也，而退之與葉京之遭遇乃迥不相似，據是可知貞元及咸通時，士大夫與閹寺關係之異同矣。」

依新紀所載，似宣宗末年內廷閹寺仍有黨派競爭者，然考唐代閹寺中神策軍中尉掌握兵柄，其權最大，宣宗幸於所愛，雖明知彼輩已「合爲一片」，而其末年仍仿文宗之舊事，勉強試一利用并無實力之樞密使等，使與執持兵柄之神策中尉對抗，實計出無聊，故終於同一無成。而王歸長與王宗實二派因實力大相懸殊之故，其競爭必無足道，讀史者幸勿誤會以此個別之例外，疑及全體之通則也。且其時閹寺已起族類之自覺，一致對外，與文宗時不同，是以無須亦不欲連結外朝士大夫，以興黨爭，蓋非復宣宗以前由內廷黨派勝敗，而致外朝黨派進退之先例矣。至於唐代帝位繼承之不固定，茲又得一例證，自無待言。觀通鑑咸通二年所紀葉京事，可知宣宗末載懿宗初年士大夫亦仿閹寺「合爲一片」，與相對敵，後來崔胤以士大夫代表之資格，盡誅宦官，蓋非一朝一夕之所致也。

通鑑貳伍貳咸通十四年七月戊寅條（參考舊唐書章宗下新唐書致僖宗紀）略云：

上（懿宗）疾大漸，左軍中尉劉行深右軍中尉韓文約立少子普王儼爲皇太子，權勾當軍國政事。辛巳上崩於咸寧殿，僖宗即位。八月劉行深韓文約皆封國公。

同條考異曰：

范質五代史通鑑梁李振謂陝州護軍韓範曰：懿宗初升遐，韓中尉殺長立少，以利其權，遂亂天下。今將軍復欲爾耶？韓範即文約孫也。按，懿宗八子，僖宗第五，餘子新舊書不載長幼，又不言所終，不知所殺者果何王也。

據此，唐代內廷閹寺決定帝位繼承之經過及李氏子孫作傀儡犧牲之悲劇，史乘殊多闕漏，要爲與前此相似，乃一種公式化之行跡，其概況亦可推知也。

舊唐書貳拾上昭宗紀（參考新唐書拾昭宗紀通鑑貳伍德文德元年三月條）略云：

昭宗諱晔，懿宗第七子，封壽王。文德元年二月僭示暴不豫，及大漸之夕，而未知所立，羣臣以百王最賢，又在壽王之上，將立之，唯軍容楊復恭請以壽王監國。三月六日立爲皇太弟。八日卽位。

同書壹捌肆宦官傳楊復恭傳（新唐書貳佰捌宦官者傳下楊復恭傳同）略云：

李茂貞收興元，進復恭前後與（楊）守亮私書六十紙，詳致仕之白云：吾於荆榛中援立壽王，有如此負心門生天子，既得尊位，乃廢定策國老。

賓客案，唐代科舉制度，門生爲座主所獎拔，故最感恩，兩者之間情誼既深，團結自固，牛黨之所以終競勝李黨者，亦與此點有關，楊復恭門生天子之喻乃宦官受士大夫積習之傳染，雖擬譬稍有不倫，然止就宦官專決皇位繼承一事言之，則其語實與當時政治之情狀符合也。

新唐書拾昭宗紀（舊唐書貳拾上昭宗紀同）云：

光化三年十一月己丑神策軍中尉劉季述王仲先內樞密使王彥範薛齊偓作亂，皇帝居於少陽院。辛卯季述以皇太子裕爲皇帝。

天復元年正月乙酉左神策軍將孫德昭董彥弼周承誨以兵討亂，皇帝復於位，劉季述薛齊偓伏誅，降封皇太子裕爲德王。

同書捌貳德王裕傳（舊唐書壹柒伍德王裕傳同）略云：

德王裕昭宗長子也，大順二年六月二十八日封，韓建殺諸王，因請裕爲皇太子。劉季述等幽帝（昭宗）東內，奉裕卽皇帝位，季述誅，詔還少陽院，復爲王。

舊唐書壹柒伍憲宗以下諸子傳論云：

自天寶已降，內官握禁旅，中閤籌謀皆出其心，故手纔攬於萬機，目已睨於六宅。（賓客案，諸王居於十六宅。）

寅恪案，唐代皇帝廢立之權既歸閹寺，皇帝居宮中亦是廣義之模範監獄罪囚，劉季述等之廢立不過執行故事之擴大化及表面化耳。唐代皇位繼承之不固定，此役乃三百年間最後之結局，蓋哀帝（僖）之立及其遜位一段經過，則屬於朱全忠創業之裝飾物及犧牲品（詳見舊唐書貳拾下哀帝紀，新唐書拾昭宣光烈孝皇帝紀。）不足特爲論述也。

舊唐書僖宗傳楊復恭傳末（參考新唐書貳佰捌宦者傳下韓全誨張彥弘傳，舊唐書貳拾上新唐書拾昭宗紀。）略云：

是月（光化三年正月），（朱）全忠迎駕長安，詔以崔胤爲宰相兼判六軍諸衛。胤奏曰：高祖太宗時無內官典軍旅，自天寶已後，宦官浸盛，貞元元和分羽林衛爲左右神策軍，使衛從，令宦官主之，自是參掌樞密，由是內務百司皆歸宦者，不剪其本根，終爲國之盜賊，內諸司使務宦官主者，望一切罷之，諸道監軍使並追赴闕廷。詔曰：其第五範已下並宜賜死，其在畿甸周華河中並盡處置訖，諸道監軍使已下及管内經過并居停內使勅到並仰隨處誅夷訖聞奏，其左右神策軍並令停廢！

寅恪案，舊傳所載崔胤之奏及管詔，乃中古政治史變時代之大文字，故節錄之，以結此篇焉。

下篇 外族盛衰之連環性及外患與內政之關係

李唐一代爲吾國與外族接觸繁多，而甚有光榮之時期，近數十年來考古及異國文籍之發見遂得補正唐代有關諸外族之史事者頗多，因非此篇之所能詳，亦非此篇之所欲論也。茲所欲論者只二端：一曰外族盛衰之連環性，二曰：外患與內政之關係，茲分別言之於下：

所謂外族盛衰之連環性者，卽某甲外族不獨與唐室統治之中國接觸，同時亦與其他之外族有關，其他外族之崛起或強大可致某甲族之滅亡或衰弱，其間相互之因果雖不易詳確分析，而唐室統治之中國遂受其興亡強弱之影響，及利用其機緣，或坐承其弊害，故觀察唐代中國與某甲外族之關係，其範圍不可限於某甲外族，必通覽諸外族相互之關係，然後三百年間中國與四夷更盛盛衰之故始得明瞭，時當唐室對外之措施亦可略知其意，蓋中國與其所接觸諸外族之盛衰興廢，常爲多數外族間之連環性，而非中國與某甲外族間之單獨性也。新唐書貳壹伍上四夷傳總序略云：

唐興，蠻夷更盛衰，嘗與中國抗衡者有四：突厥吐蕃回鶻雲南是也。凡突厥吐蕃回鶻以盛衰先後爲次，東夷西域又次之，迹用兵之輕重也，終之以南蠻，記唐所緣亡云。

宋子京作唐書四夷傳，其敘述次第一以盛衰先後，二迹用兵之輕重，三記唐所由亡。茲篇論述則依其所以更互盛衰之跡，列爲次序，欲藉以闡發其間之連環性，至唐亡由於南詔，乃屬於外患與內政關係之範圍，俟於篇末論之，茲先不涉及也。

又唐代武功可稱爲吾民族空前盛業，然詳究其所以與某甲外族競爭，卒致勝利之原因，實不僅由於吾民族自具之精神及物力，亦某甲外族本身之腐朽衰弱有以招致中國武力攻取之道，而爲之先導者也。國人治史者於發揚續美先民之功業時，往往忽略此點，是既有違學術探求真實之旨，且非史家陳述通轍，以供鑑戒之意，故本篇

於某外族因其本身先已衰弱，遂成中國勝利之本末，必特爲標出之，以期近真實而供鑑識，兼見其有以異乎誇誣之宣傳文字也。

通典壹玖邊防典突厥條上（參新唐書貳壹伍上突厥傳唐會要玖肆北突厥條）云：

及隋末亂離，中國人歸之者甚衆，又更強盛，勢陵中夏。迎蕭皇后，置於定襄，薛舉竇建德王世充劉武周梁師都李軌高開道之徒雖僭尊號，俱北面稱臣。東自契丹，西盡吐谷渾高昌諸國皆臣之，控弦百萬，戎狄之盛近代未有也。大唐起義太原，劉文靜聘其國，引以爲援。

舊唐書陸柒李靖傳（參考新唐書貳壹伍上突厥傳貞觀政要貳任賢篇大唐新語柒容恩篇）云：

太宗初聞靖破頡利，大悅，謂侍臣曰：「朕聞『主憂臣辱，主辱臣死。』」往者國家草創，太上皇（高祖）以百姓之故，稱臣於突厥，朕未嘗不痛心疾首，志滅匈奴，坐不安席，食不甘味。今者暫動偏師，無往不捷，單于款塞，恥其雪乎？」

寅恪案，隋末中國北部羣雄並起，悉率突厥爲大君，李淵一人豈能例外？溫大雅大唐創業起居注所載唐初事最爲實錄，而其紀劉文静往突厥求援之本末，尙於高祖稱臣一節隱諱不書，遠頡利敗亡已後，太宗失喜之餘，史臣傳錄當時語言，始洩露此役之真相，然則隋末唐初之際亞洲大部民族之主人是突厥，而非華夏也。但唐太宗僅於十年之後，能以屈辱破殘之中國一舉而覆滅突厥者，固由唐室君臣之發奮自強，遂得藉此，實亦突厥本身之腐敗及通統之興起二端有以致之也。茲略引史文，以證明之於下：

通典壹玖邊防典突厥上條（參考舊唐書壹玖肆上新唐書貳壹伍上突厥傳唐會要玖肆北突厥條等）云：

貞觀元年陰山以北薛延陀通統拔也古等十餘部皆相率叛之，襲走其欲谷設，頡利遣突利討之，師又敗績，奔還，頡利怒，拘之十餘日，突利由是怨憾，內欲背之，二年突利遣使奏言：「與頡利有隙，奏請擊之。」詔秦武通以并州兵馬隨便接應。三年薛延陀自稱可汗於漠北，遣使來貢方物。頡利每委任諸胡，疏遠族類，胡人貪冒，性多翻覆，以故法令滋章，兵革歲動，國人患之，諸部攜貳，頻年大雪，六畜多死，國中犬

餒，額利用度不給，復重斂諸部，由是下不堪命，內外叛之。

舊唐書壹玖伍迴紇傳（新唐書貳壹柒上回鶻傳同，又參舊唐書壹玖玖下鐵勒傳新唐書壹壹柒下薛延陀傳唐會要以陸薛延陀傳，通典壹玖玖邊防典薛延陀條等。）云：

初有特健侯斤死，有子曰菩薩，部落以爲賢而立之。初菩薩與薛延陀侵突厥北邊，突厥頡利可汗遣子欲谷設率萬騎討之，菩薩領騎五千與戰，破之於馬鬣山，因逐北至於天山，又進擊大破之，俘其部衆，迴紇由是大振，因率其衆附於薛延陀，號菩薩爲活頡利發，仍遣使朝貢。菩薩勇勁有膽氣，善籌策，每對敵臨陣，必身先士卒，以少制衆，常以射獵爲務，其母烏羅渾主知爭訟之事，平反嚴明，部內無嗾，迴紇之盛由菩薩之興焉。貞觀擒降突厥頡利等可汗之後，北虜唯菩薩薛延陀爲盛，太宗册北突厥莫賀咄爲可汗，遣統迴紇僕骨同羅思結阿跌等部，迴紇酋帥士迷度與諸部大破薛延陀多彌可汗，遂併其部曲，奄有其地。

寅恪案，北突厥或東突厥之敗亡除與唐爲敵外，其主要一爲境內之天災及亂收，二爲其他鄰接部族迴紇薛延陀之興起兩端，故授中國以可乘之隙，否則雖以唐太宗之英武，亦未必能致如是之奇蹟，斯外族盛衰連環性之一例證也。

舊唐書壹玖伍迴紇傳（新唐書貳壹柒下回鶻傳同）云：

開成初，其相有安允合者，與特勒（寅恪案，勒當作勤，下同。）柴草欲篡薩特可汗，薩特可汗覺，殺柴草及安允合，又有迴紇相掘羅勿者，擁兵在外，怨誅柴草安允合，又殺薩特可汗，以屠嚴特勒爲可汗，有將軍句錄宋賀根掘羅勿，走引點戛斯，領十萬騎破迴紇城，殺屠嚴，斬掘羅勿，燒蕩殆盡，迴鶻散奔諸蕃，有迴鶻相歐陽者，擁外甥鹿特勒及男鹿井退紛等兄弟五人一十五部，西奔葛邏祿，一支投吐蕃，一支投安西，又有近可汗牙十三部以特勒烏介爲可汗，南來附漢。（寅恪案，通鑑貳肆陸開成四年宋條柴草作柴革。考異駁後唐獻祖紀年錄之語及唐會要以捌迴紇條俱可參考。）

唐會要玖捌通紀條云：

連年饑疫，羊馬死者被地，又大雪爲災。

新唐書貳壹柒下黠戛斯傳略云：

回鶻授其君長阿熱爲毗伽頓頡斤，回鶻稍衰，阿熱卽自稱可汗，回鶻遣宰相伐之，不勝，擊回鶻二十年不解，阿熱恃勝肆屠，回鶻不能討，其將句錄莫賀導阿熱破殺回鶻可汗，諸特勒（賓格案，勒亦當作勤。）皆潰。

賓格案，迴紇自唐肅宗以後最爲雄大，中國受其害甚鉅，至文宗之世天災黨亂擾其內，黠戛斯崛起侵其外，於是崩潰不振矣。然考之史籍，當日中國亦非盛強之時，而能成此攘夷之偉業者，雖以李文饒之才智，恐不易致此，其主因所在，無乃由堅昆之興起，遂致迴紇之滅亡歟？斯又外族盛衰連環性之一例證也。

新唐書貳壹陸下吐蕃傳論云：

唐興，四夷有弗率者，皆利兵移之，蹙其牙，犁其庭而後已。唯吐蕃回鶻號強雄，爲中國患最久，贊普遂盜河湟，薄王畿爲東境，犯京師，掠近輔，敵華人，謀夫虓帥環視其計，卒不得要領，晚節二姓自亡，而唐亦衰焉。

賓格案，吐蕃之盛起於貞觀之世，至大中時，其部族瓦解衰弱，中國於是收復河湟，西北邊陲稍得安謐，計其終始，約二百年，唐代中國所受外族之患未有若斯之久且劇者也。迨吐蕃衰敗之後，其役屬之党項別部復興起焉，此党項部後裔西夏又爲中國邊患，與北宋相終始，然則吐蕃一族之興廢關繫吾國中古史者如是，其事蹟茲篇固不能詳言，而其盛衰之樞機卽與其他外族之連環性，及唐代中央政府肆應之對策卽結合隣接吐蕃諸外族，以行包圍之祕計，舊史雖亦載其概略，惜未有闡發解釋者，故不得不於此一輪述之也。

李唐承襲宇文泰「關中本位政策」，全國重心本在西北一隅，而吐蕃盛強延及二百年之久，故當唐代中國極盛之時，已不能不於東北方面采維持現狀之消極政略（見下論高麗事節），而竭全國之武力財力積極進取，以開拓

西方邊境，統治中央亞細亞，藉保關隴之安全爲國策也。又唐高宗兩朝全盛之勢，歷經艱困，始克高麗，既克之後，復不能守，雖天時地勢之艱阻有以致之，（亦見下文論高麗事節），而吐蕃之盛強使唐無餘力顧及東北，要爲最大原因，此東北消極政策不獨有關李唐一代之大局，即五代趙宋數朝之國勢亦因以構成。由是言之，吐蕃一族與唐之競爭影響甚鉅，更不能不爲一論述之也。

新唐書劉玄宗紀（參考舊唐書查嗣下宣宗紀查玖陸下吐蕃傳下查玖捌西戎傳党項傳，新唐書貳壹陸下吐蕃傳貳壹上西域傳党項傳，及唐會要玖柒吐蕃條玖捌党項羌條等。）云：

（大中）三年二月吐蕃以秦原安樂三州石門驛藏木峽制勝六盤石峽肅七關歸於有司。十月吐蕃以維州歸於有司。十二月吐蕃以扶州歸於有司。

（大中）四年十一月党項寇邠寧。十二月鳳翔節度使李安業河東節度使李拭爲招討党項使。

（大中）五年三月白敏中爲司空招討南山平夏党項行營兵馬都統。四月赦平夏党項羌。八月乙巳赦南山党項羌。十月沙州人張義潮以瓜沙伊肅鄯甘河西蘭岷廓十一州歸於有司。

同書貳壹陸下吐蕃傳（參考通鑑貳肆柒會昌二年貳肆捌會昌三年貳肆玖大中三年諸條）略云：

（蘇秦）贊普立幾三十年病不事，委任大臣，故不能抗中國，邊候晏然，死，以弟達磨嗣，達磨嗜酒好畋獵，喜內，且凶愎少恩，政益亂。至是國中地震裂，水泉湧，岷山崩，洮水逆流三日，鼠食稼，人饑疫，死者相枕藉，廓鄯間夜聞鼓聲，人相驚。會昌二年贊普死，無子，以妃琳兒尙延力子乞離胡爲贊普，始三歲，妃典治其國，大相結都那見乞離胡不肯拜，曰：贊普支屬尙多，何至立婦氏子邪？用事者共殺之。三年國人以贊普立非是，皆叛去，尙悉熱自號宰相，以兵二十萬擊（鄯州節度使）尙婢婢，悉熱敗，單騎而逃。大中三年婢婢引衆趨甘州西境，悉熱大略鄯廓瓜肅伊西等州，保渭州，舉衆歸唐。

寅恪案，吐蕃之破敗由於天災及內亂，觀此可知也。吐蕃中央政權統治之力既弱，故其境內諸部族逐漸離遠邊之管轄而獨立，党項之興起，張義潮之肅清，皆其例也。宣宗初雖欲以兵力平定党項，而終不得不遣白敏中施

招撫之策，含混了之，則河湟之恢復實因吐蕃內部之衰亂，非中國自身武力所能致，抑又可見矣。
新唐書吐蕃傳略云：

是歲（長壽元年）又詔王孝傑（等）擊吐蕃，大破其衆，更置安西都護府於龜茲，以兵鎮守，議者謂廢四鎮勿有也。崔融獻議曰：太宗文皇帝臨漢舊跡，竝南山，抵葱嶺，剖裂府鎮，煙火相望，吐蕃不敢內侮。高宗時有司無狀，棄四鎮不備有，而吐蕃遠張，入焉耆之西，長鼓右驅，踰高昌，歷車師，鈔常樂，絕莫賀延磧，以臨敦煌。今孝傑一舉而取四鎮，還先帝舊封，若又棄之，是自毀成功而破完策也。夫四鎮無守，胡兵必臨西域，西域震則威憚南羌，南羌連衡，河西必危。且莫賀延磧袤二千里，無水草，若北接虜，唐兵不可度而北，則伊西北庭安西諸蕃悉亡。議者乃格。（開元）十年攻小勃律國，其王沒謹忙詣書北庭節度使張孝嵩曰：勃律唐西門，失之，則西北諸國皆墮吐蕃。始勃律來朝，父事帝（玄宗），還國，置綏遠軍以捍吐蕃，故歲常戰。吐蕃每曰：我非利若國，我假道攻四鎮爾。

同書壹參伍高仙芝傳（參舊唐書壹佰肆高仙芝傳新唐書貳貳下西城傳小勃律傳）略云：

小勃律其王爲吐蕃所誘，妻以女，故西北二十餘國皆羈屬吐蕃，天寶六載詔仙芝以步騎一萬出討。八月仙芝以小勃律王及妻自赤佛道還連鑾堡，與（監軍邊）令誠俱班師，於是藤林大食諸胡七十二國皆震懾降附。同書貳貳上南蠻傳南詔傳略云：

時（貞元時）唐兵屯京西朔方，大峙糧用，南北並攻取故地，然南方轉饑糴期，兵不悉集。

吐蕃苦唐詔犄角，亦不敢圖南詔。（韋）皋分（部將武）免按兵嶺州，節級鎮守，雖南詔境，亦所在屯戍。吐蕃懲野戰數北，乃屯三瀘水，遣論安熱誘瀘諸蠻侵城悉蹙，悉攝吐蕃險要也。蠻酋潘導南詔與皋部將杜毗羅狙擊。（貞元）十七年春，絕瀘，破虜屯，斬五百級，虜保鹿危山，昆羅伏以待，又戰，虜大奔，於是康黑衣大食等兵及吐蕃大酋皆降，獲甲二萬首。

時虜兵三萬攻鹽州，帝（德宗）以虜多詐，疑繼以大軍，詔皋深鈔賊部，分虜勢。皋表：賊精銳多尙南

屯，今向鹽夏，非全軍，欲掠河曲党項畜產耳。俄則虜破麟州，畢督諸將分道出，或自西山，或由平夷，或下隴陀和石門，或徑神川納川，與南詔會。是時回鶻太原郭寧涇原軍獵其北，劍南東川山南兵震其東，鳳翔軍當其西，引南詔深入，克城七，焚堡百五十，所斬首萬級，獲鎧械十五萬，圍昆明維州，不能克，乃班師，振武靈武兵破虜二萬，涇原鳳翔軍敗虜原州，惟南詔攻其腹心，俘獲最多。

唐會要登信大食條（參舊唐書登玖捌西戎傳大食傳，新唐書貳貳壹下西域傳大食傳。）略云：

又案實就四夷述云：貞元二年（實格案，舊傳作「貞元中」，新傳作「貞元時」。）與吐蕃爲勁敵，蕃兵大半西禦大食，故鮮爲邊患，其力不足也。

實格案，唐關中乃王畿，故安西四鎮爲防護國家重心之要地，而小勃律所以成唐之西門也。玄宗之世華夏吐蕃大食三大民族皆稱盛強，中國欲保其腹心之關隴，不能不固守四鎮，又不能不扼據小勃律，以制吐蕃，而斷絕其與大食通援之道。當時國際之大勢如此，則唐代之所以開拓西北，遠征蔥嶺，實亦有其不容已之故，未可專咎時主之驕武開邊也。夫中國與吐蕃既處於外族交互之複雜環境，而非中國與吐蕃一族單純之關係，故唐室君臣對於吐蕃施行之策略亦卽利用此諸族相互之關係，易言之，卽結合隣接吐蕃諸外族，以爲環攻包圍之計，據上引新書南詔傳，可知貞元十七年之大破吐蕃，乃略收包圍環攻之效者，而吐蕃與中亞及大食之關係，又兼南康以南詔制吐蕃之得策，均可於此傳窺見一二也。茲復別引史籍，以爲證明於下：

舊唐書壹肆拾章畢傳（新唐書壹伍捌章畢傳同）云：

畢以雲南蠻衆數十萬，與吐蕃和好，蕃人入寇，必以蠻爲前鋒，（貞元）四年畢遣判官崔佐時入南詔蠻，說令向化，以離吐蕃之助。

新唐書貳貳上南蠻傳略云：

貞元五年（異牟尋）遣（韋）皋書曰：願竭誠日新，歸款天子，請加戍劍南涇原等州，安西鎮守揚兵四臨，委回鶻諸國所在侵掠，使吐蕃勢分力散，不能爲強，此西南隅不煩天兵可以立功云。

舊唐書韋武玖韓混傳（新唐書韋武陸韓休傳附混傳同）云：

時中土罷兵，兩河寧乂。混上言：吐蕃盜有河湟，爲日已久，大曆已前，中國多難，所以肆其僥倖，臣聞近歲已來，兵衆凌弱，西迫大食之強，北逼迴紇之衆，東有南詔之防，計其分鎮之外，戰兵在河湟五六萬而已，國家第令三數良將畏服十萬衆，於涼鄯洮渭並修堅城，各置二萬人，足當守禦之要，臣請以當道賦爲饋運之資，以充三年之費，然後營田積粟，且耕且戰，收復河隴二十餘州，可翹足而待也。上（德宗）甚納其言。混之入朝也，（實格案，舊唐書韋武德宗紀上貞元二年十一月兩浙節度使韓混來朝。）路由汴州，厚結劉玄佐，將薦其可任邊事，玄佐納其賂，因許之，及來覲，上訪問焉，初頗稟命，及混以疾歸第，玄佐意思，遂辭邊任，盛陳犬戎未衰，不可輕進。混貞元三年二月以疾薨，遂寢其事。

同書同卷張延賞傳（新唐書韋武張嘉貞傳附延賞傳同）云：

（延賞）贈職官員，收其俸祿，資募戰戰士，俾劉玄佐收復河湟，軍用不乏矣。上（德宗）然之。初韓混入朝，至汴州，厚結劉玄佐，將薦其可委邊任，玄佐亦欲自效，初稟命，及混卒，玄佐以疾辭，上遣中官勞問，臥以受命，延賞知不可用，奏用李抱真，抱真亦辭不行，時抱真判官陳曇奏事京師，延賞俾曇勸抱真，竟拒絕之，蓋以延賞挾怨罷李晟兵柄，由是武臣不附。

通鑑貳卷貳貞元三年七月條略云：

（李）泌曰：臣能不用中國之兵，使吐蕃自困。上（德宗）曰：計將安出？對曰：臣未敢言之。上因問，不對，意欲結迴紇大食雲南，與共圍吐蕃，令吐蕃所備者多，知上素恨迴紇，故不肯言。

同書貳卷貳貞元三年九月條略云：

（李泌）對曰：願陛下北和迴紇，南通雲南，西結大食天竺，如此，則吐蕃自困，上（德宗）曰：三國當如卿言，至於迴紇，則不可。泌曰：臣固知此，所以不敢早言，爲今之計，當以迴紇爲先，三國差緩耳。上

曰：所以招雲南大食天竺奈何？對曰：通統和，則吐蕃已不敢輕犯塞矣。次招雲南，則是斷吐蕃之右臂也。

大食在西域爲最強，自蔥嶺盡西海，地幾半天下，與天竺皆慕中國，代與吐蕃爲仇，臣故知其可招也。

資格案，德宗韋皋韓滂李泌等皆欲施用或略已實行包圍環攻吐蕃之政策，若非當日唐室君主及將相大臣深知諸外族相互之關係，不能敢此，而李長源之論尤爲明暢，通鑑所載當採自鄒侯家傳，李繁著書雖多誇大溢美之辭，（如劉玄佐之入朝，實出韓滂之勸促，而鄒侯家傳則歸功於李泌，司馬君實謂之掠美，卽是其例也，見通鑑考異貞元二年七月條。）然核以同時關係諸史料，知其所述包環吐蕃之策要爲有所依據，不盡屬浮詞也。

前唐高宗高宗之廟全盛之世竭中國之力以取高麗，僅得之後，旋即退出，實由吐蕃熾盛，唐室爲西北之強敵所牽制，不得已乃在東北方取消極退守之策略，然則吐蕃雖與高麗不接土壤，而二者間之連環關係，實影響於中夏數百年國運之隆替，今述吐蕃事竟，即續論高麗者，亦爲此連環之關係，不獨敘述次第之便利也。

隋煬帝承文帝統一富盛之後，唐太宗藉內安外攘之威，傾中夏全國之力，以攻高麗之小邦，終於退敗，煬帝竟坐是覆其宗社，而太宗亦遺恨無窮，自來史家於此既鮮卓識之議論，而唐高宗之所以暫得旋失之故復無一貫可通之解釋，鄧意高麗問題除前所謂外族盛衰之連環性外，尙別具天時地理人事三因素，與其他外族更有不同，其關於唐以前及以後之史事者，以非本篇範圍，不能涉及，因僅就唐代用兵高麗之本末，推論此三因素之關係，以明中國在唐以前經營東北成敗利鈍所以然之故，治史之君子儘亦有取於是歟？

唐承宇文氏「關中本位政策」，其武力重心卽府兵偏置於西北一隅，去東北方之高麗甚遠，中國東北方冀遼之間其雨季在舊曆六七月間，而舊曆八九月至二三月又爲寒凍之時期，故以關中遼遠距離之武力而欲制服高麗攻取遼東之地，必在涼期已過雨季未臨之短時間獲得全勝而後可，否則，雨潦泥濘冰雪寒凍皆於軍隊士馬之進攻餉糧之輸運已甚感困難，苟遇一堅持久守之勁敵，必致無功或覆敗之禍，唐以前中國對遼東高麗進攻之策略爲速戰速決者，其主因實在此。若由海道以取高麗，則其鄰國百濟新羅爲形勢所關之地，於不善長海戰之華夏民族未先得百濟，以爲根據，難以經略高麗，而百濟又與新羅關係密切，故百濟新羅之盛衰直接影響於中國

與高麗之爭競，唐代之中國連結新羅，制服百濟，藉以攻克高麗，而國力分於西北吐蕃之勁敵，終亦不能自有，轉以爲新羅強大之資，此實當日所不及料，因成爲後來數百年世局轉捩之樞紐者也。關於高麗問題，茲引史籍以供釋證，而此事於時日先後之記載最爲重要，故節錄通鑑所紀唐太宗伐高麗之役於下，藉作一例，其以干支誌日者悉註明數字及月建大小盡，庶幾讀者於時間之長短獲一明確印象，並略增刪胡注之文，附載陸路行軍出入遼東所經重要城邑距長安洛陽之遠近，讀者若取時日與道里綜合推計，則不僅此役行軍運糧之困難得知實狀，而於國史中唐前之東北問題亦可具一正確之概念也。

通鑑實錄卷之六太宗伐高麗事略云：

上（太宗）將征高麗。（貞觀十八年）秋七月（大盡），辛卯（二十日）勅將作大監閻立德等詣洪饒江三州，造船四百艘，以載軍糧。甲午（二十三日）下詔遣營州都督張儉等帥幽營二都督兵及契丹奚靺鞨，先擊遼東，以觀形勢。以太常卿韋挺爲饋運使，以民部侍郎崔仁師副之，自河北諸州皆受挺節度，聽以便宜從事。又命太僕少卿竇詵運河南諸州糧入海。冬十月（大盡）甲寅（十四日）車駕行幸洛陽。（實格案，在今河南洛陽縣。通典書洛州郡與河南府洛州去西京八百五十里。）十一月（大盡）壬申（初二日）至洛陽。前宣州刺史鄭元璠已歿仕，上以其書從隋煬帝伐高麗，召詣行在問之。對曰：遼東道遠，糧運艱阻，東夷善守城，攻之不可猝下。上曰：今日非隋之比，公但聽之！張儉等值遼水漲，久不得濟，上以爲畏懦，召詣洛陽。甲午（二十四日）以刑部尚書張亮爲平壤道行軍大總管，帥江淮嶺峽兵四萬長安洛陽募士三千戰艦五百艘自萊州泛海趨平壤。又以太子詹事左衛率李世勳爲遼東道行軍大總管，帥步騎六萬人及蘭河二州降胡趣遼東，兩軍合勢並進。庚子（三十日）諸軍大集於幽州。（實格案，在今河北薊縣。通典書薊州郡與范陽郡幽州今薊縣，去西京二千五百二十三里，去東京一千六百八十里）手詔諭天下，言昔隋煬帝殘暴其下，高麗王仁覺其民，以思亂之軍擊安和之衆，故不能成功。今略言必勝之道有五：一曰：以大擊小，二曰：以順討逆，三曰：以治乘亂，四曰：以逸待勞，五曰：以悅當怨，何憂不克？布告

元元，勿爲疑懼！十二月（小盡）甲寅（十四日）詔諸軍及新羅百濟奚契丹分道擊高麗。

（貞觀）十九年春正月（小盡）。韋挺坐不先行視漕渠，運米六百餘艘至盧思臺側，（胡注云：盧思臺去幽州八百里，此漕渠蓋卽曹操伐烏丸所開泉州渠也。）淺濬不能進，械送洛陽。丁酉（二十八日）除名，以將作少監李道裕代之，崔仁師亦坐免官。二月（大盡）庚戌（十二日）上自將諸軍發洛陽。是月李世勣軍至幽州。三月（小盡）丁丑（十九日）車駕至定州。（寅恪案，在今河北定縣。通鑑蓋誤擢州郡典博陵郡定州今理安喜縣，去西京二千一百里，去東京一千二百十里。）丁亥（十九日）上謂侍臣曰：遼東本中國之地，隋氏隔出師而不能得，朕今東征，欲爲中國報子弟之仇，高麗雪君父之恥耳。且方隅大定，惟此未平，故及朕之耄耋，用士大夫餘力以取之。上將發，太子（高宗）悲泣數日，上曰：今留汝鎮守，輔以賢俊，悲泣何爲？壬辰（二十四日）車駕發定州。李世勣軍發柳城。（寅恪案，在今熱河朝陽縣。通鑑蓋誤擢州郡典柳城郡營州今理柳城縣，去西京五千里，去東京四千一百一十里。）多張形勢，若出饋遠鎮者，（寅恪案，新唐書蓋致地理志營州柳城郡有饋遠守捉城。）而潛師北趣雨道，出高麗不意。夏四月（大盡）戊戌朔（初一日）世勣自通定濟遼水，（胡注云：通定鎮在遼水西，隋大業八年伐遼所置，雨道隋起浮橋度遼水所築。寅恪案，通鑑蓋誤擢柳城郡營州至遼河四百八十里。）至玄菟，（寅恪案，三國志魏志蓋拾東夷傳東沃沮傳云：（漢武帝）以沃沮城爲玄菟郡，後爲夷貊所侵，徙郡句麗西北，今所謂玄菟府是也。胡注云：有遼山，遼水所出。）高麗大駭，城邑閉門自守。壬寅（初五日）遼東道副大總管江夏王道宗將兵數千至新城（寅恪案，在今遼寧瀋陽縣西北。），城中無敢出者。營州都督張儉將胡兵爲前鋒，進渡遼水，建建安城。（胡注云：自遼東城西行三百里至建安城。胡注蓋依據新唐書肆叁下地理志引賈耽所記入四夷道里也。）丁未（初十日）車駕發幽州。壬子（十五日）李世勣江夏王道宗攻高麗蓋牟城。（胡注云：蓋牟城在遼東城東北。寅恪案，在今遼寧蓋牟縣。）丁巳（二十日）車駕至北平。（胡注云：此古北平也，舊志平州隋爲北平郡。寅恪案，在今河北盧龍縣。通鑑蓋誤擢州郡典北平郡平州今理盧龍

縣，東北到柳城郡七百里，去西京四千三百二十里，去東京三千五百二十里。」癸亥（二十六日）李世勣等拔蓋牟城，獲二萬餘口，糧十餘萬石。張亮率舟師自東萊渡海，襲卑沙城，（寅恪案，隋書陸肆來護兒傳云：「（大業）十年又帥師渡海，至卑奢城，高麗舉國來戰，護兒大破之，斬首千餘級，將趨平壤，高元震懼，遣使執叛臣斛斯政，詣遼東城下，上表請降，（煬）帝許之，遣人持節召護兒旋師。」卑奢城即卑沙城也，可以參證。）程名振引兵夜至，副總管王大度先登，五月（小意）己巳（初二日）拔之。分遣總管丘孝忠等隨兵於鴨綠水。（寅恪案，通典壹捌陸邊防典高句麗傳云：馬訾水一名鴨綠水，在平壤城西北四百五十里，遼水東南四百八十里。胡注云：漢書謂之馬訾水，今謂之混同江。）李世勣起至遼東城下。（寅恪案，在今遼寧遼陽縣北。）庚午（初三日）車駕至遼澤，泥淖二百餘里，人馬不可通，將作大監閻立德布土作橋，軍不留行。壬申（初五日）渡澤東。乙亥（初八日）高麗步騎四萬救遼東，既合戰，唐兵不利，（江夏王）道宗收散卒，與驍騎數十衝之，左右出入，李世勣引兵助之，高麗大敗。丁丑（初十日）車駕度遼水，撤橋以堅士卒之心。李世勣攻遼東城，晝夜不息，旬有二日，上引精兵會之，甲申（十七日）遂克之，所殺萬餘人，得勝兵萬餘人，男女四萬口，以其城爲遼州。乙未（十八日）進軍白城。（寅恪案，在今遼寧遼陽縣東北。）六月（大盡）丁酉朔（初一日）城主孫代音請降，上受其降，以白巖城爲巖州。丁未（十一日）車駕發遼東。丙辰（二十日）至安市城，（寅恪案，在今遼寧蓋平縣東北。）進兵攻之。丁巳（二十一日）北部將薩延壽惠真帥高麗靺鞨兵十五萬救安市，上謂侍臣曰：「今爲延壽策有三：引兵直前，遼安市城爲壘，攻之不可猝下，欲歸則泥淖爲阻，坐困吾軍，上策也。拔城中之衆，與之宵遁，中策也。來與吾戰，下策也。高麗有對盧，年老習事，謂延壽曰：『爲吾計者，莫若頓兵不戰，曠日持久，遣奇兵斷其運道，糧食既盡，求戰不得，欲歸無路，乃可勝也。』延壽不從，引軍直進，去安市城四十里。江夏王道宗曰：『高麗傾國以拒王師，平壤之守必弱，假臣精卒五千覆其本根，則數十萬衆可不戰而降。』上不應。戊午（二十二日）諸軍並進，高麗兵大潰，斬首二萬餘級。己未（二十三日）延壽惠真帥

其衆三萬六千八百人（來）降，獲馬五萬匹，牛五百頭，鐵甲萬領，佗器械稱是，高麗舉國大駭，上驛書報太子，更名所幸山曰驪山。秋七月（大盡）辛未（初五日）上徙營安市城東嶺。上之克白巖也，謂李世勣曰：吾聞安市城險而兵精，建安兵弱而糧少，公可先攻建安，建安下，則安市在吾腹中。對曰：建安在南，安市在北，吾軍糧皆在遼東，若賊斷吾糧道，將若之何？不如先攻安市，安市下，則取建安耳。上曰：以公爲將，安得不用公策。世勣遂攻安市，攻久不下。高延壽惠真請於上曰：安市人自爲戰，未易猝拔，烏骨城（賓格案，在今遼寧蓋平縣東境地。）驍薩老耄，不能堅守，移兵臨之，朝至夕克，其餘當道小城望風奔潰，鼓行而前，平壤必不守矣。羣臣亦言：張亮在沙城，（胡注云：沙城卽卑沙城。）召之，信宿可至。併力拔烏骨城，度鴨綠水，直取平壤，在此舉矣。上將從之，獨長孫無忌以爲建安城之虜衆猶十萬，若向烏骨，皆臨吾後，不如先破安市，取建安，然後長驅而進，此萬全之策也。上乃止。諸軍急攻安市，江夏王道宗督衆築土山逼其城，晝夜不息，凡六旬，用功五十萬。上以遼左旱寒，草枯泉凍，士馬難久留，且糧食將盡，九月（大盡）賓格案，是年八月大盡。（癸未（十八日）勅班師，命李世勣江夏王道宗將步騎四萬爲殿。乙酉（二十日）至遼東。丙戌（二十一日）渡遼水。遼澤泥濘，車馬不通，命長孫無道將萬人剪草填道，以車爲梁，上自鑿薪於馬前以助役。冬十月（小盡）丙申朔（初一日）上至蒲溝，駐馬督填道諸軍，度勃鍆水，（胡注云：蒲溝勃鍆水皆在遼澤中。）暴風雪，士卒沾濡，多死者。凡征高麗戰士死者幾二千人，戰馬死者什七八，上以不能成功，深悔之，歎曰：勣徵若在，不使我有是行也，命馳驛祀徵以少牢，復立所製碑，召其妻子詣行在勞之。丙午（十一日）至營州，丙辰（二十一日）上聞太子率迎將至，從飛騎三千人馳入臨榆關，（賓格案，通典壹柒捌州郡典北平郡平州盧龍縣臨榆關在縣城東一百八十里據此當卽今山海關地。）遣達太子。上之發定州也，指所御褐袍謂太子曰：俟見汝，乃易此袍耳。在遼左雖盛暑流汗弗之易，及秋穿敗，左右請易之，上曰：軍士衣多弊，吾獨御新衣可乎？至是太子進新衣，乃易之。十一月（大盡）辛未（初七日）車駕至幽州。庚辰（十六日）過易州境，（賓格案，今河北易縣。通典壹柒捌上谷郡易

州去，西京二千一百九十七里，去東京一千四百六十二里。〔丙戌〔二十二日〕車駕至定州。壬辰〔二十八日〕車駕發定州。十二月〔小盡〕戊申〔十四日〕至并州。〕〔通鑑〕登萊州郡與太原府并州今理太原晉陽二縣，去西京一千三百里去東京八百八十五里。寅恪案，唐代州治在今山西太原省會西南三十里。〕

〔貞觀〕二十年二月〔大盡〕乙未〔初二日〕上發并州。三月〔小盡〕己巳〔初七日〕車駕還京師。〔寅恪案即今西京市〕。上謂李靖曰：吾以天下之衆困於小夷，何也？靖曰：此道宗所解。上顧問江夏王道宗，具陳在駐蹕時乘虛取平壤之言。上愜然曰：當時匆匆，吾不憶也。

寅恪案，唐太宗之伐高麗，於貞觀十八年秋冬間著手準備，至半歲之後，即貞觀十九年二月間太宗發洛陽，李世勣會集陸軍即戰鬪主力於幽州，於是開始出動，蓋非俟至氣候稍暖之時不能於東北行軍也。又歷二月之久至五月初，李世勣軍進至遼東城下，太宗亦於此時渡遼澤，但爲泥淖阻滯至一星期之久，始與世勣會兵，其軍行已嫌遲緩，及攻圍遼東城，經十有二日方能克之，已在五月中旬將盡之際矣。又順兵安市，由六月二十日至九月十八日三月之久而不能克取其城，遼左秋晚氣候轉變，糧道不通，若不急進班師，則將全軍覆沒。江夏王道宗出奇之計高延壽真攻烏骨之策及太宗超安市先取建安之議實皆不可施行，祇爲快意之談耳，觀李世勣長孫無忌等之言可知也。至太宗雖經寒暑不肯易弊褐一事傳爲笑談，實則太宗明知此役利在速戰速決，若至秋季不能復衣褐袍之時，無論成敗如何，斷不能不班師歸來，與太子相見，故不妨先作豪語，以收人心，斯亦英雄權禍之一端歟？又張亮等雖克卑沙，竟無大效者，殆以從海道攻高麗，與百濟之關係甚大，觀於同一李世勣之人在太宗貞觀時不能克高麗，而在高宗總章時能滅其國者，固由敵人有內亂可乘，而百濟先已取得，要爲其主因之一也。其他史籍所載太宗伐高麗之功績多是官書諱飾其失敗之詞，既不足信，故亦可不辨。

新唐書貳拾東夷傳高麗傳〔參舊唐書壹玖玖上東夷傳高麗傳唐會要玖伍高句麗條〕略云：

〔泉〕蓋蘇文死，子男生代爲莫離支，與弟男建男產相怨，男生據國內城，遣子獻誠入朝求救，蓋蘇文弟亦請割地降。〔乾封元年〕九月〔癸〕同善破高麗兵，男生率衆師會。以李勣爲遼東道行軍大總管，韓燕趙

食唐粟。明年勅次新城，城人縛成會出降，勸進拔城十有六。郭待封以舟師濟海趨平壤。三年（是歲改元總章）勸率（薛）仁貴拔扶餘城，它城三千皆納款。侍御史賈言忠計事還，帝（高宗）問軍中云何？對曰：必克。先帝（太宗）問罪所以不得志者，虜未有憂也。今男生兄弟鬩很，爲我鄉導，虜之情態我盡知之，故曰必克。男建以兵五萬襲扶餘，勸之薩賀水上，進拔大行城，契苾何力奮勦軍於鴨綠水上，拔辱夷城，悉師圍平壤。九月勸縱兵譟而入（城），執（高麗王高）藏男建等，收凡五部七十六城戶六十九萬，割其地爲都督府者九，州四十二，縣百。後復置安東都護府，擢會豪有功者，授都督刺史令，與華官參治，仁貴爲都護，總兵鎮之。總章二年大長鉗（鉗通鑑登何意咸亨元年條作劍）牟岑率衆反，立藏外孫安舜爲王。詔高侃（等）討之，舜殺鉗牟岑，走新羅。侃徙都護府治慰州。儀鳳二年授藏遼東都督，封朝鮮郡王，還遼東，以安餘民。徙安東都護府於新城。藏以永淳初死，舊城往往入新羅，遣人散奔突厥結鞠。舊唐書壹玖玖上東夷傳新羅傳（參新唐書貳拾上東夷傳新羅傳唐會要玖伍新羅條）略云：

太宗將親伐高麗，詔新羅築集兵馬，接應大軍。新羅遣五萬人入高麗南界，攻水口城，降之。（貞觀）二十一年（新羅王金）善德卒，立其妹眞德爲王。永徽元年眞德大破百濟之衆。三年眞德卒，以春秋嗣立爲新羅王。六年百濟與高麗結率兵侵其北界，攻陷三十餘城，春秋遣使上表求救，顯慶五年命左衛大將軍蘇定方爲熊津道大總管，統水陸十萬仍令春秋爲副夷道行軍總管與定方討平百濟，俘其王扶餘義慈獻闕下。龍朔元年扶餘襲王。咸亨五年納高麗叛衆，略百濟地，守之，帝（高宗）怒，以其弟仁問爲新羅王，自京師歸國，詔劉仁軌（等）發兵窮討，破其衆於七重城。詔以李謹行爲安東鎮撫大使，屯買肖城，三戰，虜皆北，法敏遣使入朝謝罪，仁問乃還。（自「龍朔元年」至「仁問乃還」一節爲新傳之文。）自是新羅漸有高麗百濟之地，其界益大，西至於海。

唐會要玖伍百濟條（參考舊唐書壹玖玖上新唐書貳拾百濟傳）略云：

百濟者乃扶餘之別種，當馬韓之故地，大海之北，小海之南，東北至新羅，西至越州，南渡海至倭國，與

新羅爲仇讎。貞觀十六年與高麗通和，以絕新羅入朝之道。太宗親征高麗，百濟懷二，數年之間朝貢遂絕。顯慶五年八月十三日左衛大將軍蘇定方討平之，虜其王義慈及太子崇將校五十八人送於京師。其國分爲五部，統郡三十七，城二百，戶七十六萬。至是以其地置熊津馬韓東明金湍德安等五都督府，各統州縣，立其酋長爲都督刺史縣令，合左衛郎監王文度爲都統，總兵以鎮之。（舊將）福信與浮屠道琛反，迎故王子扶餘豐於倭，立爲王。龍朔元年（劉）仁軌發新羅兵往救，二年（劉）仁願遣劉仁軌破（其衆），豐走，不知所在，諸城皆復。帝（高宗）以扶餘隆爲熊津都督，俾歸國，平新羅餘憾，招還遺人。麟德二年與新羅王會熊津，刑白馬以盟，仁願等還，陸賈衆攜散，亦歸京師。（自「福信與浮屠道琛反」至「亦歸京師」一節爲新傳之文。）

新唐書貳陸吐蕃傳上（參舊唐書壹陸上吐蕃傳及舊唐書捌卷新唐書壹陸薛仁貴傳）略云：

自是歲入邊，破有諸羌羈縻十二州。總章中徙吐谷渾於涼州，傍南山，帝（高宗）刈吐蕃之人，召宰相等議，先整吐蕃，議不決，亦不克徙。咸亨元年入殽關，廢十八州，率千間以龜茲撥換城，於是安西四鎮並廢。詔薛仁貴爲邊遼道行軍大總管，阿史那道真郭待封副之，出討吐蕃，并護吐谷渾還國，師凡十餘萬，至大非川，爲欽陵所拒，王師敗績，遂滅吐谷渾，而有其地。

宣格案，高麗時代高宗獲勝之重要原因在乘高麗之內亂及據新羅百濟之形勢，然既得其國，而終不能有，則以吐蕃熾盛，西北危急，更無餘力經營東北，觀其徙新克高麗勝將薛仁貴以討吐蕃，而致大敗之事可知也。自此以後，高麗廢而新羅渤海興，唐室對於東北遂消極採退守維持現狀之政策，惟大同江以南之地實際雖不能有，而名義尙欲保留，及至玄宗開元全盛之時，即此虛名亦竟放棄，斯誠可謂唐代對外之一大事，茲特錄關係史料全文於下，治吾國中古史者讀之，不能不爲之驚心恍目感歎不已也。

冊府元龜以柒壹外臣部朝貢門云：

（開元二十四年）六月新羅王金興光遣使獻表曰：伏奉恩勅：涇江已南宣令新羅安置！臣生居海裔，沐化

聖朝，雖丹素爲心，而功無可效，以忠正爲事，而勢不足資，陛下降雨露之恩，發日月之詔，錫臣土境，廣臣邑居，遠使聖朝有期，農桑得所，臣奉絲綸之旨，榮寵之深，粉骨糜身，無由上答。

南詔與其他外族盛衰之連環性，觀前引關於吐蕃諸條其概略已可推知。吐蕃之國勢自貞元時開始衰弱，文宗以後意見不撥，中國自韋皋帥蜀，定與南詔合攻吐蕃之策，南詔屢得勝利，而中國未能增強，大和三年南詔遂陷邛戎嶺三州，入掠成都，（見舊唐書韋皋奏新唐書貳貳武中南蠻傳南詔傳，及舊唐書韋皋奏杜元穎傳新唐書貳陸杜如晦傳附元穎傳。）西川大困，通鑑貳肆玖大中十二年六月條略云：

初安南都護李琢爲政貪暴，羣蠻怨怒，導南詔侵盜邊境，自是安南始有蠻患。

同書同卷大中十三年末條略云：

初，韋皋在西川開青溪道以通羣蠻，使由蜀入貢，又選羣蠻子弟，聚之成都教以書數，欲慰悅羈縻之，如是五十年，羣蠻子弟學於成都者，殆以千數，軍府頗厭於龐結，又蠻使入貢，利於賜與，所從僦人復多，杜棕爲西川節度使，奏請節減其數，詔從之，南詔豐祐怒，自是入貢不時，頗擾邊境，會宣宗崩，中使告哀，豐祐亦卒，子會龍立，禮遇（使者）甚薄，上（懿宗）以會龍不遣使來告喪，又名近玄宗諱，遂不行冊禮，會龍乃自稱皇帝，遣兵陷播州。

胡注云：

爲南詔攻蜀攻交趾張本。

然則，宣宗末世南詔始大爲邊患，其強盛之原因則緣吐蕃及中國既衰，其鄰接諸國俱無力足與爲敵之故，此所謂外族盛衰之連環性也。至中國內政所受之影響直關唐室之覆亡，不惟邊境之患而已，當別於後述之，茲暫不涉及。又凡唐代中國與外族之關係今已論其重要者，其餘雖從略，然可以前所言之義例推之也。

中國無論何代，即當堅持閉關政策之時，而實際終難免不與其他民族接觸，李唐一代其與外族和平及戰爭互相接觸之頻頻，尤甚於以前諸朝，故其所受外族影響之深且鉅，自不待言。但關於宗教文化者，固非今所論之範

即，即直接有關內部政治者，亦只能舉一二大事，以爲例證，未遑詳盡論述之也。

鄒侯家傳論府兵廢止之原因其一爲長期兵役，取劉仁軌任洮河鎮守使爲例證，「見玉海登參捌兵制整所引，通鑑貳叁貳貞元二年八月條亦采自鄒侯家傳也。」蓋唐代府兵之制其特異於西魏北周之時期者，實在設置軍府地域內兵農之合一，吐蕃強盛之長久爲與唐代接觸諸外族之所不及，其疆土又延包中國西北之邊境，故不能不有長期久成之「長征健兒」，而非從事農業之更番衛士所得勝任，然則鄒侯家傳所述誠可謂一語破的，此吐蕃之強盛所給予唐代中國內政上最大之影響也。「關於府兵制前期問題詳見拙著隋唐制度淵源略論稿兵制章，茲可不論，惟唐代府兵爲兵農合一制一點恐讀者尙持葉水心兵農分離說而不之信，請略舉一二例證，以祛其疑焉。一爲通典陸食貨典賦稅下載唐高宗龍朔三年七月制，「衛士八等已下每年放還，令出軍，仍免庸調，」此制之前載（高祖武德）九年三月詔，「天下戶立三等，未盡升降，宜爲九等」之文，故可據以推定龍朔三年七月制中「八等」之「等」乃指戶籍等第而言，然則此制與其初期僅籍六等以上豪戶者不同，即此制已推廣普及於設置軍府地域內全部人民之確證也。二爲戈本貞觀政要貳直隸類貞觀三年詔調中租稅免二年條（參唐會要捌拾伍圖說雜錄條及魏鄭公諫錄）略云：

右僕射封德彝等並欲中男十八已上簡點入軍，勅三四出，（魏）徵奏以爲不可，太宗怒，乃出勅：中男已上雖未十八，身形壯大，亦取！徵又不從。太宗曰：中男若實小，自不點入軍，若實大，亦可簡取。徵曰：若次男已上盡點入軍，租賦雜徭將何取給？且比年國家衛士不堪攻戰，豈爲其少？若稍簡壯健，人百其勇，何必在多？

通鑑登玖貳武德九年十二月亦載此事，胡注云：

唐制民年十六爲中男，十八始成丁，二十一爲丁，充力役。

據魏徵「租賦雜徭將何取給？」之語推之，則當日人民未充衛士時亦須擔負租賦雜徭之義務，是一人之身兼充兵務農之二業也，豈非唐代府兵制兵農合一之明證乎？斯事今不能詳論，僅略述大意，附注於此。」

迴紇與中國摩尼教之關係論者頗衆，又不屬本書範圍，自可不言，其族類與中國接觸，而影響及戰時之財政經濟者，亦非所欲論，茲僅略述迴紇與中國在和平時期財政經濟之關係於下：

新唐書伍拾兵志云：

乾元後迴紇恃功，歲入馬取糴，馬皆病弱不可用。

回鶻伍壹食貨志云：

迴紇有助收西京功，代宗厚遇之，與中國婚姻，歲送馬十萬匹，酬以縑帛百餘萬匹，而中國財力屈竭，歲負馬價。

舊唐書韋武渠源休傳略云：

（迴紇）可汗使謂休曰：所欠吾馬直絹一百八十萬疋，當速歸之！

問書登玖伍迴紇傳（參新唐書武壹渠上回鶻傳）略云：

迴紇恃功，自乾元之後屢遣使以馬和市縑帛，仍歲來市，以馬一匹易絹四十匹（新傳絹作縑）。動至數萬馬，其使候遣，繼留於鴻臚寺者非一，善得帛無厭，我得馬無用，朝廷甚苦之，是時特詔厚賜遣之，示以廣恩，且俾知愧也。是月（大曆八年十一月）迴紇使使赤心領馬一萬匹來求市，代宗以馬價出於租賦，不欲重困於民，命有司量入計，許市六千匹。（貞元）八年七月以迴紇樂羅葛靈檢校右僕射，仍給市馬絹七萬匹，回鶻請和親，憲宗使有司計之，禮費約五百萬貫，方內有誅討，未任其親。

唐書武壹渠上回鶻傳（參考李相國論事集）略云：

（回鶻）遣伊難珠再請昏，未報，可汗以三千騎至臨鵜泉，於是振武以兵屯黑山，治天德城備虜。禮部尚書李絳奏言：北狄貪沒，唯利是視，比進規馬直，再歲不至，豈厭縑帛之利哉？殆欲風高馬肥，而肆侵軼。北狄西戎素相攻討，故邊無虞，今回鶻不市馬，若與吐蕃結約解離，則將臣閉壁懷戰，邊人拱手受禍，臣謂宜聽其昏，使守藩籬。武曰：降主費多，臣謂不然，我三分天下賦，以一事邊，今東南大縣賦歲

二十萬緡，以一縣賦爲昏資，非損寡得大乎？今惜費不與，假如王師北征，兵非三萬，騎五千，不能扞且馳也。又如保十全之勝，一歲輒罷，其饋餉供擬豈止一縣哉？帝（憲宗）不聽。

白氏長慶集肆新樂府云：

陰山道。疾貪饕也。

陰山道，陰山道，紇邏敦肥水泉好。每歲戎人送馬時，道旁千里無纖草。草盡泉枯馬病羸，飛龍但印骨與皮。五十匹縑易一匹，縑去馬來無了日。養無所用去非宜，每歲死傷十六七。縑絲不足女工苦，疏織短截充匹數。縑絲蛛網三丈餘，迴紇訴稱無用處。咸安公主號可敦，遠爲可汗頻奏論。元和二年下新敕，內出金帛綳馬直。仍詔江淮馬價縑，從此不令疏短織。合羅將軍呼萬歲，捧受金銀與縑絲。誰知黠虜啓貪心，明年馬來多一倍。縑漸好，馬漸多。陰山窮，奈爾何！

寅格案，唐與迴紇在和平時之關係中，馬價爲國家財政之一大問題，深可注意。李絳所言靜言迴紇之利，憲宗豈是不知？而終不聽者，實以中國財力有所不及，故寧可吝惜昏費，而僥倖其不來侵邊境也。白香山新樂府之陰山道一時卽寫當日之實狀者，據舊唐書肆捌食貨志（通典陸食貨典利稅下同）云：

開元八年正月勅：頃者以庸調無憑，好惡須準，故遣作樣，以頒諸州，令其好不得過精，惡不得至濫，任土作貢，防源斯在。而諸州送物，作巧生端，苟欲副於斤兩，遂則加其丈尺，至有五丈爲匹者，理甚不然。闊一尺八寸，長四丈，同文共軌，其事久行，立樣之時，亦以此數，若求兩而加尺，甚募四而執三，宜令有司簡閱，有踰於比年常例，丈尺過多，奏聞！

然則唐代定制，絲織品以四丈爲一疋，而迴紇馬價縑一疋長止三丈餘，且疏織，宜召迴紇之怨訴，唐室之應付此項財政困難問題，計出於無聊，抑又可知矣。

又迴紇在和平時期，與唐代中國政府財政關係既如上述之例，其與中國人民經濟關係亦有可略言者。冊府元龜致柒玖外臣部和親門（參考舊唐書卷一百一十五李晟傳附載傳）云：

大和五年六月有龍武大將軍李基之子某，借過乾錢一萬一千二百貫不償，爲迴紇所訴，貶爲宣州別駕，下詔戒飭曰：如聞頃來京城內衣冠子弟及諸軍使並商人百姓等多有舉諸蕃客本錢，歲月稍深，徵索不得，致蕃客停滯，市易不合及時。自今已後，諸色人宜准勅互市外，不得輒與蕃客交關，委御史臺及京兆府切加捉搦，仍卽作件聞奏，其今日已前所欠負委府縣速與處理處分！

又新唐書貳壹柒上回鶻傳（參考舊唐書貳貳張光晟傳及通鑑貳貳陸建中元年八月甲午條）云：始迴紇至中國，常參以九姓胡，往往留京師，至千人，居貨殖產甚厚。（上篇已引）。

據新唐書貳貳壹下西域傳康國傳（上篇已引），九姓胡卽中亞昭武九姓族類，所謂西域賈胡者是也。其假借迴紇勢力僑居中國，居貨殖產，殆如今日猶太商人假借歐美列強勢力來華通商致富之比耶？斯亦唐代中國在和平時期人民所受外族影響之一例也。

新唐書壹肆捌康日知傳附承訓傳（參考舊唐書壹玖上懿宗紀咸通四年五年九年十年諸條，及新唐書壹肆捌崔融傳附彥會傳等。）略云：

咸通中南詔復盜邊，武寧兵七百戍桂州，（寅恪案，新唐書陸伍方鎮表武寧軍節度使治徐州。）六歲不得代，別校許信贍可立因衆怒，殺都將，詣監軍使丐輜糧北還，不許，卽擅斧庫，劫戰械，推糧料判官龐助爲長，勸衆上道，懿宗遣中人張敬思部送，詔本道觀察使崔彥會慰安之，次潭州，監軍詭奪其軍，勸畏必諒，德舟循江下，爲夏兵，招亡命，遂入徐州，據之。帝遣中人康道隱宣慰徐州，道隱還，固求節度，帝乃拜承訓徐泗行營都招討使，率魏博鄭延義武鳳翔沙陀吐渾兵二十萬討之，勸以（其父）舉直守徐州，（承訓使降將張玄稔破徐州），勸聞徐已拔，自石山而西，所在焚掠，承訓悉兵八萬逐北，沙陀將朱邪赤裏急進，至宋州，勸焚南城，爲刺史鄭冲所破，將南趨毫，承訓循漢而東，賊走斬縣，官兵斷橋，不及濟，承訓乃縱擊之，斬首萬級，餘皆溺死，閱三日，得助尸。

舊唐書壹玖下僖宗紀（參考舊唐書壹陸陸李光顏傳新唐書壹陸伍鄭餘慶傳附從諱傳壹陸柒王播傳附貳傳壹柒壹

撰元和國計簿條」，時漕復斷絕南北運輸之汴路，（詳見崔文遠桂苑筆耕集及拙著秦婦吟校箋），藉東南經濟力量及科舉文化以維持之李唐皇室，遂不得不傾覆矣。史家推述龐勗之作亂，由於南詔之侵邊，而勗之根據所在適爲汴路之咽喉，故朱子京曰：「唐亡於黃巢，而禍基於杜林。」（新唐書南詔傳論）。嗚呼！世之讀史者儻亦有感於斯言歟？